







7

A

A

My

SS. 3

9

c


In c



*Sty. Bon. in. uny. 24. 6*  
M. TVLLII

CICERONIS  
TVSCVLANA-  
RVM QVAESTIONVM,  
SEV DISVTATIONVM,  
Libri quinque.

*Post Dionysium Lambinum ex autoritate codic.  
manuscr. à Francisco Fabricio Mar-  
codurano emendati.*



*Ad unum  
ss. Viti,  
de*


*Monachorum  
et Noddyti  
urbe.*

COLONIAE AGRIPPINAE,  
In officina Birckmannica sumpti-  
bus Arnoldi Mylij,  
ANNO M. D. LXXXVI.



M. TVL. CI-  
CERONIS TVS-  
CVLANARVM QVAE.

STIONVM LIBER PRIMVS,  
de contemnenda  
morte.



*V* M. defensionum laboribus, se-  
natorijsq̃ue muneribus aut omnino  
aut magna ex parte essem aliquā  
doliberatus, retuli me Brute te  
hortante maximè, ad ea studia,  
qua retenta animo, remissa tem-  
poribus, longo interuallo intermissa reuocaui. Et  
cum omnium artium, qua ad rectam viuendi viam,  
pertinerent, ratio & disciplina studio sapientiae, quae  
philosophia dicitur, contineretur: hoc mihi latinis lit-  
teris illustrandum putavi: non, quia philosophia grae-  
cis & litteris, & doctoribus percipi non posset: sed  
meum iudicium semper fuit, omnia nostros aut inue-  
nisse per se sapientius, q̃ graecos, aut accepta ab illis fe-  
cisse meliora, quidem digna statuissem, in qua quibus  
elaborarent. Nam mores, & instituta vitae, resq̃ue  
domesticas ac familiareis nos profecto & melius tue-  
mur, & lautius rem verò publicā nostri maiores cer-  
tè melioribus temperauerunt & institutis, & legi-  
bus. Quid loquar de re militari? in qua cum virtu-

M. T. C. TVSCVL.

te nostri multum valuerunt, tum plus etiam disciplina. Iam illa, qua natura non literis affecti sunt, neque cum Grecis, neque vlla cum gente sunt conferenda. Quae enim tanta grauitas, quae tanta constantia, magnitudo animi, probitas, fides, quae tam excellens in omni genere virtus in vllis fuit, vt sit cum maioribus nostris comparanda? Doctrina Graecia nos, & omni literarum genere superabat. in quo erat faciliè vincere non repugnantibus. nam cum apud Graecos antiquissimum è doctus sit genus poetarum, siquidem Homerus fuit, & Hesiodus ante Romam conditam, Archilochus regnante Romulo; serius poeticam nos accepimus. Annis enim ferè CCCCCX. post Romam conditam Liuius fabulam dedit, C. Claudio Caei filio, M. Tuditano consulibus, anno ante natum Ennium, qui fuit maior natu, quam Plautus & Nauius. Sero igitur à nostris poetae vel cogniti vel recepti. quanquam est in Originibus, solitos esse in epulis canere conuiuias ad tibicinem de clarorum hominum virtutibus; honorem tamen huic generi non fuisse, declarat oratio Catonis, in qua obiecit vt probrum Marco Nobiliori, quod is in prouinciam poetas duxisset. duxerat autem consul ille in Aetoliam, vt scimus, Ennium. Quominus ergo honoris erat poetis, eo minora studia fuerunt. Nec tamen, si qui magnis ingenijs in eo genere exsisterunt, non satis Graecorum gloria responderunt. An censemus, si Fabio nobilissimo homini laudi datum esset, quod pingeret, non multos etiam apud nos futuros Polygnotos & Parrhasios fuisse? Honos alit artibus:

*Polygnotos*

# QVÆSTION. LIB. I.

reus: omnes quæ incenduntur ad studia gloria: iacent  
 quæ ea semper, quæ apud quosque improbantur. Sum-  
 mam eruditionem Graci sitam censebant in neruo-  
 rum, vocumq; cantibus. Igitur & Epaminondas prin-  
 ceps meo iudicio Gracia, fidibus præclare cecinisse di-  
 citur: Themistocles quæ aliquot ante annis, cum in e-  
 pulis recusasset lyram, habitus est indoctior. Ergo in  
 Gracia musici floruerunt, discebant quæ id omnes, nec  
 qui nesciebat, satis excultus doctrina putabatur. In  
 summo apud illos honore geometria fuit, itaque nihil  
 mathematicis illustrius. At nos metiendi, rationandi  
 quæ utilitate huius artis terminauimus modum. At  
 contra Oratorem celeriter complexi sumus: nec eum  
 primo eruditum, aptum tamen ad dicendum, post  
 autem eruditum. Nam Galbam, Africanum, Leli-  
 um, doctos fuisse, memoria traditum est. studiosum  
 autem eum, qui his ætate ante:bat, Catonem: post  
 verò Lepidum, Carbonem, Gracchos: deinde ita ma-  
 gnos nostram ad ætatem, ut non multum, aut nihil omni-  
 nò Gracis cederemus. Philosophia iacuit ad hanc æta-  
 tem, nec ullum habuit lumen literarum latinarum: quæ il-  
 lustranda & excitanda nobis est, ut, si occupati pro-  
 fuimus aliquid ciuibus nostris, proficimus etiã si possu-  
 mus, otiosi. In quo eo magis nobis est elaborandum, quod  
 multi iam esse latini libri dicuntur scripti inconsideratè  
 ab optimis illis quidem viris, sed non satis eruditis. Fie-  
 ri autem potest, ut rectè quis sentiat, & id quod sentit,  
 politè eloqui non possit, sed mandare quenguam litte-  
 rus cogitationes suas, qui eas nec disponere, nec illu-

strare, possit, nec delectatione aliqua allicere lectorē hominis est intemperanter abutentis & otio & litteris. Itaque suos libros ipsi legunt cum suis nec quisquā attingit præter eos, qui eandem licentiā scribendi sibi permitti volunt. Quare, si aliquid oratoria laudi nostra attulimus industria, multo studiosius philosophia fontes aperiemus, è quibus etiam illa manabant. Sed ut Aristoteles, vir summo ingenio scientia, copia, cum motus esset Isocratis rhetoris gloria, dice-  
lucere re, etiā cepit, adolescentes docere & prudentiā cum eloquentia iungere: sic nobis placet nec pristinum dicendi studium deponere, & in hac maiore, & uberiore arte versari. hanc enim perfectam philosophiam semper iudicavi, qua de maximis questionibus copiose posset, ornatèq; dicere. In quam exercitationē ita nos studiosè dedimus, ut iam etiam scholas Græcorum more habere auderemus. ut nuper tuum post discessum in Tusculano, cum essent complures mecum familiares, tentavi quid in eo genere possem. Ut enim antea declamitabam causas, quod nemo me diutius fecit: sic hac mihi nunc senilis est declamatio. Ponere iubebam de quo quis audire vellet: & id aut sedens, aut ambulās disputabam. Itaq; dierum quinque scholas, ut Græci appellant, in totidē libros cōtuli: fiebat autem ita, ut, cum is, qui audire vellet, dixisset quid sibi videretur, tum ego cont. a dicerem: hac est enim, ut scis, vetus & Socratica ratio contra alterius rationem disserendi, nam ita facillimè, quid verissimillimū esset, invenire posse Socrates arbitrabatur  
 Sed

*Sed quo commodius disputationes explicentur, sic eas exponam, quasi agatur res, non quasi narretur. Ergo ita nascetur exordium. Malū mihi videtur esse mors. Iis ne, qui mortui sunt, an ijs, quibus moriendum est? Verisque. Et igitur miserum, quoniam malum. Certè. Ergo & iij, quibus euenit iam, vt morerentur: & iij, quibus euenturum est, miseri. Mihi ita videtur. Nemo ergo non miser.*

*Prorsus nemo. Et quidem, si tibi constare: vis, omnes, quicunque nati sunt, erunt tūc, non solum miseri, sed etiam semper miseri. nam si solos eos diceres miseros, quibus moriendum esset: neminem tu quidem eorum, qui viuerent, exciperes: moriendum est enim omnibus: esset tamen miseria finis in morte: quoniam autem etiam mortui miseri sunt, in miseriam nascimur sempiternā. necesse est enim miseros esse eos, qui centum millibus annorum ante occiderūt vel potius omneis, quicunque nati sunt. Ita prorsus existimo. Dic quaeso, num te illa terrent, triceps apud inferos Cerberus, Cocyti fremitus, trāsuectio Acherōtis, mento summā aquam attingēs siti enectus Tātalus? num illud, quod, Sisyphus versat.*

*Saxum sudans nitendo, neque proficit hilum? fortasse etiam inexorabiles iudices Minos & Rhadamanthus. apud quos nec te L. Crassus defendet, nec M. Antonius, nec quoniam apud gracos iudices res agetur, poteris adhibere Demosthenem. tibi ipsi pro te erit maxima corona causa dicēda. Hæc fortasse metuis, & idcirco mortem censes esse sempiternum*  
*malum*

malum. Adeo ne me delirare censes, ut ista esse credam? An tu hac esse non credis? Minimè verò. Malè herculè narras. Cur quaso? Quia disertus esse possem, si contra ista dicerem. Quis enim non in eiusmodi causa? aut quid negotii est, hac poetarum & pictorum portenta convincere? At qui pleni sunt libri Philosophorum contra ista ipsa differentium. ineptè sanè quis est enim tam excors, quem ista moucant? Si ergo apud inferos miseri non sunt, ne sunt quidem apud inferos ulli. Ita prorsus existimo. Vbi ergo sunt hi, quos miseros dicis? aut quem locum incolunt si enim sunt, nusquam esse non possunt. Ego verò nusquam esse illos puto. Igitur ne esse quidem. Prorsus isto modo: & tamen miseros ob id ipsam quidem, quia nulli sunt. Iam mallet Cerberum metueres, quàm ista tam inconsideratè diceres. Qui tandem? Quem esse negas eundem esse dicis, ubi est acumen tuum? cum eum miserum esse dicis, qui non sit, tum eum, qui non sit, dicis esse. Nō sum ita hebes, ut ista dicā. Quid dicis igitur? Miserum esse (verbi causa) M. Crassum, qui illas fortunas morte dimiserit: miserum Cn. Pomp. qui tanta gloria, dignitate tanta sit orbatus: omneis denique miseros, qui hac luce careant. Reuolueris eodem: sint enim oportet, si miseri sunt. tu autem modò negabas. eos esse. qui mortui essent. Si igitur non sunt, nihil possunt esse: ita ne miseri quidem sunt. Non dico fortasse etiam, quod sentio. nam istud ipsum, non esse cum fueris, miserrimum puto. Quid miserius, quàm omninò nunquam fuisse? Ita qui nondum nati sunt,



QVAESTION. LIB. I.

ti sunt, miseri iam sunt, quia nō sunt: & nos ipsi, si post mortem miseri futuri sumus, miseri fuimus antequam nati. Ego autem non commemini, antequam sum natus, me esse miserum, tu si meliore memoria es, velim scire, ecquid de te recordere. Ita iocaris, quasi ego dicam, eos esse miseros, qui nati non sunt: & non eos miseros, qui mortui sunt. Esse ergo eos dicis. Immo, quia non sunt cum fuerint eos miseros esse. Pugnantia te loqui non vides? quid enim tam pugnat, quam non modo miserum, sed omninē quicquam esse, qui non sit? An tu egressus porta Capena, cum Calatini, Scipionum, Seruiliorum, Metellorum sepulcra vides, miseros putas illos? Quoniam me verbo premis, post hac non ita dicam, miseros esse, sed tantum miseros, ob id ipsum, quia non sunt. Non dicis igitur, miser est M. Crassus: sed tantum, miser M. Crassus. Ita planē. Quasi non necesse sit, quicquid isto modo pronunties, id aut esse, aut non esse. An tu dialecticis ne imbutus quidē es? in primis enim hoc traditur: Omne pronuntiatum ( sic enim mihi in praesentia occurrit, ut appellarem ἀξιωμα: ut ar potest alio, si inuenero melius ) id ergo est pronuntiatum, aut quod verum, aut falsum esse dicitur. Cū igitur dicis, Miser M. Crassus: aut hoc dicis, Miser est M. Crassus? ut possit iudicari, verum id, falsumne sit: aut nihil dicis omnino. Age iam concedo non esse miseros, qui mortui sunt: quoniam extorsisti ut faterer, qui omnino non essent, eos ne miseros quidem esse posse. Quid? qui viuimus cum moriendum sit, nonne miseri sumus? Qua enim

A 3

potest

potest in vita esse iucunditas, cum dies & nocteis cogitandum sit, iam iamque esse moriendum? Ecquid ergo intelligis, quantum mali ex humana conditione deieceris? Quonam modo? Quia, si mori etiam mortuis miserum esset, infinitum quoddam & sempiternum malum haberemus in vita. nunc video calcem: ad quam cum sit decursum. nihil sit prater ea extimescendum sed tu mihi videris Epicharmi, acuti, nec insulsi hominis, ut Siculi, sententiam sequi. Quam? non enim noui. Dicam, si potero, Latine: ne scis enim me Gracè loqui in Latino sermone non plus solere, quam in Græco Latine. Et rectè quidem. sed quæ tandem est Epicharmi ista sententia?

Emori nolo: sed me esse mortuum nihili aestimo. Iam agnosco Græcam. sed quoniā coegisti, ut concederem, qui mortui essent, eos miseros nō esse: persfice, si potes ut ne moriendū quidem esse miserū putem. Iam istuc quidem nihil negotij est: sed etiam maiora molior. Quomodo hoc nihil negotij est? aut quæ tandem sunt ista maiora? Quoniam si post mortem nihil est mali, ne mors quidem est malum: cui proximum tempus est post mortem, in quo nihil esse mali concedis. ita ne moriendum quidem esse, malum est. id est enim perueniendum esse ad id, quod non esse malum confitemur. Vberius ista quæso. hæc enim spinosiora prius ut confitear me cogunt, quam ut assentiar. Sed quæ sunt ea, quæ dicis te maiora moliri? Ut doceam, si possim, non modò malum non esse mortem, sed bonum etiam esse mortem. Non postulo id quidem

QVAESTION. LIB. I.

dem: auco tamen audire. vt enim non efficias, quod vis, tamen mors vt malum non sit, efficies. sed nihil te interpellabo, continentem orationem audire malo.

Quid? si te rogauero aliquid, non respondebis? Superbi id quidem esset. sed, nisi quid necesse erit, malo ne roges. Geram tibi morem, & ea, quæ vis, vt potero, explicabo: nec tamen quasi Pythius Apollo, certa vt sint & fixa, quæ dixerò: sed vt homunculus vnus è multis probabilia coniectura sequens. vltra enim quo progrediar, quam vt verisimilia dicam, non habeo: certa dicent ij, qui & percipi ea posse dicunt, & se sapientes esse profitentur. Tu, vt videtur: nos ad audiendum parati sumus. Mors igitur ipsa, quæ videtur notissima res esse, quid sit, primum est videndum. Sunt enim, qui discessum animæ à corpore putent esse mortem: sunt, qui nullum cerseant fieri discessum, sed vnà animum & corpus occidere, animumq; cum corpore extinguì. Qui discedere animum censesent, alij statim dissipari, alij diu permanere, alij semper. Quid sit porro ipse animus, aut vbi, aut vnde, magna dissensio est. alijs cor ipsum animus videtur: ex quo excordes, vecordes, concordēsq; dicuntur: & Nasica ille prudens bis consil, corculum appellatus, &c.

Egregiè cordatus homo Catus Aelius Sextus. Empedocles, animum esse censet cordi suffusum sanguinem. Alijs pars quadam cerebri visa est animi principatum tenere. alijs nec cor ipsum placet, nec cerebri quandam partem esse animum: sed alij in corde, alij in cerebro dixerunt animi esse sedem & locum.

cum . Animum autem animam , nostri declarant nominari . nam & agere animam , & effare dicimus , & animosos , & bene animatos , & ex animi sententia . ipse autem animus ab anima dictus est . Zenoni Stoico animus ignis videtur . Sed hæc quidem , quæ dixi , cor , cerebrum , animam ignem vulgò : reliqua fere singuli , vt multi ante veteres . Proximè autem , Aristoxenus musicus idemquæ philosophus ipsius corporis intentionem quandam , velut vt cantu & fidibus , quæ harmonia dicitur , sic ex corporis totius natura & figura varios motus cieri , tanquam in cantu sonos . Hic ab artificio suo non recessit , & tamen dixit aliquid , quod ipsum quale esset , erat multo ante & dictum & explanatum à Platone . Xenocrates animi figuram & quasi corpus negauit esse , verum numerum dixit esse , cuius vis , vt iam antea Pythagoræ visum erat , in natura maxima esset , Eius doctõr Plato triplicem finxit animi naturam : cuius principatum , id est , rationem in capite , sicut in arce , posuit : & duæ partes separare voluit , iram & cupiditatem , quas locis disclusit : iram in pectore , cupiditatem subter præcordia locauit . Dicaarchus autem in eo sermone , quem Corinthi habitans tribus libris exponit doctõrum hominum disputantium , primo libro multos loquentes facit , duobus Pherectratem quendam Phthiotam senem quem ait à Deucalione ortum , differentem inducit , nihil esse omnino animum , & hoc esse nomen totum inane , frustra quæ & animalia & animanteis appellari : nec

QVAESTION. LIB. I.

ri: nec in homine inesse animum, vel animam, nec in  
 bestia, vniq<sup>ue</sup> omnem eam, qua vel agamus quid, vel  
 sentiamus in omnibus corporibus viuis aequabiliter es-  
 se fusam, nec separabilem à corpore esse, quippe qua  
 nulla sit, nec sit quicquam nisi corpus vnum & simplex  
 ita figuratu, vt temperatione natura vigeat & sen-  
 tiat. Aristoteles longe omnibus (Platonem semper  
 excipio) præstans & ingenio & diligentia, cum  
 quattuor nota illa genera principiorum esset comple-  
 xus, è quibus omnia orirentur, quintam quandam na-  
 turam censet esse è qua sit mens: cogitare enim &  
 providere & discere & docere, & inuenire aliquid,  
 & tam multa alia, meminisse, amare, odisse, cupere,  
 timere, angi, latari: hec & similia eorū in horū quat-  
 tuor generā nullo inesse putat, quintum genus adhi-  
 bet vacans nomine, & sic ipsum animū *ψυχή* v  
 appellat nouo nomine, quasi quandam continuatam  
 motionem & perennem. Nisi qua me fortè fugi-  
 unt, hæ sunt fere omnium de animo sententia. De-  
 mocritum enim, magnum quidem illum virum, sed  
 leuibus & rotundis corpusculis efficientem animum  
 concursu quodam fortuito, omittamus: nihil est enim  
 apud illum, quod non atomorum turba conficiat. Ha-  
 rum sententiarum qua vera sit, deus aliquis viderit:  
 qua verisimillima, magna quaestio est. Vtrum igitur  
 inter has sententias diiudicare malumus, an ad pro-  
 positum redire? Cuperem equidem vtrumque, si pos-  
 set: sed est difficile confundere: quare si, vt ista non  
 differamus, liberari mortis metu possumus, id aga-  
 mus

mus: si id non potest, nisi hac quaestione animorum explicata nunc, si videtur, hoc illud aliam. Quod male te intelligo, id puto esse commodius: efficiet enim ratio, ut quaecunque vera sit earum sententiarum, quas exposui, mors, aut malum non sit, aut si bonum potius. nam si cor, aut sanguis, aut cerebrum est animus, certè quoniam est corpus, interibit cum reliquo corpore: si anima est, fortasse dissipabitur: si ignis, exstinguetur: si est Aristoxeni harmonia, dissoluetur. Quid de Dicaarcho dicam, qui nihil omnino animum dicit esse? his sententijs omnibus nihil mors pertinere ad quinquam potest. pariter enim cum vita sensus amittitur. Non sentientis autem nihil esse ullam in partem quod intersit. Reliquorum sententia spem afferunt. si te fortè hoc delectat, posse animos, cum à corporibus exceßerint, in cælum quasi in domicilium suum peruenire. Me verò delectat: id què primum ita esse: deinde, etiam si non sit, mihi tamen persuaderi velim. Quid tibi ergo opera nostra opus est? nū eloquentia Platonem superare possumus? exolve diligenter eum librum, qui est de Animo. amplius quod desideres, nihil erit. Feci me herculè, & quidem sapius: sed nescio quo modo, dum lego, assentior: cum posui librum, & mecum ipse de immortalitate animorum cœpi cogitare, assensio omnis illa elabitur. Quid hoc? dāsne aut manere animos post mortem, aut morte ipsa interire? Do verò. Quid si maneant? Beatos esse concedo. Si intereant? Non esse miseros, quoniam ne sunt quidem. nam istuc coacti à  
te paulo

QVAESTION. LIB. I.

se pauld antè concessimus. Quomodo igitur, aut cur mortem malum tibi videri dicis, quæ aut beatos nos efficiet animis manentibus, aut non miseros sensu carenteis. Expone igitur nisi molestum est, primum si potes, animos remanere post mortem: tum, si minus obtinebis (est enim arduum) docebis carere omni malo mortem. ego enim istuc ipsum vereor ne malum sit, non dico carere sensu, sed carendum esse. Auctoribus quidem ad istam sententiam, quam vis obtineri, vti optimis possumus: quod in omnibus causis & debet, & solet valere plurimum: & primum quidem omni antiquitate: quæ quò propius aberat ab ortu & diuina progenie, hoc melius ea fortasse, quæ erant vera, cernebat. itaque vnum illud erat insitum prisca illis, quos Cascos appellat Ennius, esse in morte sensum, neque excessu è vita sic deleri hominem, vt funditus interiret: idquæ cum è multis alijs rebus tum è pontificio iure, & caremonijs sepulcrorum intelligi licet: quas maximis ingenijs praditi, nec tanta cura coluissent, nec violatas tam inexpiabili religione sanxissent, nisi ha- sisset in eorum mentibus, mortem non interitum esse omnia tollentem, atque delentem, sed quandam quasi migrationem, commutationemq; vitæ, quæ in claris viris & fæminis animis dux in cælum solet esse in cæteris eos humi retineret, vt permanerent tamè: Ex hoc & nostrorum opinione.

Romulus in cælo cum dijs genitalibus eum

Degit: vt fama assentiens dixit Ennius: & apud Græcos, indequæ per lapsus ad nos, & vsque ad Ocea-



non solum, sed etiam profens habetur deo  
Etiam Liber Seneca natus, eademque fame celebra-  
tus, et in insula fatus, qui non modo adiutores in  
prophetia videtur perire. Sed etiam natus fuisse per  
prophetiam. Quid? in Colima fuit, nomine Lencorhea  
monstrum a Graecis, auctor habetur à nobis? quid?  
etiam perire videtur, te perire persequatur, nonne hu-  
manum genere completam est? et vero sciriari vetera  
et ex his, et quae scriptore: Gracia prodiderunt erit  
te, ceter: ipsi illa manentem gentium de, qui habentur,  
hunc à nobis profecti in cetero repetierunt. Quere  
quorum demonstrantur sepulera in Gracia: remiss-  
gere quoniam es incitatus, quae traduntur mysteri-  
um denique, quoniam hoc late pateat intelligi. Sed  
qui nondum ea, quae multis post annis tractari cepis-  
sent, physica didicissem, tantum sibi persuaserant  
quantum natura admonente cognouerant, rationes  
et causas rerum non tenebant, visis quibusdam sa-  
pe movebantur, hisque maxime n. et in his, vi vide-  
rentur h, qui vita excesserant, vivere. At porro fir-  
missimum hoc asserri videtur, cur deos esse creda-  
mus, quod nulla gens tam fera. nemo omnium tam  
fit immanis, cuius mentem non imbuerit deorum opi-  
nio. Multa de Dux prava sentiunt id enim vitio sonare  
effici solet. omnes tamen esse vim, et naturam divinum  
arbitratur. nec vero id collocutio hominis, aut consen-  
sus efficit, nō institutis opinio est confirmata, non legi-  
biles omni autem in re consensio omnium gentium, lex  
natura prisanda. Quis est igitur, qui sciorum  
 mor.

fuit  
 etiam  
 etiam  
 etiam

etiam

etiam  
 etiam  
 etiam



QVÆSTION. LIB. I.

mortem primum non eò lugeat, quod eos orbatos vi-  
ta commodis arbitretur? tolle hanc opinionem; luctū  
sustuleris. nemo enim mœret suo incommodo, dolent  
fortasse & anguntur: sed illa lugubris lamētatio, fle-  
tusq; mœrens ex eo est, quod eum, quem dileximus,  
vita commodis priuatum arbitramur, idque sentire  
atque hac ita sentimus natura dūce, nulla ratione,  
nullaque doctrina. Maximum vero argumentum est  
naturam ipsam de immortalitate animorū tacitā  
iudicare, quod omnibus curæ sunt, & maximè quidē  
quæ post mortē futura sint. Serit arbores, quæ alteri  
seculo profint, vt ait Statius in Synephebis: quid spē-  
ctāt, nisi etiā postera secula ad se pertinere? Ergo  
arbores seret diligens agricola, quātum aspiciet bā-  
cam ipse nunquam: vir magnas leges, institutā, R.  
non seret? Quid procreatio liberorum, quid propa-  
gatio nominis, quid adoptiones filiorum, quid testa-  
mentorū diligentia, quid ipsa sepulchrorum mo-  
numenta, quid eclogia significant, nisi nos futura  
etiā cogitare? Quid illud? num dubitas, quin spe-  
cimen naturæ capi debeat, ex optima quaque natu-  
ra? Quæ est igitur melior in hominum genere natu-  
ra, quam eorum, qui se nātos ad homines iuuandos;  
tutandos, conseruandos arbitrantur? Abijt ad deos  
Hercules. nunquam abisset, nisi, cum inter homines  
esset, eam sibi viam munuisset. veteratā ista, &  
religione omnium consecrata. Quid in hac Re. tor-  
tāt osq; viros ob remp. interfectos cogitasse arbitra-  
mur? quidē ne vt finibus nomen suum, quibus vitā,

terminaretur ? Nemo vnquam sine magna spe im-  
mortalitatis se pro patria offerret ad mortem. Li-  
cuit esse otioso Themistocli, licuit Epaminonda, li-  
cuit, ne & vetera & externa quæram, mihi : sed  
nescio quomodo inhaeret in mentibus quasi seculorū  
quoddam au. u. ium futurorum; idq; in maximis in-  
genijs, altissimisque animis & exiit maximè, &  
apparet facillimè. quo quidem dempto, quis tam es-  
set amens, qui senper in laboribus & periculis viue-  
ret ? loquor de principib. Quid poetæ ? nōne post mor-  
tem nobilitari volunt ? vnde ergo illud ?

Aspicite o ciues senis Ennij imaginis formam.

Hic vestrum panxit maxima facta patrum.

Mercedem gloria flagitat ab ijs, quorum patres as-  
fecerat gloria. Idemq;

Nemo me lacrymis decoret, nec funera fietu

Faxit, cur ? volito viuus per ora virum.

Sed quid Poetæ ? opifices post mortem nobilitari  
volunt quid enim Phidias sui similem speciem inclu-  
sit in clypeo Minerva, cū inscribere non liceret ? quid  
nostri philosophi ? nonne in his ipsis libris, quos scribūt  
de contemnēda gloria sua nomina inscribunt ? Quod  
si omnium consensus, natura vox est, omnesque, qui  
vbique sunt, conseruiunt esse aliquid, quod ad eos  
pertineat, qui è vita cesserunt : nobis quoque i-  
dem existimandum est. & si, quorum aut inge-  
nio, aut virtute animus excellit, eos arbitramur,  
quia natura optima sint cernere natura vim max-  
ime: verisimile est, cum optimus quisque maximè  
posse.

posteritati seruiat esse aliquid, cuius is post mor-  
tem sensum sit habiturus. Sed ut deos esse natura o-  
 pinamur: qualesque sint, ratione cognoscimus. sic per  
 manere animos arbitramur cōsensu nationū omniū.  
 qua in sede maneat, qualesque sint ratione discendū  
 est, cuius ignoratio finxit inferos, easque formidines  
 quas tu continere non sine causa videbare: in terrā  
 enim cadētibus corporibus, hisque humo tectis ex quo  
 dictū est humari, sub terra censebāt reliquā vitā agi  
 mortuorum. quam eorum opinionē magni errores  
 consecuti sunt: quos auxerunt poeta. frequens enim  
 confessus theatri, in quo sunt muliercula & pueri mo-  
 uetur audiens tam grande carmen.

Adsum atque aduenio Acherunte vix via alta atque  
 ardua.

Per speluncas saxis structas asperis, pendentibus,  
 Maximis: ubi rigida constat crassa caligo inferum,  
 tantumque valuit error, qui mihi quidem iam subla-  
 tus videtur, ut corpora cremata cū scirent, tamen ea  
 fieri apud inferos fingerent, quae sine corporibus nec fi-  
 eri possent, nec intelligi. animos enim per seipsos vi-  
 uentes, non poterant mente complecti: formam ali-  
 quam figuramque quarebant in Homeri tota uenūta:  
 inde ea quae meus amicus Appius uix popa uria facie  
 bat: inde in vicina nostra Auerni lacus.

Vnde animae excitantur obscura umbra, aperto  
 ostio.

Alti Acherantis, falso sanguine imagines mortuo-  
 rum.

Hæc tamē imagines loqui volunt: quod fieri nec sine  
 lingua nec sine palato, nec sine faucium, laterū, pul-  
 monum vi & figura potest. nihil enim animo videre  
 poterant: ad oculos omnia referebant. Magni autē  
est ingenij reuocare mentem à sensibus, & cogitatio-  
nem à consuetudine abducere: Itaque credo equidē  
 etiam alios tot saculis de animis: sed, quod litteris ex-  
 tet, Pherecides Syrus primus dixit animos hominū  
 esse sempiternos antiquis sane: fuit enim meo reg-  
 nante gentili. Hanc opinionem discipulis eius Py-  
 thagoras maximē confirmauit: qui cum regnante  
 Tarquinio Superbo in Italiam venisset, tenuit mag-  
 nam illam Graciam cum honore disciplina, tum et-  
 iam auctoritate: multaq; secula postea sic viguit Py-  
 thagoreorum nomen, vt nulli alij docti viderentur.  
 Sed redeo ad antiquos; Rationem illi sententia sue  
 non ferē reddebant, nisi quod erat numerus, aut de-  
 scriptionibus explicandum: Platonem ferūt, vt Py-  
 thagoreos cognosceret, in italiā venisse; & in ea cū  
 alios multos, tum Archytam, Timæumq; cognouisse;  
 & didicisse Pythagoreā omnia: primūq; de animo-  
 rum aeternitate non solum sensisse idem, quod Pytha-  
 goras, sed rationem etiam attulisse: quā nisi quid di-  
 cis, præmittamus, & hanc totam spem immortalitā-  
 tis relinquamus. An tu, cū me in summam expecta-  
tionem adduxeris, deseris? errare me hunculo malo  
 cum Platone, quem tu quantifacias scio, & quem  
 ex tuo ore admiror, quam cum istis verā sentire. Ma-  
 gis te virtute. ego enim ipse cum eodem ipso nō inuitus  
 errā-

QVAESTION. LIB. I.

errauerim. Num igitur dubitamus, an sicut plerūq;  
 sic & hoc quanquam hoc quidem minimè persuadent  
 enim mathematici, terram in medio mūdi sitam, ad  
vniversi cali complexum quasi pūcti instar obtinere  
 quod κέντρον illi vocāt. ea porro naturam esse quat-  
 tuor omnia gignentium corporum, vt, quasi partita  
 habeant inter se & diuisa momenta, terrena, & hu-  
 mida, suapte nutu & suo pondere ad pares angulos  
 in terram & mare ferantur: reliqua duae partes,  
 vna ignea, altera animalis, vt illae superiores in me-  
 dium locum mundi grauitate, feruntur & pondere:  
 sic hac sursum rectis lineis in caelestem locum sub-  
 uolent, siue ipsa natura superiora appetentes, siue  
 quod à grauiorib. leuiora natura repellātur. Quacū  
 constent, perspicuum debet esse animos, cum è cor-  
 pore exceßerint siue illi sint animales, id est, spirā-  
 biles, siue ignei, in sublime ferri. Si vero aut nume-  
 rus quidam sit animus, quod subtiliter magis, quam  
 dilucide dicitur: aut quinta illa non nominata ma-  
 gis quam non intellecta natura: multo etiam integri-  
 ora ac puriora sunt, vt à terra longissimè se efferant  
 Horum igitur aliquid animus est, ne tam vegeta  
 mēs aut in corde cerebrōue, aut in Empedocleo san-  
 guine dimersa iaceat. Dica archum verocum Aristo-  
 xeno equali & condiscipulo suo doctos sane homines  
 omittamus: quorum alter ne condoluisse quidem vn-  
 quam videtur, qui animum se habere non sentiat: al-  
 ter ita delectatur suis cantibus, vt eos etiam adhuc  
 transferre conetur. Harmoniam autem ex sonorum

interuallis nosse possumus, quorum varia compositio harmonias etiam efficit plures: membrorum vero situs & figura corporis vacans animo, quam possit harmoniam efficere, non video. Sed hac quidem, quāuis eruditus sit, sicuti est, hac magistro cōcedat Aristoteli, canere ipse doceat. bene enim illo prouerbio Græcorum præcipitur.

*Quam quisq; norit artem, in hac se exerceat.*


Illam vero funditus eijciamus indiuiduorum corporum, leuium & rotundorum concursione fortuitā: quam tamen Democritus concalescentiam & spirabilem, id est, animalē esse voluit. Is autē animus qui si est, ex aliquo horum quattuor generum, ex quibus omnia constare dicuntur, ex inflammata anima constat, vt potissimū videri video Panatio superiora capebat necesse est: nihil enim habēt hac duo genera pro ni, & supera, semper petūt. Ita, siue dissipatur procul à terris, id euenit: siue permanent & conseruat habitū suum, hoc etiam magis necesse est ferātur ad cælum, & ab his perrūpatur & diuidatur crassus hic & concretus aēr, qui est terra proximus. calidior est enim, vel potius ardentior animus, quam est hic aēr, quem modo dixi crassum, atque concretum. quod ex eo sciri potest, quia corpora nostra terreno principiorum genere confecta, ardore animi concalescunt.

Accedit, cur eo facilius animus euadat ex hoc aere, quem sæpe iam appello crassum, eumquē perrumpat, quod nihil est animo velocius, nulla est celeritas, quæ possit cum animi celeritate contendere. qui si per-

QVAESTION. LIB. I.

manet incorruptus, sui que similis: necesse est ita fe-  
ratur, ut penetret et diuidat omne calun: hoc, in quo  
nubes, imbres, ventique coguntur, & quod hu-  
midum & caliginosum est propter exhalationes ter-  
ra, quam regionē cum superauit animus, naturamq;  
sui similem contigit, et agnouit: iunctus ex anima te-  
nui & ex ardore solis temperato ignibus insistit, &  
finem altius se efferendi facit, cum enim sui similem  
& leuitatem & calorem adeptus est tanquam pari-  
bus examinatus ponderibus nullam in partem mo-  
uetur: eaq; ei demum naturalis est sedes, cum ad  
sui simile penetravit, in quo nulla re egens aletur, &  
sustentabitur eisdem rebus, quibus astra sustentantur  
& aluntur. Cumq; corporis facib. inflammari solea-  
mus ad omnes fere cupiditates, eoq; magis incendi  
quod ijs amulemur, qui ea habeant qua nos habere cu-  
piamus, profecto beati erimus, cum corporib. relictis  
& cupiditatum & emulationum erimus expertes  
quodq; nunc facimus, cum laxati curis sumus, ut spe-  
ctare aliquid velimus & visere: id multo tunc facie-  
mus liberius, totosq; nos in contemplandis rebus per-  
spiciendisq; ponemus, propterea quod & natura in-  
est in mentibus nostris insatiabilis quadam cupiditas  
veri videndi, & ora ipse locorum illorum quo perue-  
nerimus, quo faciliorem nobis cognitionem rerum ca-  
lestium, eo maiorem cognoscendi cupiditatem dabūt  
hac enim pulchritudo etiam in terris patriam illam  
& auitam (ut ait Theophrastus) philosophiam cogni-  
tioni cupiditate incensa excitauit. praecipue vero fru-

patria





cum . Animum autem animam , nostri declarant nominari . nam & agere animam , & efflare dicimus , & animosos , & bene animatos , & ex animi sententia . ipse autem animus ab anima dictus est . Zenoni Stoico animus ignis videtur . Sed hæc quidem , quæ dixi , cor , cerebrum , animam ignem vulgò : reliqua fere singuli , vt multi ante veteres . Proximè autem , Aristoxenus musicus idemque philosophus ipsius corporis intentionem quandam , velut vt cantu & fidibus , quæ harmonia dicitur , sic ex corporis totius natura & figura varios motus cieri , tanquam in cantu sonos . Hic ab artificio suo non recessit , & tamen dixit aliquid , quod ipsum quale esset , erat multo ante & dictum & explanatum à Platone . Xenocrates animi figuram & quasi corpus negauit esse , verum numerum dixit esse , cuius vis , vt iam antea Pythagoræ visum erat , in natura maxima esset , Eius doct̃or Plato tripluem finxit animi naturam : cuius principatum , id est , rationem in capite , sicut in arce , posuit : & duas partes separare voluit , iram & cupiditatem , quas locis disclusit : iram in pectore , cupiditatem subter præcordia locauit . Dicaarchus autem in eo sermone , quem Corinthi habitũ tribus libris exponit doctorum hominum disputantium , primo libro multos loquentes facit , duobus Pherecratem quendam Phthiotam senem quem ait à Deucalione ortum , differentem inducit , nihil esse omnino animum , & hoc esse nomen totum inane , frustra , & animalia & animanteis appellari : nec



QVAESTION. LIB. I.

ri: nec in homine inesse animum, vel animam, nec in  
 bestia, vimq; omnem eam, qua vel agamus quid, vel  
 sentiamus in omnibus corporibus vniis equabiliter es-  
 se fusam, nec separabilem à corpore esse, quippe qua  
 nulla sit, nec sit quicquam nisi corpus vnum & simplex  
 ita figuratu, vt temperatione natura vigeat & sen-  
 tiat. Aristoteles longe omnibus (Platonem semper  
 excipio) præstans & ingenio & diligentia, cum  
 quattuor nota illa genera principiorum esset comple-  
 xus, è quibus omnia orirentur, quintā quandā na-  
 turam censet esse è qua sit mens: cogitare enim &  
 providere & discere & docere, & inuenire aliquid,  
 & tam multa alia, meminisse, amare, odisse, cupere,  
 timere, angī, latari: hæc & similia eorū in horū quat-  
 tuor generā nullo inesse putat, quintum genus adhi-  
 bet vacans nomine, & sic ipsum animū *ψυχήν* v  
 appellat nouo nomine, quasi quandam continuatam  
 motionem & perennem. Nisi qua me fortè fugi-  
 unt, hæ sunt fere omnium de animo sententiæ. De-  
 mocritum enim, magnum quidem illum virum, sed  
 leuibus & rotundis corpusculis efficientem animum  
 concursu quodam fortuito, omittamus: nihil est enim  
 apud illum, quod non atomorum turba conficiat. Ha-  
 rum sententiarum quæ vera sit, deus aliquis viderit:  
 quæ verissimillima, magna quaestio est. Vtrum igitur  
 inter has sententias diiudicare malumus, an ad pro-  
 positum redire? Cuperem equidem vtrumque, si pos-  
 set: sed est difficile confundere: quare si, vt ista non  
 differamus, liberari mortis metu possumus, id aga-

mus: si id non potest, nisi hac quaestione animorum explicata nunc, si videtur, hoc: illud aliam. Quod male te intelligo, id puto esse commodius: efficiet enim ratio, ut quaecunque vera sit earum sententiarum, quas exposui, mors, aut malum non sit, aut si bonum potius. nam si cor, aut sanguis, aut cerebrum est animus, certè quoniam est corpus, interibit cum reliquo corpore: si anima est, fortasse dissipabitur: si ignis, exstinguitur: si est Aristoxeni harmonia, dissoluetur. Quid de Dicaarcho dicam, qui nihil omnino animum dicit esse? his sententijs omnibus nihil mors pertinere ad quencquam potest. pariter enim cum vita sensus amittitur. Non sentientis autem nihil esse ullam in partem quod intersit. Reliquorum sententia spem afferunt. si te fortè hoc delectat, posse animos, cum à corporibus excesserint, in cœlum quasi in domicilium suum peruenire. Me verò delectat: idque primum tua esse: deinde, etiam si non sit, mihi tamen persuaderi velim. Quid tibi ergo opera nostra opus est? nū eloquentia Platonem superare possumus? exolve diligenter eum librum, qui est de Animo. amplius quod desideres, nihil erit. Feci me herculè, & quidem sapius: sed nescio quo modo, dum lego, assentior: cum posui librum, & mecum ipse de immortalitate animorum cœpi cogitare, assensio omnis illa elabitur. Quid hoc? dāsne aut manere animos post mortem, aut morte ipsa interire? Do verò. Quid si maneant? Beatos esse concedo. Si intereant? Non esse miseros, quoniam ne sunt quidem. nam istuc coacti à te paulò

QVÆSTION. LIB. I.

te paulò antè concessimus. Quomodo igitur, aut cur mortem malum tibi videri dicis, quæ aut beatos nos efficiet animis manentibus, aut non miseros sensu carenteis. Expone igitur nisi molestum est, primum si potes, animos remanere post mortem: tum, si minus obtinebis (est enim arduum) docebis carere omni malo mortem. ego enim istuc ipsum vereor ne malum sit, non dico carere sensu, sed carendum esse. Auctoribus quidem ad istam sententiam, quam vis obtineri, vii optimis possumus: quod in omnibus causis & debet, & solet valere plurimum: & primum quidem omni antiquitate: quæ quò propius aberat ab ortu & diuina progenie, hoc melius ea fortasse, quæ erant vera, cernebat. itaque vnum illud erat insitum prisca illis, quos Cascos appellat Ennius, esse in morte sensum, neque excessu è vita sic deleri hominem, vt funditus interiret: idquæ cum è multis alijs rebus tum è pontificio iure, & caremonijs sepulcrorum intelligi licet: quas maximis ingenijs pradii, nec tanta cura coluissent, nec violatas tam inexpiabili religione sanxissent, nisi haesisset in eorum mentibus, mortem non interitum esse omnia tollentem, atque delentem, sed quandam quasi migrationem, commutationem q; vitæ, quæ in claris viris & fæminis animis dux in cælum solet esse in cæteris eos humi retineret, vt permanerent tamē: Ex hoc & nostrorum opinione.

Romulus in cælo cum dijs genitilibus æuum

Degit: vt fama assentiens dixit Ennius: & apud Græcos, indequæ per lapsus ad nos, & vsque ad Ocea-

*Antiquitas*

num Hercules, tantus, & tam presens habetur deus.  
Hinc Liber Semele natus, eademque fame celebri-  
 tate Tyndarida fratres, qui non modo adiutores in  
 praelijs victoriae populi Ro. sed etiam nati fuisse per-  
 bibentur. Quid? Ino Cadmi filia, nonne Leucothea  
 nominata à Gracii, Matura habetur à nostris? quid?  
 totum prope calum, ne plures persequar, nonne hu-  
 mano genere completum est? Si vero scrutari vetera  
 & ex his, ea quae scriptores Gracia prodiderunt eru-  
 re coner: ipsi illi maiorum genium dii, qui habentur,  
 hinc à nobis profecti in calum reperientur. Quere  
 quorum demonstrantur sepulcra in Gracia: reminis-  
 cere, quoniam es initiatus, quae traduntur mysterijs:  
 tum denique, quam hoc late pateat intelliges. Sed  
 qui nondum ea, quae multis post annis tractari coepis-  
 sent, physica didicissent, tantum sibi persuasiant  
 quantum natura admonente cognouerant, rationes  
 & causas rerum non tenebant, visis quibusdam sa-  
 pe movebantur, hisque maxime nocturnis, ut vide-  
 rentur ij, qui vita excefferant, vivere. At porro fir-  
 missimum hoc afferrí videtur, cur deos esse creda-  
 mus, quod nulla gens tam fera, nemo omnium tam  
 fit immanis, cuius mentem non imbuerit deorum opi-  
 nio. Multi de Dijs praua sentiunt id enim vitioso more  
 effici solet. omnes tamen esse vim, & naturam diuinam  
 arbitratur. nec vero id collocutio hominum, aut consen-  
 sus efficit, nò institutis opinio est confirmata, non legi-  
 bus omni autem in re consensio omnium gentium, lex  
 natura putanda. Quis est igitur, qui suorum

mor.

Gracii bi-  
 natus &  
 Semele  
 et Ioue

causa

in peltate  
 adest Ithaca  
 cum Ioue

QVÆSTION. LIB. I.

mortem primum non eò lugeat, quod eos orbatos vi-  
tæ commodis arbitretur? tolle hanc opinionem; luctū  
sustuleris. nemo enim mæret suo incommodo, dolent  
fortasse & anguntur: sed illa lugubris lamētatio, fle-  
tusq; mærens ex eo est, quod eum, quem dileximus;  
vitæ commodis priuatum arbitramur, idque sentire  
atque hæc ita sentimus natura duce, nulla ratione,  
nullaque doctrina. Maximum vero argumentum est  
naturam ipsam de immortalitate animorum tacitā  
iudicare, quod omnibus curæ sunt, & maximè quidē  
quæ post mortē futura sint. Serit arbores, quæ alteri  
seculo prosint, vt ait Statius in Synephebis: quid spe-  
ctāt, nisi etiā postera secula ad se pertinere? Ergo  
arbores seret diligens agricola, quarum aspiciet ba-  
cam ipse nunquam: vir magnas leges, instituta, R.  
non seret? Quid procreatio liberorum, quid propa-  
gatio nominis, quid adoptiones filiorum, quid testa-  
mentorum diligentia, quid ipsa sepulchrorum mo-  
numenta, quid eclogia significant, nisi nos futura  
etiam cogitare? Quid illud? num dubitas, quin spe-  
cimen naturæ capi debeat, ex optima quaque natu-  
ra? Quæ est igitur melior in hominum genere natu-  
ra, quam eorum, qui se natos ad homines iuuandos,  
tutandos, conseruandos arbitrantur? Abijt ad deos  
Hercules. nunquam abisset, nisi, cum inter homines  
esset, eam sibi viam munisset. vetera iam ista, &  
religione omnium consecrata. Quid in hac Re. tot;  
tātosq; viros ob remp. interfectos cogitasse arbitra-  
mur? isdem ne vt sinibus nomen suum, quibus vitæ,

terminaretur? Nemo vnquam sine magna spe im-  
mortalitatis se pro patria offerret ad mortem. Li-  
cuit esse otioso Themistocli, licuit Epaminonda, li-  
cuit, ne & vetera & externa quæram, mihi: sed  
nescio quomodo inhaeret in mentibus quasi seculorū  
quoddam au. u. ium futurorum; idq. in maximis in-  
genys, altissimisque animis & exi. it maximè, &  
apparet facillimè. quo quidem dempto, quis tam es-  
set amens, qui semper in laboribus & periculis viue-  
ret? loquor de principib. Quid poetæ? nōne post mor-  
tem nobilitari volunt? vnde ergo illud?

Aspicite o ciues senis Ennii imaginis formam.

Hic vestrum panxit maxima facta patrum.

Mercedem gloria flagitat ab ijs, quorum patres af-  
fecerat gloria. Idemq.

Nemo me lacrymis decoret, nec funera fletu

Faxit, cur? volito viuus per ora virū.

Sed quid Poetæ? opifices post mortem nobilitari  
volunt quid enim Phidias sui similem speciem inclu-  
sit in clypeo Mineræ, cū inscribere non liceret? quid  
nostrī phil. sophi? nonne in his ipsis libris, quos scribūt  
de contemnēda gloria sua nomina inscribunt? Quod  
si omnium consensus, natura vox est, omnesque, qui  
vbique sunt, consentiunt esse aliquid, quod ad eos  
pertineat, qui è vita cesserunt: nobis quoque i-  
dem existimandum est. & si, quorum aut inge-  
mo, aut virtute animus excellit, eos arbitramur,  
quia natura optima sint cernere natura vim max-  
ime: verisimile est, cum optimus quisque maximè  
posse.

posteritati seruiat esse aliquid, cuius is post mortem sensum sit habiturus. Sed vt deos esse natura opinamur: qualesque sint, ratione cognoscimus. sic permanere animos arbitramur cōsensu nationū omniū. qua in sede maneant, qualesq; sint ratione discendū est, cuius ignoratio finxit inferos, easq; formidines quas tu cōtēnere non sine causa videbare: in terrā enim cadētibus corporibus, hisq; humo tēctis ex quo dictū est humari, sub terra censebāt reliquā vitā agi mortuorum. quam eorum opinionē magni errores consecuti sunt: quos auxerunt poetæ. frequens enim confessus theatri, in quo sunt muliercula & pueri mouetur audiens tam grande carmen.

Adsum atq; aduenio Acherunte vix via alta atque ardua.

Per speluncas saxis structas asperis, pēdentibus, Maximis: vbi rigida constat crassa caligo inferum, tantumq; valuit error, qui mihi quidem iam sublatius videtur, vt corpora cremata cū scirent, tamen ea fieri apud inferos fingerent, quæ sine corporibus nec fieri possent, nec intelligi. animos enim per seipsoś uiuentis, non poterant mente complecti: formam aliquam figuramq; quærebant in Homeri tota vexat: inde ea quæ meus amicus Appius vix pōuixia faciebat: inde in vicina nostra Auerni lacus.

Vnde animæ excitantur obscura vmbra, aperto ostio.

Alti Acheruntis, falso sanguine imagines mortuorum.



Hæ tamē imagines loqui volunt: quod fieri nec sine  
 lingua nec sine palato, nec sine faucium, laterū, pul-  
 monum vi & figura potest. nihil enim animo videre  
 poterant: ad oculos omnia referebant. Magni autē  
 est ingenij reuocare mentem à sensibus, & cogitatio-  
 nem à consuetudine abducere: Itaque credo equidē  
 etiam alios tot sæculis de animis: sed, quod litteris ex-  
 tet, Pherecides Syrus primus dixit animos hominū  
 esse sempiternos antiquis sane: fuit enim meo reg-  
 nante gentili. Hanc opinionem discipulis eius Py-  
 thagoras maximē confirmauit: qui cum regnante  
 Tarquinio Superbo in Italiam venisset, tenuit mag-  
 nam illam Graciam cum honore disciplina, tum et-  
 iam auctoritate. multaq; secula postea sic vixit Py-  
 thagoreorum nomen, vt nulli alij docti viderentur.  
 Sed redeo ad antiquos; Rationem illi sententia sua  
 non ferē reddebant, nisi quod erat numerus, aut de-  
 scriptionibus explicandum: Platonem ferūt, vt Py-  
 thagoreos cognosceret, in italiā venisse; & in ea cū  
 alios multos, tum Archytam, Timæumq; cognouisse;  
 & didicisse Pythagoreā omnia: primumq; de animo  
 rū aeternitate non solum sensisse idem, quod Pytha-  
 goras, sed rationem etiam attulisse: quā nisi quid di-  
 cis, pramittamus, & hanc totam spem in mortalita-  
 tis relinquamus. An tu, cū me in summam expecta-  
 tionem adduxeris, deseris? errare me hocculi malo  
 cum Platone, quem tu quanti facias scio, & quem  
 ex tuo ore admiror, quam cum istis verā sentire. Ma-  
 gne virtute. ego enim ipse cum eodem ipso nō inuitus  
 errā



QVAESTION. LIB. I.

errauerim. Num igitur dubitamus, an sicut plerūq;  
 sic & hoc quanquam hoc quidem minimè persuadent  
 enim mathematici, terram in medio mūdi sitam, ad  
vniversi cali complexum quasi pūcti instar obtinere  
quod κέντρον illi vocāt. eā porro naturam esse quat-  
 tuor omnia gignentium corporum, vt, quasi partita  
 habeant inter se & diuisa momenta, terrena, & hu-  
 mida, suapte nutu & suo pondere ad pares angulos  
 in terram & mare ferantur: reliquæ duæ partes,  
 vna ignea, altera animalis, vt illæ superiores in me-  
 dium locum mundi grauitate, feruntur & pondere:  
 sic hæc sursum rectis lineis in caelestem locum sub-  
 uolent, siue ipsa natura superiora appetentes, siue  
 quod à grauiorib. leuiora natura repellatur. Quacū  
 constant, perspicuum debet esse animos, cum è cor-  
 pore excesserint siue illi sint animales, id est, spirā-  
 biles, siue ignei, in sublime ferri. Si vero aut nume-  
 rus quidam sit animus, quod subtiliter magis, quam  
 dilucide dicitur: aut quinta illa non nominata ma-  
 gis quam non intellecta natura: multo etiam integri-  
 ora ac puriora sunt, vt à terra longissimè se efferant  
 Horum igitur aliquid animus est, ne tam vegeta  
 mēs aut in corde cerebrōue, aut in Empedocleo san-  
 guine dimersa iaceat. Dicæarchum verocum Aristo-  
 xeno equali & condiscipulo suo doctos sane homines  
 omit tamus: quorum alter ne condoluisse quidem vn-  
 quam videtur, qui animum se habere non sentiat: al-  
 ter ita delectatur suis cantibus, vt eos etiam adhuc  
 transferre conetur. Harmoniam autem ex sonorum

interuallis nosse possumus, quorum varia compositio harmonias etiam efficit plureis: membrorum vero situs & figura corporis vacans animo, quam possit harmoniam efficere, non video. Sed hac quidem, quāuis eruditus sit, sicuti est, hac magistro cōcedat Aristoteli, canere ipse doceat. bene enim illo prouerbio Græcorum præcipitur.

Quam quisq; norit artem, in hac se exerceat.

Illam vero funditus eijciamus indiuiduorum corporum, leuium & rotundorum concursione fortuitā: quam tamen Democritus concalescētē & spirabilem, id est, animalē esse voluit. Is autē animus qui si est, ex aliquo horum quattuor generum, ex quibus omnia constare dicuntur, ex inflammata anima constat, ut potissimū videri video. Panatio superiora capessat necesse est: nihil enim habēt hac duo genera pro ni, & supera, semper petūt. Ita, siue dissipatur procul à terris, id euenit: siue permanent & conseruat habitū suum, hoc etiam magis necesse est ferātur ad cælum, & ab his perrūpatur & diuidatur crassus hic & concretus aër, qui est terra proximus. calidior est enim, vel potius ardentior animus, quam est hic aer, quem modo dixi crassum, atque concretum. quod ex eo sciri potest, quia corpora nostra terreno principiorum genere confecta, ardore animi concalescunt.

Accedit, cur eo facilius animus euadat ex hoc acre, quem sæpe iam appello crassum, eumquē perrumpat, quod nihil est animo velocius, nulla est celeritas, quæ possit cum animi celeritate contendere. qui si per-

QVAESTION. LIB. I.

manet incorruptus, sui que similis: necesse est ita fe-  
ratur, ut penetret et diuidat omne calum: hoc, in quo  
nubes, imbres, ventique coguntur, & quod hu-  
midum & caliginosum est propter exhalationes ter-  
ra, quam regionē cum superauit animus, naturamq;  
sui similem contigit, et agnouit: iunctus ex anima te-  
nui & ex ardore solis temperato ignibus insistit, &  
finem altius se efferendi facit, cum enim sui similem  
& leuitatem & calorem adeptus est tanquam pari-  
bus examinatus ponderibus nullam in partem mo-  
uetur: eaq; ei demum naturalis est sedes, cum ad  
sui simile penetrauit, in quo nulla re egens aletur, &  
sustentabitur eisdem rebus, quibus astra sustentantur  
& aluntur. Cumq; corporis facib. inflammari solea-  
mus ad omnes fere cupiditates, eoque magis incendi  
quod ijs amulemur, qui ea habeant quae nos habere cu-  
piamus, profecto beati erimus, cum corporib. relictis  
& cupiditatum & amulationum erimus expertes  
quodq; nunc facimus, cum laxati curi sumus, ut spe-  
ctare aliquid velimus & visere: id multo tum facie-  
mus liberius, totosq; nos in contemplandis rebus per-  
spiciendisq; ponemus, propterea quod & natura in-  
est in mentibus nostris insatiabilis quaedam cupiditas  
veri videndi, & ora ipse locorum illorum quo perue-  
nerimus, quo faciliorem nobis cognitionem rerum ca-  
lestium, eo maiorem cognoscendi cupiditatem dabūt  
haec enim pulchritudo etiam in terris patriam illam  
& auitam (ut ait Theophrastus) philosophiam cogni-  
tioni cupiditate incensā excitauit, praecipue v. ro fru-

patrit

B

4

entur



M. T. C. TVSCVLANA.

entur ea, qui tum etiā, cum has terras incolētes circūfuserant caligine, tamen acie mentis dispicere cupiebant. Etenim si nunc aliquid assequi se putant, qui ostium Ponti viderūt, & eas angustias; per quas penetravit ea, quæ nominata.

Argo, quia Argiui in ea delecti viri  
uecli petebant pellem inauratam arietis.

aut ij, qui Oceani freta illa viderunt,

Europā, Libyamq; rapax ubi diuidit vnda, quod tandem spectaculum fore putamus, cū totam terrā contueri licebit, eiusq; cū situm, formā circumscriptionem, tum, & habitaleis regiones rursum omni cultu propter vium frigoris, aut caloris vacanteis? nos enim ne nūc quidem oculis cernimus ea, quæ videmus. Neq; enim est vllus sensus in corpore sed vt non solū phisici docent, verū etiam medici, qui ista aperta & patefacta viderunt, viæ quasi quadam sunt ad oculos, ad aureis, ad nareis, à sede animi perforata. Itaque sape aut cogitatione, aut aliqua vi morbi impediti, apertis atq; integris & oculis & auribus neq; videmus, nec audimus: vt facile intelligi possit, animū & videre & audire, non eas partes quæ quasi fenestra sunt animi: quibus tamē sentire nihil queat mens, nisi id agat & adsit. Quid quod eadem mēte res dissimillimas comprehendimus, vt colorem, saporem, calorem, odorem, sonum? quæ nunquam quinq; nuntiis animus cognosceret, nisi ad eū omnia referretur, vt idem omnium iudex solus esset. Atq; ea profecto tum multo puriora & dilucidiora cernentur,

QVAESTION. LIB. I.

tur, cum quò natura feret, liber animus perueniet, nam nunc quidem quanquam foramina illa, quae patent ad animum à corpore, callidissimo artificio natura fabricata est: tamen terrenis, concretisq; corporibus sunt intersepta quodam modo. Cum autem nihil erit præter animum: nulla res obiecta impediet, quo minus percipiat, quale quidque sit. quamuis copiosè hæc diceremus, si res postularet, quàm multa, quàm varia spectacula animus in locis caelestibus esset habiturus. quae quidem cogitans, soleo sæpè mirari nonnul-  
lorum insolentiam philosophorum, qui natura cognitionem admirantur, eiusq; inuentori & principi gratias exsultantes agunt, eumq; venerantur ut Deum, liberatos enim se per eum dicunt grauissimis dominis, terrore sempiterno, & diurno ac nocturno metu. quo terrore? quo metu? quae est anus tam delira, quae timeat ista, quae vos videlicet, si Physica non didicissetis, timeretis?

Acheruntia templa alta Orci, pallida

Leti, obnubila, obsita tenebris loca.

Non pudet philosophum in eo gloriari, quòd hæc non timeat, & quòd falsa cognouerit? Ex quo intelligi potest, quàm acuti natura sint, qui hæc sine doctrina credituri fuerint. præclarum autè nescio quid adepti sunt, qui didicerunt, se cum tempus mortis venisset, totos esse perituros. quod ut ita sit, (nihil enim pugno) quid habet ista res aut latabile, aut gloriosum? nec tamen mihi sanè quicquam occurrit, cur non Pythago-  
ra sit, & Platonis vera sententia, ut enim ratione

Plato nullam afferret (vide, quid homini tribuam) ipsa auctoritate me frangeret. tot autem rationes attulit, ut velle ceteris, sibi certè persuasisse videatur. Sed plurimi contra nituntur, animo: quæ quasi capite damnatos morte multant, neque aliud est quicquam, cur incredibilis his annorum videatur æternitas, nisi quoddam nequeunt, qualis animus sit vacans corpore, intelligere, & cogitatione comprehendere. quæ si verò intelligant, qualis sit in ipso corpore, quæ confirmatio, quæ magnitudo, qui locus: aut si iam possent in homine vno cerni omnia, quæ nunc tecta sunt, casurus ne in conspectum videatur animus, an tanta sit eius tenuitas: ut fugiat aciem. Hac reputent isti, qui negant animum sine corpore se intelligere posse: videbunt, quem in ipso corpore intelligant. mihi quidem naturam animi intuenti multò difficilior occurrit cogitatio, multo quæ obscurior, qualis animus in corpore sit tanquam aliena domi, quàm qualis, cum exierit, & in liberum cælum quasi in domum suam venerit. Si enim, quod nunquam vidimus, id quale sit intelligere non possumus, certè & deum ipsum, & diuinum animum, corpore liberatum, cogitatione complecti non possumus. Dicæarchus quidem, & Aristoxenus, quia difficilis erat animi, quid, aut qualis esset, intelligentia, nullum omnino animum esse dixerunt. est illud quidem vel maximum, animo ipso animum videre: & nimirum hanc habet vim præceptum Apollinis, quo monet, UT SE QVISQVE NOSCAT non enim credo, id præcipit, ut membra nostra, aut sta-

QVÆSTION. LIB. I.

turam figuramue noscamus: neque nos corpora sumus  
 neque ego tibi dicēs hoc corpori tuo dico: cū igitur,  
 NOSCE TE dicit, hoc dicit, Nosce animum tuum.  
 Nam corpus quidem quasi vas est, aut aliquod animi  
 receptaculum. ab animo tuo quicquid agitur, id agi-  
 tur à te. Hunc igitur nosse, nisi diuinum esset, non es-  
 set hoc acrioris cuiusdam animi præceptum: sic, vt tri-  
 butum deo sit. hoc est seipsum posse cognoscere.\* Sed  
 si, qualis sit animus, ipse animus nesciat, dic quaeso, ne  
 esse quidem se sciet? ne moueri quidem se? ex quo illa  
 ratio nata est Platonis, qua à Socrate est in Phædro  
 explicata, à me autem posita est in sexto libro de rep.  
 Quod semper mouetur, id in æternum est. quod au-  
 tem motum affert alicui, quod quæ ipsum agitur a-  
 liundè, quando finem habet motus, viuendi quoque  
 finem habeat necesse est. solum igitur, quod seipsum  
 mouet, quia nunquam deseritur à se, nunquam  
 ne moueri quidem desinit. quin etiam cæteris, qua  
 mouentur, hic fons, hoc principium est mouendi.  
 Principij autem nulla est origo. nam ex principio  
 oriuntur omnia: ipsum autem nulla ex re alia na-  
 sci potest. Nec enim esset id principium, quod gign-  
 neretur aliundè. quod si nnuquam oritur, ne occi-  
 dit quidem vnquam, nam principium extinctum,  
 nec ipsum ab alio renascetur, nec à se aliud creabit,  
 si quidem necesse est a principio oriri omnia. Ita fit,  
 vt motus principium id sit, quod ipsum à se mouetur.  
 id autem nec nasci potest, nec mori: vel concidant om-  
 ne calum, omnis quæ terra: & consistāt necesse est, nec

natura

vino



vñm vlla nanciscantur, qua primo impulsa moueantur. Cùm pateat igitur æternum id esse quod se ipsum moueat: quis est, qui hanc naturam animis esse tributam neget? inanimum est enim omne, quod pulsu agitur externo. quod autem est animatum, id motu cietur interiore, & suo. nam hac est propria natura animæ atque vis: quæ si est vna ex omnibus, quæ seipsam semper moueat, neque nata certè est, & æterna est. Licet concurrant plebeij omnes philosophi: (sic enim ij, qui à Platone & Socrate, & ab illa familia dissident, appellandi vidètur) non modò nihil vnquam tam eleganter explicabunt, se ne hoc quidem ipsum quam subtiliter conclusum sit, intelligent. Sentit igitur animus se moueri: quòd cū sentit, illud vnà sentit se vi sua, nō aliena moueri: nec accidere posse, vt ipse vnquā à se deferatur. Ex quo efficitur æternitas. nisi quid habes ad hæc. Ego verò facile sum passus ne in mentem quidem mihi aliquid contra venire: ita isti faueo sententiæ. Quid illa tandem, num leuiora censes. quæ declarant inesse in animis hominum diuina quedam? quæ si cernerem quemadmodum nasci possent, etiam, quemadmodum interirent, viderē. nam sanguinem, bilem, pituitam, ossa, neruos, venas, omnem deniq; membrorum & totius corporis figurā videor posse dicere, vnde concreta & quomodo facta sint. Per animum ipsum, si nihil esset in eo, nisi id vt per eum viueremus, tam natura putarem hominis vitam sustentari, quam vitis, quam arboris. hæc enim etiam dicimus vivere. Item si nihil haberet ani-



QVAEST. LIB. I.

mus hominis, nisi ut appeteret, aut refugeret, id quod esset ei commune cum bestiis. Habet primum memoriam, & eam infinitam rerum innumerabilium: quam quidem Plato recordationem esse vult superioris vitae. nam in illo libro, qui inscribitur Meno, pusionem quandam Socrates interrogat quidam geometrica de dimensione quadrati. ad ea sic ille respondet, ut puer: & tamē ita faciles interrogationes sunt ut gradatim respondens eo perveniat, quasi geometrica didicisset, Ex quo effici vult Socrates, ut discere nihil aliud sit, quam recordari. quem locum multo etiam accuratius explicat in eo sermone, quē habuit eo ipso die, quo excessit ē vita. docet enim, quēvis, qui omnium rerum rudis esse videatur, bene interroganti respondentem, declarare, se non tum illa discere, sed reminiscendo recognoscere: nec verō fieri vllō modo posse, ut à pueris tot rerum atque tantarum infinitas, & quasi consignatas in animis notiones; quas *ἐννοίας* vocant haberemus, nisi animus, antequam in corpus intrasset, in rerum cognitione viguisset. cumque nihil esset, ut omnibus locis à Platone differitur (nihil enim putat esse, quod oriatur & intereat, idque solum esse, quod semper tale sit, quale ideam appellat ille, nos speciem) non potuit animus hac in corpore inclusus cognoscere, cognita attulit. Ex quo tam multarum rerum cognitionis admiratio tollitur: neque ea plane videt animus, cum tam repentē in tam insolitum, tamque perturbatum domicilium immigravit, sed cum se collegit atque recreavit, tum ag-

noscit

nescit ea reminiscendo. Ita nihil aliud est discere, nisi recordari. Ego autem maiore etiam quodam modo memoriam admiror, quid est enim illud, quo meminimus? aut quam habet vim: aut vnde natam? Non quaro, quanta memoria Simonides fuisse dicatur, quanta Themistocles, quanta is, qui à Pyrrho legatus ad senatum est missus, Cyneas, quanta nuper Carneades quanta qui modo fuit, Scepſius Metrodorus, quanta noster Hortensius: de communi hominum memoria loquor, & eorum maximè, qui in aliquo maiore studio & arte versantur: quorum quanta mens sit, difficile est existimare: ita multa meminere. Quorsum igitur hæc spectat oratio? quæ sit illa vis, & vnde sit intelligendum puto, non est certè nec cordis, nec sanguinis, nec cerebri, nec atomorum. anima sit animus, ignis ne nescio: nec me pudet, ut istos, fateri nescire quod nesciam; illud si vlla alia de re obscura affirmare possem. siue anima, siue ignis sit animus, eum iurarem esse diuinum. quid enim? obsecro te: terræne tibi, aut hoc nebuloso & caliginoso cælo aut sata, aut concreta videtur tanta vis memoriæ? Si, quid sit hoc, non vides: at, quale sit, vides. si ne id quidem: at, quantum sit, profectò vides. Quid igitur? vtrum capacitatem aliquam animum putamus esse, quo tanquam in aliquod vas ea, quæ meminimus infundantur? absurdum id quidem. quis enim fundus, aut quæ talis animi figura intelligi potest? aut quæ tanta omnino capacitas? an inprimi quasi ceram animum putamus, & memoriam esse signatarum rerum in mente vestigia? quæ

possunt

possunt verborum, quæ rerum ipsarum esse vestigia?  
 quæ potè tam immensa magnitudo, quæ illa tam mul-  
 ta possit effingere? quid? illa vis quæ tandem est, quæ  
 inuestigat oculta, quæ inuentio atque excogitatio  
 dicitur? ex hacne tibi terrena, mortaliqûe natura et  
 caduca concreta ea videtur? aut quis primus, quod  
 summa sapientia Pythagora visum est, omnibus re-  
 bus imposuit nomina? aut quis dissipatos homines con-  
 gregauit, & ad societatem vitæ conuocauit? aut quis  
 sonos vocis, qui infiniti videbantur, paucis litterarum  
 notis terminauit? aut quis errantium stellarum, cur-  
 sus, progressiones, institutionesq; notauit? omnes ma-  
 gni, etiam superiores. qui fruges, qui vestitum, qui  
 recta, qui cultum vitæ, qui præsidia contra feras inue-  
 nerunt: à quibus mansuefacti, & exculi, à necessa-  
 rijs artificijs ad elegantiora defluximus. nam & au-  
 ribus oblectatio magna ex parte est inuenta & tem-  
 perata a varietate & natura sonorum: & astra suspe-  
 ximus, tum ea, quæ sunt infixæ certis locis, tum illa nō  
 re, sed vocabulo errantia. quorum conuersiones, om-  
 nesque motus qui animo vidit, is docuit, similem ani-  
 mum suum eius esse, qui ea fabricatus in cælo esset.

Nam cum Archimedes lunæ, solis, quinque erranti-  
 um motus in spheram illigauit, effecit idem, quod  
 le, qui in Timaio mundum adificauit, Platonis Deus,  
 et tarditate & celeritate dissimillimos motus vna  
 geret, conuersio. Quod si in hoc mundo fieri sine deo  
 non potest ne in sphaera quidem eosdem motus Archi-  
 medes sine diuino ingenio potuisset imitari. Mihi ve-

vò ne hac quidem notiora & illustriora carere vi di-  
 uina videntur, vt ego aut poetam graue, plenumquē  
 carmen sine cœlesti aliquo mentis instinctu putem  
 fundere, aut eloquentiam sine quadam vi maiore flu-  
 ere, abundantem sonantibus verbis, vberibusquē sen-  
 tentijs. Philosophia verò, omnium mater artium,  
 quid est aliud, nisi, vt Plato ait, donum: vt ego, in-  
 uentum deorum? Hac nos primum ad illorum cul-  
 tum, deinde ad ius hominum, quod situm est in gene-  
 ris humani societate, tum ad modestiam, magnitudi-  
 nemquē animi erudiuit, eademquē ab animo, tanquā  
 ab oculis, caliginem dispulit, vt omnia supera, infera;  
 prima, vltima, media videremus. Prorsus hac diuina  
 mihi videtur vis, quā tot res efficiat, & tantas: Quid  
 est enim memoria rerum, & verborum? quid por-  
 rò inuentio? profectò id; quò nec in deo quicquam  
 maius intelligi potest. Non enim ambrosia deos, aut  
 nectare, aut Iuuentate pocula ministrante letari ar-  
 bitror, nec Homerum audio, qui Ganymeden à dijs  
 raptum ait propter formam; vt Ioui pocula mi-  
 nistraret: non iusta causa cur Laomedonti tanta fi-  
 eret iniuria. Fingebat hæc Homerus, & humanā  
 ad deos transferebat: diuina mallet ad nos: quæ au-  
 tem diuina? vigere, sapere, inuenire, meminisse. ergo  
 animus, vt ego dico, diuinus: vt Euripedes audet dice-  
 re, deus est. Et quidem si deus aut anima, aut ignis  
 est, idem animus est hominis. nam vt illa natura cœle-  
 stis & terra vacat, & humore: sic viriusque harum  
 rerum humanus animus est expers, sin autem est quin-  
 ta qua-

et a quadam natura ab Aristotele inducta, primū hac  
& deorum est & animorum. Hanc nos sentētiam se-  
curi, his ipsis verbis in consolatione hac expressimus.

Animorum nulla in terris origo inueniri potest: ni-  
hil enim est in animis mixtum atque concretum aut  
quod ex terra natum atque fictum esse videatur, ni-  
hilne aut humidum quidem aut stabile, aut igneum:  
his enim in naturis nihil inest, quod vim memoriæ, mē-  
tis, cogitationis habeat, quod & præterita teneat, &  
futura prouideat, & complecti possit præsentia: quæ  
sola diuina sunt, nec inuenietur vnquam, vnde ad ho-  
minem venire possint, nisi à deo. Singularis est igitur  
quadā natura, atq; vis animi, seiuncta ab vñtatis, no-  
tisq; naturis. Itaq; quicquid est illud, quod sentit, qd  
sapit, quod vult, quod viget, cœleste et diuinum est. ob  
eamq; rem æternū sit necesse est. nec verò deus ipse, q  
intelligitur à nobis, alio modo intelligi potest, nisi mēs  
soluta quadam, & libera, segregatā ab omni concre-  
tione mortali, omnia sentiens et mouens, ipsa quæ pra-  
dit a motu sempiterno. Hoc è genere, atque eadem è  
natura est humana mens. Tibi igitur, aut qualis est i-  
sta mens? vbi tua, aut qualis est? potēsne dicere? an, si  
omnia ad intelligendum non habeo, quæ habere vellē;  
ne ijs quidem, quæ habeo, mihi per te vti licebit? non  
valet tantum animus vt sese ipse videat: ac vt oculus  
sic animus sese non videns. alia cernit, non videt au-  
tem, quod minimum est, formam suam, fortasse: quan-  
quam id quoq; sed relinquamus: vim certè, sagacita-  
tē, memoriam, motū, celeritatem videt, hac magna,

hæc diuina, hæc sempiterna sunt. quæ facie quidem sit,  
 aut vbi habitet, ne quarendum quidem est, vt, cum vi-  
 demus speciem primum, candoremque cæli, deinde  
 conuersionis celeritatem tantam, quantam cogitare  
 non possumus: tum vicissitudines dierum atque nocti-  
 um, commutationesque temporum quadripartitas,  
 ad maturitatem fugum, & ad temperationem cor-  
 porum aptas, eorumque omnium moderatorem & du-  
 cem solem, lunamque accretione & diminutione lu-  
 minis quasi fastorum notari tem & significantem di-  
 es: tum in eodem orbe in XII. parte distributo, quin-  
 que stellas ferri, eosdem cursus constantissimè seruan-  
 teis, disparibus inter se motibus: nocturnamque cæli for-  
 mam vndique sideribus ornatam: tum globum terra  
 eminentem è mari, fixum in medio mundi vniuer-  
 si loco, duabus oris distantibus habitabilem & cultum:  
 quarum altera, quam nos incolimus, sub axe posita  
 ad stellas septem, vnde

Horrisfer Aquilonus stridor gelidus molitur niues:  
 altera australis, ignota nobis, quam vocant Græci ἄν-  
 τάρκωα: ceteras partes incultas quod aut frigore ri-  
 geant, aut vrantur calore: hic autem vbi habitamus,  
 non intermittit suo tempore

Cælum mitescere, arbores frondescere,  
 Vites latifusa pampis pubescere,  
 Rami bacarum vbertate incurvescere,  
 — Segetes largiri singulis, florere omnia,  
 Fontes scatere herbis prata conuestiri:  
 tum multitudinem pecudum partim ad vescendum:  
 partim

QVÆSTION. LIB. I.

partim ad cultus agrorū, partim ad vehendum, partim ad corpora vestienda: hominemquē ipsum quasi contemplatorem cœli ac deorum, ipsorumquē cultorē, atque hominis vtilitati agros omnes & maria parentia. Hac igitur, & alia innumerabilia cū cernimus, possūmusne dubitare, quin his præsit aliquis vel effector, si hac nata sunt, vt Platoni videtur: vel si semper fuerint, vt Aristoteli placet, moderator tanti operis & muneris? sic mentem hominis, quamuis eā non videas, vt Deum non vides: tamen, vt Deum agnoscis ex operibus eius, sic ex memoria rerum & inuentione & celeritate motus, omniū pulchritudine virtutis vim diuinam mentis agnoscito. In quo igitur loco est? credo equidem in capite: & cur credam multa asferre possū. sed de hoc alias: nūc vbi vbi sit animus, certè quidem in te est. quæ est ei natura? propria puto, & sua sed fac igneam, fac spirabilem: nihil ad id, de quo agimus, illud modo videto, vt Deum noris, & si eius ignores & locum & faciem: sic animum tibi tuum notum esse oportere, etiam si eius ignores, & locum & formam, in animi autem cognitione dubitare non possumus, nisi planè in Physicis plumbei sumus, quin nihil sit animi admixtum, nihil concretum, nihil copulatum: nihil coagmentatum, nihil duplex. quod cum ita sit, certè nec secerni, nec diuidi, nec discerpi, nec distrahi potest: nec interire igitur. est enim interitus quasi discessus & secretio, ac direptus earum partium, quæ ante interitum iunctione aliqua tenebantur. His & talibus adductus Socrates, nec



patronum quesivit ad iudicium capitis, nec iudicibus  
 supplex fuit: adhibuitque liberam contumaciam à  
 magnitudine animi ductam, non à superbia: & supre-  
 mo vita die, de hoc ipso multa disseruit: & paucis an-  
 tē diebus, cum facile posset educi de custodia, noluit:  
 & cum penè in manu iam mortiferum illud teneret  
 poculum, locutus ita est, vt non ad mortem trudi, ve-  
 rum in cœlum videretur ascendere. ita enim cense-  
 bat, itaque disseruit, duos esse vias, duplicesque cur-  
 sus animorum è corpore excedentium: nam qui se hu-  
 manis vitijs contaminassent, & se totos libidinibus de-  
 didissent, quibus, cœcati vel domesticis vitijs atq; fla-  
 gitijs se inquinassent, vel in Repub. violanda fraudes  
 inextinguibiles concepissent, ijs deuium quoddam iter  
 esse seclusum à concilio deorum. qui autem se integros  
 castosq; seruauissent, quibusq; fuisset minima cū cor-  
 poribus contagio seseq; ab his semper seuocassent, es-  
 sentq; in corporibus humanis vitam imitati deorum:  
 his ad illos, à quibus essent profecti, reditum facilem  
 patere. itaq; commemorat, vt cygni, qui non sine cau-  
 sa Apollini dicata sunt, sed quod ab eo diuinationem  
 habere videantur, qua prouidentes quid in morte bo-  
 ni sit, cum cantu et voluptate moriantur: sic omnibus  
 & bonis & doctis esse faciendum. Nec verò de hoc  
 quisquam dubitare posset, nisi idem nobis accideret di-  
 ligenter de animo cogitantibus, quod ijs saepe usu ve-  
 nit, qui acribus oculis deficientem solem intuerentur,  
 vt aspectu omnino amitterent: sic mentis acies seip-  
 sam intuens, nonnunquam hebescit: ob eamq; causam  
 contem-

Luati



# QVAESTION. LIB. I.

contemplanti diligentiam amittimus. Itaque dubitans, circumspectans, hesitans, multa aduersa reuerens, tanquam ratis in mari immenso, noster vehitur oratio. Sed hæc & vetera, & à Græcis. Cato autē sic abiit à vita, vt causam moriēdi natū se esse gaude-  
ret. Vetat enim dominās ille in nobis deus iniussu hinc nos suo demigrare. Cū verò causam iustam deus ipse dederit, vt tunc Socrati, nūc Catoni saepe multis: ne ille mediūfidius vir sapiens, latus ex his tenebris in lucem illam excesserit: nec tamen illa vincula carceris ruperit: leges enim vetant: sed, tanquam à magistratu, aut ab aliqua potestate legitima, sic à Deo euocatus, atq; emissus exierit. tota enim philosophorum vita, vt ait idem, commentatio mortis est. nam quid aliud agimus, cū à voluptate, id est, à corpore, cū à re familiari, quæ est ministra et famula corporis, cū à Repub. cū à negotio omni seuocamus animū, quid, inquam, tum agimus, nisi animum ad se ipsum aduocamus, secum esse cogimus, maximeq; à corpore abducimus? secernere autem à corpore animū, ne quicquā aliud est, quā memori discere. Quare hoc commentemur, mihi crede disiungamusque nos à corporibus, id est, consuescamus mori. hoc & dum erimus in terris, erit illi cælesti vita simile: & cū illuc ex his vinculis emissi feremur, minus tardabitur cursus animorum. nam qui in cōpedibus corporis semper fuerunt, etiam cum soluti sunt, tardius ingrediuntur, vt ij, qui ferro vincti multos annos fuerūt, quō cum venerimus, tum deniq; viuemus. nam hæc quidem vita, mors est: quā

lamentari possem, si liberet. Satis tu quidem in consolatione es lamentatus: quam cum lego, nihil malo, quam has res relinquere: hu verò modò auditis, multò magis. Veniet tempus, & quidem celeriter, & siue retardabis, siue properabis: volat enim etas, tantum autem abest ab eo, vt malum mors sit, quod tibi dudū videbatur, vt verear, ne homini nihil sit non malum aliud certè, sed nihil bonum aliud potius: si quidem vel dij ipsi, vel cum dijs futuri sumus. Quid refert? ad sunt enim qui hac non probent. Ego autem nunquam ita te hoc sermone dimittam, vlla vi ratione mors tibi videri malū possit. Qui potest, cum ista cognouerim? Qui possit, rogas? caterua veniunt contradicentium non solum Epicureorum, quos equidem non despicio, sed nescio quomodo doctissimi quisq; contemnit: acerrimè autem delicia mea Dicaearchus contra hanc immortalitatem differuit. is enim treis libros scripsit, qui Lesbiaci vocantur, quoddam Mitylenis sermo habetur: in quibus vult efficere, animos esse mortales. Stoici autem vsuram nobis largiuntur tanquam cornicibus: diu mansuros aiunt animos, semper negant. num vis igitur audire, cur, etiamsi ita sit, mors tamen non sit in malis? Vt videtur: sed me nemo de immortalitate depellet. Laudo id quidem: & si nihil nimis oportet considerare: mouemur enim saepe aliquo acutè concluso: labamur, mutamusq; sententiam. clarioribus etiam in rebus inest aliqua obscuritas. id igitur si acciderit, sinus armati. Sanè quidem: sed ne accidat, proindebo. Nū quid igitur est causa, quin amicos nostras

# QVÆSTION. LIB. I.

*Stoicos dimittamus, eos dico, qui aiunt animos manere è corpore cùm excefferint, sed non semper? istos verò, qui, quod tota in hac causa difficillimum est, suscipiant, posse animum manere corpore vacantem: illud autem, quod non modò facile ad credendum est, sed eo concessò, quod volunt, consequens, id certè non dant, ut cùm diu permanferit, ne intereat. Eenè reprehendu: & se isto modo res habet. Credamus igitur Panetio à Platone suo dissentienti, quem enim omnibus locis diuinum, quem sapientissimum, quem sanctissimum, quem Homerum philosophorum appellat, huius hanc vnā sententiam de immortalitate animorum non probat: vult enim, quod nemo negat, quicquid natum sit, interire: nasci autem animos, quod declarat eorum similitudo, qui pro. reantur: quæ etiā in ingenijs, non solum in corporibus appareat. alterā autem affert rationem, nihil esse, quod doleat, quin id ægrum esse quoque possit: quod autem in morbum cadat, id etiam interiturū: dolere autem animos: ergo etiā interire. Hæc refelli possunt. sunt enim ignorantis, cùm de eternitate animorum dicatur, de mente dici, quæ omni turbido motu semper vacet: non de partibus ijs, in quibus ægritudines, iræ, libidinesquæ versentur: quæ is, contra quem hæc dicantur, semotas à mente & disclusas putat. nam similitudo magis apparet in bestiis: quarū animi sunt rationis expertes, hominū autē similitudo in corporū figura magis extat: & ipsi animi magni refert quali in corpore locati sunt. multa enim corpore existunt, quæ acuant*

mentem: multa quæ obtundant. Aristotelos quidē ait  
 omneis ingeniosos melancholicos esse: vt ego me tar-  
 diorem esse non molestè feram. enumerat multos: id-  
 quæ quasi constet, rationem cur ita fiat, affert. Quod  
 si tanta vis est ad habitum mentis in ijs, quæ gignun-  
 tur in corpore: ea autem sunt quacunque sunt, quæ si-  
 militudinem faciunt: nihil necessitatis affert, cur na-  
 scentur animi, similitudo. Omitto similitudines: vel-  
 lem adesse posset Panatius. vixit cum Africano. qua-  
 rerem ex eo, cuius suorum similis fuisset Africani fra-  
 tris nepos, facie patris: vita omnium perditorum ita si-  
 milis, vt esset facile deterrimus. cuius et iam similis P.  
 Crassi, & sapientis & eloquentis hominis nepos, mul-  
 torumq; aliorum virorū clarorum quos nihil attinet  
 nominare, nepotes, & filij. Sed quid agimus? obliuiscē-  
 sumus, hoc nunc nobis esse propositum, cum satis de æ-  
 ternitate dixissemus, ne, si interirent quidem animi,  
 quicquam mali esse in morte?

Ego verò memineram: sed te de æternitate dicen-  
 tem aberrare à proposito facile patiebar.  
 Videote alta spectare, & velle in cælum migrare spe-  
 ro quæ, fore, vt contingat id nobis: sed fac, vt isti vo-  
 lunt, animos non remanere post mortem: video, nos,  
 si ita sit, priuari spe beatioris vitæ: mali verò quid af-  
 fert ista sententia? fac animum sic interire, vt corpus:  
 num igitur aliquis dolor, vt omnino post mortem sen-  
 sus in corpore est? Nemo id quidem dicit: & si Demo-  
 critum insinulat Epicurus: Democritici negāt. Ne in  
 animo quidē igitur sensus remanet: ipse enim nusquā  
 est.

QVAESTION. LIB: I.

est. Vbi igitur malum est? quoniam nihil tertium  
 an ipse animi discessus à corpore non fit sine dolore?  
 ut credam ita esse: quam est id, exiguum? & falsum  
 esse arbitror: & fit plerumque sine sensu, nonnun-  
 quam etiam cum voluptate: totumque leue est, qua-  
 lecunque est: fit enim ad punctum temporis, illud an-  
 git, vel potius excruciat, discessus ab omnibus ijs, qua  
 sunt bona in vita. vide ne à malis dici verius possit.  
 Quid ego nunc lugeam vitam hominū? vere & iure  
 possū. sed quid necesse est, cum id agam, ne post mor-  
 tem miseros nos putemus fore, vitam etiam officere  
 deplorando miseriorem? fecimus hoc in eo libro, in  
 quo nosmetipsos, quantum potuimus, consolati sumus  
 A malis igitur mors abducit, non à bonis, verum si  
 quarimus. Hoc quidem à Cyrenaico Hegesia sic co-  
 piosè disputatur, ut is à rege Ptolemaeo prohibitus es-  
 se dicatur, illa in scholis dicere, quod multi, his audi-  
 tis mortem sibi ipsi consciscerent. Callimachi quidem  
 Epigramma in Ambraciotam Cleombrotum est quē  
 ait, cum nihil ei accidisset aduersi, è muro se in mare  
 abiicisse lecto Platonis libro Eius autem, quem dixi  
 Hagesia liber est ἀποκρίσεων: quod à vita quidā  
 per inediam discedens, reuocatur ab amicis: quibus re-  
 spondens, vitæ humanæ enumerat incommoda. Pos-  
 sem id facere, & si minus quam ille, qui omnino viue-  
 re expedire nemini putat. Omitto alios, etiam ne no-  
 bis expedit? qui & domesticis & forensibus solatijs  
 ornamentisque priuati, certè, si ante occidissemus,  
 mors nos à malis, non à bonis abstraxisset. Sit igitur

M. T. C. TVSCVLANA.

aliquis, qui nihil mali habeat, nullum à fortuna vit-  
nus acceperit, Metellus ille honoratus quattuor filijs  
at quinquaginta Priamus: è quibus decem & septē  
iusta vxore nati: in viroque eandem habuit fortuna  
potestatem, sed vsa in altero est. Metellum enim mul-  
ti filij, filia, nepotes, neptes in regū imposuerūt: Prio-  
mum autem tanta progenie orbatū, cum in aram  
confugisset, hostilis manus interemit. Hic si viuis fi-  
lijs, incolumi regno occidisset. Astante ope barbarica  
Tectis calatis, laqueatis:

virum tandem à bonis? an à malis discessisset? tum  
profecto videretur à bonis. At certè euemisset melius  
nec tam flebiliter illa canerentur.

Hac omnia vidi in flammari,

Priamo vi vitam euit ari,

Iouis aram sanguine turpari.

quasi vero ista vi quicquam tū potuerit ei melius ac-  
cidere: quod si ante occidisset tum euenire: omnino  
amississet: hoc autem tempore sensum malorum ami-  
sit. Pompeio nostro familiari, cum grauitè agrotà-  
ret Neapoli, melius est factum: coronati Neapolita-  
ni fuerunt: nimirum etiam Puteolani vulgo ex op-  
pidis publicè gratulabantur. ineptum sane negotiū,  
& Graculum; sed tamen fortunatum. Vtrum igitur  
si tū esset extinctus, à bonis rebus, an à malis discessis-  
set? certè à malis. nō enim cum socero bellū gessisset  
nō imperatus arma sumisset, nō domum reliquisset,  
nō ex Italia fugisset, nō exercitu amisso nudus in se-  
norum ferrum, & manus incidisset: non liberi defle-  
ti,

QVAESTION. LIB. I.

ti, nō fortuna omneis à victoribus possiderentur. qui si mortem tum obisset, in amplissimis fortunis occidisset. in propagatione vitæ quorū quantas quam incredibileis hausit calamitateis? Hæc morte effugiuntur, et iam si non euenierint, tamē quia possunt euenire. sed homines ea sibi accidere posse non cogitant. Metelli sperat sibi quisque fortunam: proinde quasi aut plures fortunati sint, quam infelices: aut certi quicquā sit in rebus humanis aut sperare sit prudentius, quā timere. Sed hoc ipsū concedatur, bonis rebus homines morte priuari: ergo etiam carere mortuos vitæ commodis, idq; esse miserū? certe ita dicāt necesse est; An potest is, qui non est, re vlla carere? triste enim est nomen ipsum carendi, quia subiicitur hæc vis: habuit, nō habet, desiderat, requirit, indiget. Opinor, hæc incommoda sunt carentis: caret oculis, odiosa cecitas: liberis, orbitas: valet hoc in uiuis, n. ortuorum autem non vitæ modo commodis, sed ne vitæ quidem ipsæ quisquam caret. de mortuis loquor, qui nulli sunt nos qui sumus, num aut si cornibus caremus, aut pennis, sit qui id dixerit? certè nemo: quid ita? quia, cum id non habeas, quod tibi nec usu, nec natura aptum sit, non careas, etiam si sentias te non habere. Hoc commendum etiā atq; etiam est argumentum. confirmato illo, de quo, si mortales animi sunt, dubitare nō possumus, quin tantus interitus in morte sit, ut ne minima quidem suspicio sensus relinquatur. Hoc igitur probè stabilitō & fixo, illud excutiendum est, ut sciat quid sit carere, ne relinquatur aliquid erroris in



verbo Carere igitur hoc significat, egere eo, quod ha-  
 bere vèlis: inest enim velle in carendo, nisi cū sic tan-  
 quam in febris, dicitur, alia quadā notione verbi: dici-  
 tur enim alio modo etiam carere, cum aliquid nō ha-  
 beas, & nō habere te sentias, etiā si id facile patiare  
 carere autem malo id non dicitur: non enim esset do-  
 lendum: dicitur illud, bono carere, quod est malum:  
 sed ne viuis quidem bono caret, si eo non indiget sed  
 in viuo intelligi tamen potest, regno carere. Dici  
 hoc in te satis subtiliter, non potest. posset in Tar-  
 quinio, cum regno esset expulsus: at in mortuo ne in-  
 telligi quidem potest: carere enim sentientis est:  
 nec sensus in mortuo est: ne carere quidem igitur in  
 mortuo est. Quanquam quid opus est in hoc philo-  
 sophari, cum rem non magnopere egere Philoso-  
 phia videamus. Quoties non modo ductores nostri,  
 sed vniuersi etiam exercitus ad non dubiam mortem  
 concurrerunt? quæ quidem si timeretur, non Luc.  
 Brutus arcens eum reditu tyrannum, quem ipse ex-  
 pulerat, in prælio concidisset, non cum Latinis de-  
 certans pater Decius cum Etruscis filius, etiam cum  
 Pyrrho nepos, se hostiam telis obieciissent: non vno  
 bello pro patria candenteis Scipiones Hispania vidis-  
 set, Paullum Aemilium Canna, Venusia Marcellū  
 Latini Albinum, Lucani Graccum. Num quis horū  
 miser hodie? netum quidem post spiritum extremū:  
 nec enim potest esse miser quisquam sensu perempto.  
 At id ipsum odiosum est sine sensu esse. Odiosum si id  
 esse careret, cum vero perspicuum sit, nihil posse in eo  
 esse



# QVAESTION. LIB. I.

esse, qui ipse non sit : quid potest in eo odiosum quæ  
nec careat nec sentiat ? Quanquam hoc quidem  
nimis sape : sed hoc ideo quod in hoc inest omnis animi  
contractio ex metu mortis. Qui enim satis viderit id  
quod est luce clarius , animo & corpore consumto ,  
totoque animante deleto , & facto interitu vniuer-  
so, illud animal, quod fuerint factum esse nihil : is pla-  
ne perspiciet , inter Hippocentaurum qui nunquam  
fuerit , & regem Agamemnonem nihil interesse : nec  
pluris nunc facere M. Camillum hoc civile bellum,  
quam illo viuo ego fecerim Romam captam. Cur igitur  
& Camillus doletet, si hæc post trecentos & quin-  
quaginta ferè annos euentura putaret : & ego dole-  
am, si ad decem millia annorum gentem aliquam vr-  
bem nostram potituram putem : quia tanta caritas  
patriæ est, vt eam nō sensu nostro, sed salute ipsius me-  
tiamur . Itaque non deterret sapientem mors, quæ  
propter incertos casus quotidie imminet, propter bre-  
uitatem vitæ nunquā longè potest abesse, quo minus  
in omne tempus reip. suisque consulat, & posteritatem  
ipsam cuius sensum habiturus non sit , ad se putet per-  
tinere . Quare licet etiam mortalem esse animum  
iudicantem, æterna moliri , non gloria cupiditate,  
quam sensurus non sit : sed virtutis , quam necessario  
gloria, etiam si tu id non agas, consequatur. Natura  
vero sic se habet , vt quomodo initium nobis rerum  
omnium ortus noster afferat, sic exitum mors, quæ vt  
nihil pertiuit ad nos ante ortum, sic nihil post mor-  
tem pertinebit, in quo quid potest esse mali, cū mors  
nec

nec ad viuos pertineat, nec ad mortuos? alteri nulli sunt, alteros non attingit: quam qui leuiorem faciunt, somni simillimam volunt esse. Quasi vero quis quam ita nonaginta annos velit viuere, vt, cum sexaginta confecerit, reliquos dormiat. ne sues quidem id velint. Endymion vero, si fabulas audire volumus, nescio quando in Latmo obdormiuit, qui est mons Caria, nondum opinor, experrectus est. Num igitur eum curare censes, cum Luna laboret, à qua consopitus putatur, vt eum dormiētem oscularetur? Quid curet autem, qui ne fertit quidem? Habes somnum imaginem mortis, eamq; quotidie induis. Et dubitas, quin sensus in morte nullus sit, cum in eius simulachro videas esse nullum sensum? Pellantur ergo ista ineptia penè aniles, ante tempus mori miserum esse. Quod tandem tempus, naturane? At ea quidē dedit vsuram vitæ, tanquam pecuniæ, nulla præstituta die. Quid est igitur quod querare, si repetit cum vult? ea enim conditione acceperas, idem si puer paruus occidit, a quo animo ferēdum putant: si verò incunis, ne querendum quidem. At qui ab hoc acerbius exigit natura, quod dederat, nondū gustauerat, inquit, vitæ suauitatem: hic autem iam sperabat magna, quibus frui cœperat. At id quidem ipsum ceteris rebus melius putatur, aliquam partem quam nullam attingere, cur in vitâ secus? Quanquam non male ait Callimachus, multo sæpius lachrymasse Priamum, quam Troilum. Eorum autem, qui exacta ætate moriuntur, fortuna laudatur. cur? nam reor,

non

QVAESTION. LIB. I.

non illis, si viua longior daretur, posset esse iucundior  
 nihil est enim profecto homini prudentia dulcius, quā  
 ut cætera auferet, affert certe senectus. Quæ vero a-  
 tas longa est? aut quid omnino homini longū? nonna  
 modo pueros, modo adol-scentes in cursu à tergo inso-  
 quens, nec opinantes affecuta est senectus? Sed quia  
 ultra nihil habemus, hoc longū dicimus: omnia ista,  
 perinde ut cuiq; data sūt, ita pro rata parte aut lō-  
 ga aut breuia dicuntur. Apud Hipanum fluiū, qui ab  
 Europa parte in Pætum influit, Aristoteles ait be-  
 stiolas quasdam nasci, quæ vnum diem viuant. ex his  
 igitur hora octaua quæ mortua est, prouecta etate  
 mortua est; quæ vero occidente sole, decrepita: eo  
 magis, si etiam solstitiali die. confer nostram lon-  
 gissimam etatem cum aternitate: in eadem prope-  
 modum breuitate, quæ illa bestiola, reperiemur.  
 Contemnamus igitur omneis ineptias: quod enim le-  
 uius huic leuitati nomen imponam? totamq; vim  
 bene viuendi in animi robore ac magnitudine, & in  
 omnium rerū humanarum contēptione, ac dispicien-  
 tia, & in omni virtute ponamus. nam nunc quidem  
 cogitationibus mollissimis effeminamur: ut, si ante  
 mors aduentet, quam Chaldaeorum promissa consō-  
 cuti sumus, spoliati magnis quibusdam bonis, illusi,  
 destitutiq; videamur quod si expectando, & desi-  
 derando pendenus animis, cruciamur, angimur: pro-  
 diū immortales, quam iter illud iucundum esse debet  
 quo confecto, nulla reliqua cura, nulla sollicitudo fu-  
 tura sit. quā me delectat Theramenes quamq; elato  
 animo

animo est. & si enim flemus, cum legimus: tamen nō  
 miserabiliter vir clarus emoritur qui cum coniectus  
 in carcerem triginta iussu tyrannorum venenum vt  
 sitiens, obduxisset, reliquum sic è poculo eiecit, vt  
 id resonaret. Quo sonitu reddito, ridens. Propino;  
 inquit, hoc pulchro Critia: qui in eum fuerat teterrī  
 mus. Græci enim in cōuiuijs solent nominare: cui pocu  
 lum tradituri sint. Lusit vir egregius extremo spi  
 ritu, cum iam præcordijs conceptam mortem conti  
 neret: verequē ei, qui venenum prabuerat, mortem  
 est eam auguratus, quæ breui cōsecuta est. Quis hæc  
 animi maximi æquitatem in ipsa morte laudaret, si  
 mortem, malum iudicaret? vadit in eundem carcerē  
 atq; in eundem paucis post annis scyphum Socrates,  
 eodem scelere iudicum, quo tyrannorum Therame  
 nes. Quæ est igitur eius oratio, quæ facit eum Plato  
 vsus apud iudices iam morte multatum? Magna  
 me, inquit, spes tenet iudices bene mihi euenire quod  
 mittar ad mortē. necesse est enim, sit alterū de duob  
 vt aut sensus omnino mors omneis auferat, aut in a  
 lium quendā locū ex his locis morte migretur. Quā  
 obrem, siue sensus extinguitur, mors q; ei somno simi  
 lis est, qui non unquam, etiam sine visis somniorum  
 placatissimam quietem affert, diu boni, quid lucri est  
 emiori? aut quam multi dies reperiri possunt, qui ta  
 li nocti anteponantur, cui similis futura est perpetui  
 tas omnis consequentis temporis? quis me beatior? Sin  
 vera sunt quæ dicuntur, migrationem esse mortem in  
 eas oras quas, q; è vita excefferunt, incolūt: id multo  
 iam

*iam beatius est se, cum ab ijs, qui se iudicum numero haberi volunt, euaseris, ad eos venire, qui verè iudices appellantur, Minoem, Rhadamanthum, Ceacum, Triptolemum: conuenire què eos, qui iustè & cum fide vixerint. Hac peregrinatio mediocris vobis videri potest? Vt verò colloqui cū Orpheo, Musæo, Homero, Hesiodo liceat, quanti tandem aestimatis? Equidem sæpè mori, si fieri posset, vellem, ut ea, quæ dico, mihi liceret inuenire. Quanta delectatione autem afficerer, cum Palamedem, cū Aiace, cum alios iudicio iniquorum circumuentos conuenirem? Tentarem etiam summi regis, qui maximas copias duxit ad Troiam, & Vlyssis, Sisyphique prudentiam. nec ob eam rem, cum hac exquirerem, sicut hic faciebam, capite damnarer. ne vos quidem iudices, ij, qui me absoluitis, mortem timueritis. nec enim cuiquam bono mali quicquam euenire potest nec viuo, nec mortuo: nec vnquam eius res à dijs immortalibus negligentur: nec mihi ipsi hoc accidit fortuito, nec verò ego ijs à quibus accusatus sum, aut à quibus condemnatus, habeo quod succenseam, nisi quod mihi nocere se crediderunt. Et hoc quidem hoc modo, nihil aut è melius extremo. Sed tempus est, inquit, iam hinc abire me, ut moriar: vos, ut vitam agatis. Vtrū autem sit melius, dij immortales sciunt, hominem quidem scire arbitror neminem. Næ ego haud paullo hunc animum malim, quam eorum omnium fortunas, qui de hoc iudicauerunt. Et si, quod præter deos negat scire quenquā, id scit ipse, utrum melius sit, nā dixit antè. sed suum illud, nihil*

vt affirmet, tenet ad extremum. Nos aut teneamus, vt nihil censeamus esse malū, q̃ sit à natura datū omnibus: intelligamusq̃, si mors malū sit, esse sempiternū malū: nā vitæ misera mors finis esse videtur: mors si est misera, finis esse nullus potest. Sed q̃d ego Socratem, aut Theramenem, præstantes viros virtutis & sapientia gloria commemoro, cum Lacedæmonius quidam, cuius ne nomen quidem proditum est, mortē tantopere contempserit, vt cum ad eam duceretur damnatus ab Ephoris, & esset vultu hilari ac q̃ lato, dixisset quē ei quidam inimicus, Contemnis ne leges Lycurgi? responderit, Ego vero illi maximam gratiam habeo, qui me ea pœna multauerit, quam sine mutuatione & sine versura possem dissoluere. O verbū Sparta dignum: vt mihi quidem, qui tam magno animo fuerit, innocens damnatus esse videatur. Taleis innumerabileis nostræ ciuitas tulit. Sed quid dices, & principes nominē, cum legiones scribat Cato sæpe alacris in eum locum profectas, vnde redituras se nō arbitrantur? Pari animo Lacedæmonij in Thermopyli occiderunt, in quos Siminodes: Dic hospes Sparta, nos te hic vidiſſe iacenteis.

Dum sanctis patriæ legibus obsequimur.

Quid ille dux Leonidas dicit? Ergite animo forti Lacedæmonij: hodie apud inferos sortasse cœnabimus? fuit hæc gens fortis, diu Lycugi leges vigeant, è quibus vnus, cum Perses hostis in colloquio dixisset gloriari, Solem præiaculorum multitudine & sagittarum non videbitis: In vmbra igitur, inquit, pugnabi-

mus.

# QVAESTION. LIB. I.

Nus. Viros commemoro. qualis tandem Lacena? qua cum filium in praelium misisset, & interfectum audisset: iccirco, inquit, genueram, ut esset qui pro patria morti non dubitaret occumbere. Esto fotes, & duri Sparta: magnam habet vim Reipublica disciplina. Quid? Cyrenaum Theodorum, philosophum non ignobilem, nonne miramur? cui cum Lyfimachus rex crucem minaretur, Istis quaeso, inquit, ista horribilia minitare purpuratis tuis: Theodori quidem nihil interest, humine, an sublimine putrescat. Cuius hoc dicto admoneor, ut aliquid etiam de humatione & sepultura dicendum existimem, rem non difficilem, ijs praesertim cognitis, quae de nihil sentiendo paullo ante dicta sunt: de qua Socrates quidem quid senserit, apparet in eo libro, in quo moritur: de quo iam tam multa diximus. cum enim de immortalitate animarum disputauisset, & iam moriendi tempus vrgeret, rogatus a Critone quemadmodum sepeliri veller. Multam vero, inquit, operam amici, frustra consumsi: Critoni enim nostro non persuasi, me hinc auolaturum, neque quicquam mei relicturum. veruntamen Crito, si me assequi poteris, aut sicubi nactus eris: ut tibi videbitur, sepelito. sed, mihi crede, nemo me vestrum, cum hinc excessero, consequetur. Praclare id quidem qui & amico permiserit, & se ostenderit de hoc toto genere nihil laborare. Durior Diogenes, & idem quidem sentiens: sed ut Cynicus, asperius, proijci se iussit inhumatum, tum amici, Volueribusne & feris? Minimè vero, inquit: sed bacillum prope me, quod abi-



gam, ponitote. Qui poteris? inquit illi: non enim senties. Quid igitur mihi ferarum laniatus oberit nihil sentiētis? Praclare Anaxagoras: qui cum Lamprofaci moreretur, quārētibus amicis, vellet ne Clazomenas in patriam, si quid ei accidisset, afferri, Nihil necesse est, inquit: vndique enim ad inferos tantundē via est. Totaq; de ratione humationis vnum tenendum est: ad corpus illam pertinere, siue occiderit animus, siue vigeat. in corpore autē perspicuū est, vel extincto animo, vel elapso, nullū residere sensum, sed plena errorum sunt omnia. Trabit Hectorē ad currum religatum Achilles. lacerari eum, & sentire credo putat. Ergo hunc vlciscitur, vt quidem sibi videtur. at illa sicut acerbiſſimam rem maret:

Vidi, videre quod me passa agerrimē,

Curru Hectorē quadrijugoraptarier: Quē Hectorē? aut quamdiu ille erat Hector? melius Attius, & aliquādo sapiēs Achilles: Imo enimvero corpus Priamo reddidi, Hectorē abstuli. Non igitur Hectora traxisti, sed corpus, quod fuerat Hectoris. Ecce alius exoritur è terra, qui matrē dormire nō sinat: (leuas,

Māter, te appello, quæ curam somno suspensam

Neque te mei miseret? surge, & sepeli natum.

Hac cum pressis & flebilibus modis qui totis theatris maestitiam inferant, concinuntur, difficile est non eos qui inhumati sunt, miseros iudicare:

priusquam fera, volucresq;

metuit, ne laceratis mēbris minu bene vtatur: ne cōbustis, non extimescit. Heu reliquias semiaſſi regis de  
ma.



QVAESTION. LIB. I.

*mundatis ossibus. Per terrā sanie deliburā fide diuexa-  
rier. Non intelligo, quid metuat, cū tā bonos octona-  
rios fundat ad tibiam. Tenendum est igitur, nihil cu-  
randum esse post mortem, cum multi inimicos, etiam  
mortuos puniantur. Excreatur luculentis sanē versib.  
apud Ennium Thyestes, primum vt naufragio pereat  
Atreus, durum hoc sane, talis enim interitus non est si-  
ne graui sensu illa inania,*

*Ipsē summis saxis fixus asperis,*

*Enisceratus latere pendens, saxa spargens tabo,*

*Sanie & sanguine atro.*

*Non ipsa saxa magis sensu omni vacabant, quam ille  
latere pendēs, cui se hic cruciatū censet optare quam  
essent dura, si sentiret, nulla sine sensu sunt. Illud verò  
perquam inane:*

*Meq; sepulcrum quo recipiatur, habeat portum cor-  
poris.*

*Vbi remissa humana vita corpus requiescat à malis.  
Vides quanto hic in errore versetur, portum esse cor-  
poris, sepulcrū: & requiescere in sepulcro putat mor-  
tuū. Magna culpa Pelopis, qui non erudierit filiū nec  
docuerit quatenus esset quidq; curandum. Sed quid  
singulorum opiniones animaduertā, nationum vari-  
os errores perspicere cum liceat? condunt Aegyptij  
mortuos, & eos domi feruant. Persae etiam cera cir-  
cum litos condunt, vt quam maximè permaneant di-  
uturna corpora. Magorum mos est nō humare corpo-  
ra suorum, nisi à feris sint antea laniata. in Hyrcania  
plebs publicos alit canes, optimates domesticos, nobi-*

le autē genus canū illud scimus esse: sed pro sua quisque facultate parat, à quibus lanietur, eamque optimam illi esse censent sepulturam. Per multa alia colligit Chrysippus, ut est in omni historia curiosus: sed ita contra sunt quadam, ut ea fugiat & reformidet oratio. Totus igitur hic locus est contemnendus in nobis, non negligendus in nostris: ita tamen, ut mortuorum corpora nihil sentire sentiamus. Quantum autem consuetudini, fama que dandum sit, id curent viri: sed ita, ut intelligant nihil ad mortuos pertinere, sed profecto mors tum aquisimo animo appetitur, cum suis laudibus vita occidens consolari potest. nemo parum diu vixit, qui virtutis perfecta profecto functus est munere. multa mihi ipsi ad mortē tempestiva fuerunt, qua utinā potuissem obire. nihil enim iam acquirebatur: cumulatā erant officia vita fortuna: bella restabant. Quare si ipsa ratio minus perficiet, ut mortem negligere possimus: at vita acta perficiat, ut satis superque vixisse videamur: Quamquam enim sensus abierit, tamen suis & proprijs bonis & laudis & gloria, quamvis non sentiant, mortui non carent, et si enim nihil in se habeat gloria, cur exspectatur: tamen virtutem tanquam umbra sequitur. verum multitudinis iudicium de bonis si quando est, magis laudandum est, quam illi ob eam rem beati. Non possum autem dicere, quoquo modo hoc accipiatur Lyncurum, Solonem, legū & publicā disciplinā carere gloria. Themistocle, Epaminondā bellicā virtutis. ante enim Salaminā ipsam Neptunū obruet, quam Salaminij trophaei

QVAESTION. LIB. I.

phai memoriam: priusq<sup>3</sup> Bœotia Leuctra tollentur,  
quam pugna Leuctrica gloria. • multo etiam tardius  
fama deferet Curium, Fabricum, Calatinum, duos  
Scipiones, duos Africanos, Maximum, Marcellum,  
Paullum, Catonem, Leliū, innumerabileis alios. quo-  
rum similitudinem aliquam qui arripuerit, non eam  
fama populari, sed vera bonorum laude metiens, si-  
dendi animo si ita res feret, gradietur ad mortem:  
in qua aut summum bonum, aut nullum malum esse  
cognouimus: secundis vero suis rebus volet etiam mo-  
ri non enim tam cumulus bonorum incundus esse po-  
test, quam molesta decessio. hanc sententiam signifi-  
care videtur Laconis illa vox, qui, cum Rhodius Dia-  
gora, Olympionices nobilis, vno die duos suos filios vi-  
ctores Olympiae vidisset, accessit ad senem & gratu-  
latus, Morere Diogara, inquit: nō enim in calum ascē-  
surus es. Magna hac, & nimiū fortasse Græci putā,  
vel tum potius putabant. isq<sup>3</sup>, qui hoc Diagora dixit  
permagnum existimans treis Olympionicas vna ex  
domo prodire cunctari illum diutius in vita. fortuna  
obiectum, inutile putabat ipsi. Ego autem tibi quidē  
quod satis esset paucis verbis, ut mihi videbar, respon-  
deram. concesseras enim nullo in malo mortuos esse:  
sed ob eam causam contendi, ut plura dicerem, quod  
in desiderio & luctu hac est consolatio maxima. no-  
strum enim, & nostra causa susceptum dolorē modicē  
ferre debemus, ne & nosmetipsos amare videamur.  
Illa suspicio intolerabili dolore cruciat, si opinamur  
eos, quibus orbati sumus, esse cum aliquo sensu in ijs

M. T. C. TVSCVLANA.

malis, quibus vulgo opinantur. Hanc excutere opinio-  
nem mihi metradicitus volui, eoquē fui fortasse lon-  
gior. Tu longior? non mihi quidem: prior enim pars o-  
rationis tua faciebat, vt mori cuperem; posterior, vt  
modo non nollem, modo non laborarem. omni autem  
ratione illud certè perfectum est, vt mortem non du-  
cerem in malis. Num igitur etiam rhetorum epilo-  
gum desideramus, an iam hanc artem planè relinqui-  
mus? Tu vero istam ne reliqueris, quam semper or-  
nasti: & quidem iure. illa enim, si verè loqui volu-  
mus, te ornauerat. sed qui nam est iste epilogus? a-  
ueo enim audire quicquid est. Deorum immortal-  
um iudicia solent in scholis proferre de morte: nec ve-  
ro ea fingere ipsi, sed Herodoto auctore, alijsquē plu-  
ribus. Primum Argivæ sacerdotis Cleobis, & Biton  
filijs prædicantur. nota fabula est. cum enim illam ad  
sollenne & statum sacrificium curru ubi eius esset  
satis longè ab oppido ad fanum, morarenturquē iu-  
menta: tunc iuvenes ij, quos modo nominaui, veste  
posita, corpora oleo perunxerunt, ad iugum acceffe-  
runt. Ita sacerdos aduecta in fanum, cum currus  
esset ductus pro filijs, precata à dea dicitur, vt illis præ-  
mium daret pro pietate, quod maximum homini da-  
ri possit à deo, post epulatos cum matre adolescen-  
teis, somno se dedisse, mane inuentos esse mortuos.  
Simili precatione Trophonius & Agamedes vsi di-  
cuntur: qui, cum Apollini Delphis templum exadifi-  
cassent, venerantes Deum, pctierunt mercedem non  
parvam illam quidem operis & laboris sui. nil, certi,  
sed

*sed quod optimum homini, quibus Apollo se id datum ostendit post eius diei diem tertium: qui ut illuxit, mortui sunt reperti. Indicauisse Deum dicunt, & eum quidem Deum, cui reliqui dii concessissent, ut prater ceteros diuinaret, mortem esse optimum homini. Fertur etiam de Sileno fabella quadam: qui cum à Mida captus esset, hoc ei muneris pro sua missione dedisse scribitur: docuisse regem, non nasci homini longè optimum esse: proximum autem quamprimum mori. quæ est vsus sententia in Cresphonte Euripides.*

*Nam nos decebat cœtu celebranteis domum,  
Lugere, ubi esset aliquis in lucem editus,  
Humane vitæ varia reputanteis mala:  
At, qui labores morte finisset graueis,  
Omnes animos laude & latitia exequi.*

*Simile quiddam est in cōsolatione Crantoris, ait enim Therinaum quendam Elisium, cum grauer filij mortem mœreret, venisset q̄ in psychomātium, quarentē quæ fuisset tantæ calamitatis causa: Huic in tabellis treis huiusmodi versiculos datos:*

*Ignaris homines in vita mentibus errant,  
Euthynous potitur fatorum munere lato.  
Sic fuit vtilius finiri ipsiq̄ue, tibi q̄ue.*

*His & talibus autoribus vsi, confirmant causam à dijs immortalibus iudicatam. Alcidas quidam rhetor antiquus in primis nobilis, scripsit etiam laudationem mortis, quæ constat ex enumeratione malorum humanorum, cui rationes eæ, quæ exquisitius à philosophis colliguntur, defuerunt, vbertas orationis non defuit.*

Clara verò mortes pro patria appetita, non solum gloriose rhetoribus, sed etià beate videri solent. repetūt ab Erichtheo: cuius etiam filia cupidè mortem expectauerunt pro vita ciuium: Codrum, qui se in medios immisit hosteis famulari veste, ne posset agnosci, si esset ornatu regio: quod oraculum erat datum, si rex interfectus esset, victriceis Athenas fore. Menecheus verò non pratermittitur, qui oraculo edito largitus est patriam suam sanguinem Iphigenia Aulide duci se immolandam iubet, vt hostium sanguis eliciatur suo. Veniunt inde ad propiora. ~~Marmottus~~ in ore, & Aristogiton: Lacedamonius Leonidas, Thebanus Epaminondas vigent, nostros non norunt. quos enumerare magnum est: ita sunt multi: quibus videmus optabilem fuisse mortem cum gloria. Quasum ita sint, magna tamen eloquentia est vtendum, atque ita velut superiorem è loco concionandum, vt homines mortem vel optare incipiant, vel certè timere desistant, nam si superemus ille dies non extinctionem, sed commutationem affert loci, quid optabilius? sin autè perimit, ac delet omnind, quid melius, quam in medijs vita laboribus obdormiscere, & ita conuiuentem somno cōsopiri sempiterno? quod si fiat, melior Ennij, quam Solonis oratio: hic enim noster,

Nemo me lacrymis decoret (inquit) nec funera fletus  
Faxit. at verò sapiens ille:

Mors mea ne careat lacrymis: linquamus amicis

Mærorem, vt celebrent funera cum gemitu.

Nos verò, si quid tale acciderit, vt à Deo denunciatur  
videa-

Q V A E S T I O N. L I B. I.

videatur, vt exeamus è vita, lati & agentes gratias  
 pareamus:emittitq; nos è custodia, et leuari vinculis  
 arbitremur, vt aut in aeternam, & planè in nostrā do-  
 mum renigremus, aut omni sensu molestiaq; carea-  
 mus, sin autem nihil denunciabitur, eo tamen finis a-  
 nimo, vt horribilem cum diem alijs, nobis fastum pu-  
 temus: nihilq; in malis ducamus, quod sit vel à dijs im-  
 mortalibus, vel à natura parente omnium cōstitutum.  
 non enim temerè, nec fortuitò sati & creati sumus:  
 sed profectò fuit quadam vis, qua generi consuleret  
 humano: nec id gigneret, aut aleret, quod cum exant-  
 lauisset omneis labores, tum incideret in mortis malū  
 sempiternum. portum potius paratum nobis, & perflu-  
 gium putemus. quo vtinam velis passis peruehi liceat.  
 sin resistētibus ventis reijciemur, tamen eodem paullo  
 tardius referamur necesse est. quod autem omnibus  
 necesse est, id ne miserum esse vni potest? habes epilo-  
 gum, ne quid prætcrmissum, aut relictum putes. Ego  
 verò. & quidem fecit etiam iste me epilogus firmio-  
 rem. Optimè inquam, sed nūc quidem valetudini tri-  
 buamus aliquid: cras autem, & quot dies erimus in  
 Tusculano, agamus hac, & ea potissimum, qua leua-  
 tionem habeant aegritudinum, formidinum,  
 cupiditatum: qui omni è philoso-  
 phia est fructus vber-  
 rimus.

M. T. C.



M. T. C. TVSCV.  
LANARVM QVAESTIO.  
NVM AD M. BRVTVM LI-  
ber Secundus, de tolerando  
dolore.



**N**Eoptolemus quidem apud Ennium philosophari sibi ait necesse esse, sed paucis: nam omnino haud placere. Ego autem, Brute necesse quidem mihi esse arbitror philosophari: nā quid possum praesertim nihil agēs agere melius? sed non paucis, ut ille. difficile enim est in philosophia pauca esse ei nota, cui non sint aut pleraque, aut omnia. nam nec pauca nisi è multis eligi possunt: nec qui pauca percepit, non idem reliqua eodem studio persequetur. sed in vita tamen occupata, atque, ut Neoptolemitumerat, militari, pauca ipsa multū sepe prosunt, & ferunt fructus si non tantos, quanti ex vniuersa philosophia percipi possunt: tamē eos, quibus aliqua ex parte interdum aut cupiditate, aut aegritudine, aut metu liberemur: velut ex ea disputatione, quae mihi nuper habitae est in Tusculano, magna videbatur mortis effecta contemptio: quae non minimū valet ad animum metu liberandum. nam qui id, quod vitari non potest, metuit, is viuere animo quieto nullo modo potest: sed qui, non modò quia necesse est mori, verum etiam quia nihil habet mors, quod sit horrendum, mortem non timet, magnum is sibi praesidiū ad beatam vitam comparat. quamquam non sumus ignari.

QVAESTION. LIB. II.

ignari, multos studiose contra esse dicturos: quod vitare nullo modo potuimus; nisi nihil omnino scriberemus. Etenim si rationes, quas nos multitudinis iudicio probari volebamus (popularis est enim illa facultas & effectrix eloquentia est audientium approbatio) sed si reperiiebantur nonnulli, qui nihil laudarent, nisi quod se imitari posse considerent: quemque sperandi sibi eundem & benedicendi finem proponerent: & cum obruerentur copia sententiarum atque verborum, ieiunitatem & famem se malle, quam vbertatem & copiam dicerent, unde erat exortum genus Atticorum, ijs ipsis, qui id sequi se profitebantur, ignotum, qui iam conticuere pene ab ipso foro irrisi. quid futurum putamus, cum adiutore populo, quo vivebamus antea, nunc minimè nos vii posse videamus? est enim Philosophia paucis contenta iudicibus, multitudinem consulto ipsa fugiens, eiq; ipsi & suspecta, & inuisa: ut vel si quis vniuersam velit vituperare, secundo id populo facere possit: vel si in eam, quam nos maximè sequimur, conetur inuadere, magna habere possit auxilia à reliquorum philosophorum disciplinis. nos autem vniuersa philosophiae vituperationibus respondimus in Hortensio. pro Academia autem qua dicenda erant, satis accuratè in academicis quatuor libris explicata arbitramur. Sed tamen tantum abest, ut scribi contra nos nolimus, ut id etiam maximè optemus. in ipsa enim Graecia, philosophia tanto in honore nunquam fuisset, nisi doctissimorum contentionibus, dissentionibusq; viguisset. Quamobrem hortor omnes.

qui

qui facere id possunt, ut huius quoque generis laudem  
iam languenti Gracia eripiant, & perferant in hanc  
urbem, sicut reliquas omneis, quae quidem erant expe-  
tenda, studio atq; industria sua maiores nostri extule-  
runt. Atq; oratorum quidem laus ita ducta ab humi-  
li venit ad summum, ut iam, quod natura fert in om-  
nibus ferè rebus senescat, breuiq; tempore ad nihilum  
ventura videatur. Philosophia igitur nascatur La-  
tinis quidem literis ex his temporibus, eamq; nos ad-  
iuuemus. nosq; ipsos redargui, refellique patiamur.  
quod ij ferunt animo iniquo, qui certis quibusdam, de-  
stinatisq; sententijs quasi addicti & consecrati sunt,  
eag; necessitate constricti, ut etiam, quae non probare  
soleant, ea cogantur constantia causa defendere. nos  
qui sequimur probabilia, nec ultra id, quod verisimile  
occurrerit, progredi possumus: & refellere sine perti-  
nacia, & refelli sine iracundia parati sumus. Quod si  
haec studia traducta erunt ad nostros, ne bibliothecis  
quidem Graecis egebimus, in quibus multitudo infini-  
ta librorum est. propter eorum multitudinem qui scrip-  
serunt. eadem enim dicuntur à multis, ex quo libris  
omnia referferunt. quod accidet etiam nostris, si ad  
haec studia plures confluxerint. Sed eos si possumus  
excitemus, qui liberaliter eruditi, adhibita etiam  
differendi elegantia, ratione & via philosophantur.  
est enim quoddam genus eorum, qui se Philosophos  
appellari volunt, quorum dicuntur esse Latini sanè  
multi libri: quos non contemno equidem, quippe quos  
nunquam legerim, sed quia profitentur ipsi illi, qui  
cos

## Q V A E S T I O N. L I B. I I.

eos scribunt, se neque distinctè, neque distributè, neque eleganter, neque ornatè scribere, lectionem sine vlla delectatione negligo. quid enim dicant, & quid sentiant ij, qui sunt ab ea disciplina, nemo medicriter quidem doctus ignorat. quamobrem, quoniã, quemadmodum dicant ipsi non laborant: cur legendi sint, nisi ipsi inter se, qui idem sentiunt, non intelligo, nam vt Platonem, reliquosque Socraticos, & deinceps eos, qui ab his profecti sunt, legunt omnes, etiam qui illa aut non approbant, aut non studiosissimè consecretantur. Epicurum autem & Metrodorum non ferè præter suos quisquam in manus sumit: sic hos Latinos ij soli legunt, qui illa rectè dici putant. Nobis autem rem videtur, quidquid literis mandetur, id commendari omnium eruditorum lectioni decere: nec si ipsi minus consequi possumus, ideo minus id ita faciendum esse sentimus. Itaque mihi semper Peripateticorum, Academiaque consuetudo, de omnibus rebus in contrarias partes differendi, non ob eã causam solum placuit, quod aliter non posset, quid in vnaquaque re verisimile esset, inueniri: sed etiam quod esset ea maxima dicendi exercitatio, qua princeps usus est Aristoteles: deinde eum qui secuti sunt. nostra autem memoria Philo; quem nos frequenter audiuius, instituit alio tempore rhetorum præcepta tradere, alio philosophorum, ad quam nos consuetudinem à familiaribus nostris adducti, in Tusculano, quod datum est temporis nobis, in eo consumpsimus. Itaque cum ante meridiem dictionis operam dedissemus, sicut pridè feceramus: post meridiem

diem in Academiā descendimus: in qua disputati-  
nem habitam non quasi narrantes exponimus, sed ijs-  
dem ferè verbis, vt actum disputatumq; est. Est igitur  
ambulantibus ad hunc modum sermo ille nobis in-  
stitutus, & à tali quodam inductus exordio. Dici non  
potest, quā sim hesternā disputatione tua delecta-  
tus, vel potius adiutus. & si enim mihi conscius sum,  
nunquam me nimis cupidum fuisse vitæ: tamē obijcie-  
batur interdum animo metus quidam, & dolor, cogi-  
tanti fore aliquando finem huius lucis, & amissionem  
omnium vitæ commodorum. Hoc genere molestiæ sic,  
mihi crede, sum liberatus, vt nihil minus curandum  
putem. Minimè mirum id quidē. nam efficit hoc phi-  
losophia: medetur animus: inaneis sollicitudines detra-  
hit: cupiditatibus liberat: pellit timores. sed hæc eius  
vis non idem potest apud omnes: tum valet multum,  
cū est idoneam complexa naturā. FORTES ENIM  
NON MODO fortuna adiuuat, vt est in vetere pro-  
uerbio, sed multò magis ratio; quæ quibusdam quasi  
præceptis confirmat vim fortitudinis. te natura excel-  
sum quendam videlicet, & altum, & humana despi-  
cientē genuit. itaq; facilè in animo forti contra mor-  
tem habitā insedit oratio. sed hæc eadem nūcenses a-  
pud eos ipsos valere, nisi admodū paucos, à quibus in-  
uenta, disputata, conscripta sunt? quotus enim quisq;  
philosophorum inuenitur, qui sit ita moratus, ita ani-  
mo ac vitæ constitutus, vt ratio postulat? qui discipli-  
nam suam non ostentationem scientiæ, sed legem vitæ  
putet? qui obtemperet ipse sibi, et decretis suis pareat?  
videre

## QVÆSTION. LIB. II.

videre licet alios tanta leuitate & iactatione, ūs vt fuerit non didicisse melius: alios pecunia cupidos, gloria nonnullos: multos libidinum seruos: vt cum eorum vita mirabiliter pugnet oratio, quod quidem mihi videtur esse turpissimum. Vt enim, si grammaticum se professus quispiam barbarè loquatur: aut, si absurdè canat is, qui se haberi velit musicum, hoc turpior sit, quòd in eo ipso peccet, cuius proficitur scientiam: sic philosophus in ratione vitæ peccans, hoc turpior est quòd in officio, cuius magister esse vult, labitur, artem quæ vitæ professus, delinquit in vitæ. Nõne verèdum igitur, si est ita, vt dicis, ne philosophiam falsa gloria exornes? quod est enim maius argumentum, nihil eam prodesse, quam quosdam perfectos philosophos turpiter viuere? Nullum verò id quidem argumentũ est. nam vt agri non omnes frugiferi sunt, qui coluntur: falso quæ illud & improbè,

Et si in segetem sunt deteriore data

Fruges, tamen ipsa suapte natura enitent:

sic animi non omnes culti fructum ferunt. Atque vt in eodem simili versetur: vt ager, quamuis fertilis, sine cultura fructuosus esse non potest, sic sine doctrina animus. ita est vitæque res vna sine altera debilis: cultura autem animi philosophia est. quæ extrahit vitia radicitus, & preparat animos ad satus accipiendos: eaque mandat his, & vt ita dicam, ferit, quæ adulta fructus vberrimos ferant. Agamus igitur vt cœpimus. Dic, si vis, de quo disputari velis. Dolo rem existimo maximum malorum omnium. Etiam

E

ne ma-

ne maius, quàm dedecus? Non audeo id dicere quid-  
dem, & me pudet tam citò de sententiâ esse deiectum.  
Magis esset pudendum, si in sententia permaneres:  
quid enim minus est te dignum, quàm tibi quicquam  
penus videri dedecore, flagitio, turpitudine? qua  
ut effugias, quis est non modo recusandus, sed non ul-  
tro appetendus, subeundus, excipiendus dolor? Ita  
proxis existimo. Quare ne sit sanè summum malum  
dolor, malum est certè. Vidēsne igitur quantum,  
breuiter admonitus, de doloris terrore deieceris? Vi-  
deo planè: sed pius desidero. Experiar equidem, sed  
magna res est, animoque mihi opus est non repugnan-  
te. Habebis id quidem. ut enim heri feci, sic nunc ra-  
tionem, quò ea me cumque ducet, sequar. Primum  
igitur de imbecillitate multorum, & de varijs disci-  
plinis philosophorum loquar: quorum princeps & au-  
ctoritate & antiquitate Socraticus Aristippus non  
dubitauit summum malum dolorem dicere, dehinc ad  
hanc eneruatam, muliebremque sententiam, satis  
docilem se Epicurus præbuit. post hunc Hieronymus  
Rhodius dolore vacare summum bonum dixit: tan-  
tum in dolore duxit mali. cateri, præter Zenonem,  
Aristonem, Pyrrhonem, idem ferè, quod modò tu:  
malum illud quidem, sed alia peiora. Ergo id, quod  
natura ipsa, & quadam generosa virtus statim re-  
spuit, ne dolorem summum malum duceres, opposito-  
que dedecore sententia depellere, in eo magistra vi-  
ta tot secula permans philosophia? quod huic offici-  
um, quæ laus, quod decus erit tanti, quod adipisci cum  
dolor



QVÆSTION. LIB. II.

dolore corporis velit, qui dolore summum malum esse sibi persuaferit? quam porro quis ignominiam, quam turpitudinem non pertulerit, ut effugiat dolorem, si id summum malum esse decreuerit? Quis autem non miser non modò tunc, cum premetur summis doloribus, si in his est summum malum: sed etiam cum sciet id sibi posse euenire? & quis est, cui non possit? ita fit, ut omnino nemo possit esse beatus. Metrodorus quidem eum perfectè putat beatum, cui corpus benè constitutum sit, & exploratum ita semper fore, quis autem est iste, cui id exploratum possit esse? Epicurus verò ea dicit, ut mihi quidem risus captare videatur, assermat enim quodam loco, si vratur sapiens, si crucietur: expectas fortasse, dum dicat, patietur, perferet, non succumbet: magnam herculè laus, & eo ipso, per quem iuravi, Hercule digna: sed Epicuro homini aspero & duro non est hoc satis: in Phalaridis, tauro si erit, dicet, quàm suaue est hoc? quàm hoc non curo? suaue etiam? an parum est, si non amarum? At id quidem illi ipsi, qui dolorem malum esse negant, non solent dicere, cuiquam suaue esse cruciari: asperum, difficile, odiosum contra naturam dicunt, nec tamen malum. Hic, qui solùm hoc malum dicit, & maiorum omnium extremum, sapientem censet id suaue dicturum. Ego à te non postulo, ut dolorem eisdem verbis afficias, quibus Epicurus voluptatem, homo, ut scis, voluptarius. ille dixerit sanè idem in Phalaridis tauro, quod si esset in lectulo, ego tantam vim non tribuo sapienti contra dolorem: si fortis in per-

ferendo officio satis est: ut latetur etiam, non postulo.  
tristis enim res est sine dubio, aspera, amara, inimica  
natura, ad patiendum, tolerandumque difficilis. Aspi-  
ce Philoctetam: cui concedendum est gementi. ipsum  
enim Herculem viderat in Oeta magnitudine dolo-  
rum eiulantem. Nihil igitur hunc virum sagitta,  
quas ab Hercule acceperat, tum consolabuntur, cum  
è viperino morsu vena viscerum  
veneno imbuta, tetros cruciatus cierent.

Itaque exclamat auxilium expetens, mori cupiens:

Heu quis falsis fluctibus, mandet

Me ex sublimi vertice saxi?

Iam iam absumor: conficit animam

Vis vulneris, vlcis astitit.

Difficile dictu videtur, eum non in malo esse, & ma-  
gno quidem, qui ita clamare cogatur. Sed vide annus  
Herculem ipsum, qui tum dolore frangebatur, cum  
immortalitatem ipsa morte quarebat: quas hic voces  
apud Sophoclem in Trachinijs edit? cui cum Deiani-  
ra sanguine centauri tinctam tunicam induisset, inha-  
sissetque ea visceribus, ait ille,

O multa dictu grauiā perpeſſu aspera,

Qua corpore exantlaui atque animo pertuli.

Nec mihi Iunonis terror implacabilis,

Nec tantum inuexit tristis Eurysſtheus mali,

Quantum vna vecors Oenei partu edita.

Hac me irritiuit veste furiali inſcium,

Qua lateri inherens morſu lacerat viscera,

Vrgensq; grauiter pulmonum haurit ſpiritus:

Q V A E S T I O N. L I B. I I.

*Iam decolorem sanguinem omnem exorruit:  
Sic corpus clade horribili absumptum extabuit.*

*Ipse illigatus peste interimor textili.*

*Hos non hostilis dextra, non terra edita*

*Moles gigantum, non b. formato impetu*

*Centaurus ictus corpori infixit meo:*

*Non Graia vis, non barbara vlla immanitas,*

*Non seua terris gens relegata ultimis:*

*Quas peragrans, vndique omnem hinc feritatem  
expulsi:*

*Sed foeminea vir, foeminea interimor manu.*

*O nate, verè hoc nomen vsurpa patri,*

*Ne me occidentem matris superet caritas*

*Huc arripe ad me manibus abstractam pijs.*

*Iam cernam, mène, an illam potioremi putes.*

*Perge, aude nate, illacryma patris pestibus:*

*Miserere gentes nostras flebunt miseras.*

*Heu, virginali more ploratum edere.*

*Quem vidit nemo vlli ingemiscentem malo.*

*Sic foeminata virtus afflicta occidit.*

*Accede nate, assiste, miserandum aspice*

*Evisceratum corpus lacerati patris.*

*Videte cuncti: tuque cœlestium sator,*

*Iace, obsecro, in me vim coruscant fulminis.*

*Nunc nunc dolorum anxiferi torquent vertices:*

*Nunc serpit ardor. O antè victrices manus,*

*O pectora, ô tēga, ô lacertorum tori,*

*Vestronē pressu quondam Nemeus Leo*

*Frendens afflauit grauius extremum halitum?*

M. T. C. T V S C V L.

*Hac dextra Lernam tetram mactata excetra  
Placuit: hac bicorporem affixit manum:*

*Erymanthiam hac vastificam abiecit belluam*

*Hac à Tartaria ter ebrica abstractum plaga*

*Tricipitem eduxit Hydra generatum canem:*

*Hac interemit tortu multiplicabili*

*Draconem, auriferam obtutu obseruantē arborē.*

*Multa alia victrix nostra lustrauit manus,*

*Nec quisquam è nostris spolia cepit laudibus.*

*Possumus ne nos contemnere dolore, cum ipsum Her-  
culem tam intolleranter dolere videamus? Veniat Ae-  
scylus, non poetatantum, sed etiam Pythagoreus, sic  
enim accepimus quomodo fert apud eum Promethe-  
us dolorem, quē excipit ob furtum Lemnium, vnde ig-  
nem mortalibus Diuissē cluet doctus Prometheus  
Clepsisse dolo, pœnasq, Ioui Fato expēdisse supremo.*

*Has igitur pœnas pendēs, affixus ad Caucasum, hac*

*Titani soboles socia nostri sanguinis (dicit:*

*Generata a cœlo, aspiciate relegatum asperis,*

*Vinctumquē saxis, nauem vt horrifono fretō*

*Noctem pauentes timidē adnectunt nauita,*

*Saturnius me sic infixit Iuppiter,*

*Iouisquē numen Mulcibri adsciuit manus.*

*Hos ille cuneos fabrica crudeli inferens,*

*Perrupit artus: qua miser solertia*

*Transuerberatus castum hoc furiarum incolō.*

*Iam tertio me quoque funesto die,*

*Tristi aduolatu, aduncis lacerans vnguibus*

*Iouis satellites pastu dilaniat fero.*

QVÆST. LIB. II.

Tum iecore opimo farta & satiata affarim,  
 Clangorem fundit vastum, & sublime auolans  
 Pinnata cauda nostrum adulat sanguinem.  
 Cum verò adestum inflatu renouatum est iecur,  
 Tum rursus tetros auida se ad pastus refert.  
 Si hunc custodem nãsti cruciatus alo,  
 Qui me perenni viuum fœdat miseria.  
 Nanque ut videtis, vinclis constrictus Iouis,  
 Arcere nequeo diuam volucrem à pectore,  
 Sic me ipse viduus pesteis excipio anxias,  
 Amore mortis terminum inquirens mali,  
 Sed longè à leto numine aspellor Iouis:  
 Atque hac vetusta seclis glomerata horridis,  
 Luctifica clades nostro infixa est corpori:  
 Ex quo liquata solis ardore excidunt  
 Gutta, quæ saxa assidue instillant Caucaasi.

Vix igitur posse videmur ita affectum non miserum  
 dicere: & si hunc miserum, certè dolorem malū. Tu  
 quidem adhuc meam causam agis. sed hoc mox vide-  
 ro. interea vnde isti versus? non enim agnosco. Dicam  
 herculè: etenim rectè requiris. Vides ne abundare me  
 otio? Quid tum? Fuiſti sapè, credo, cùm Athenis esses  
 in scholis philosophorum. Fui verò, ac libenter quidē.  
 Animaduertebas igitur, & si tum nemo erat admo-  
 dum copiosus, veruntamen versus ab his admisceri o-  
 rationi. Ac multos quidem à Dionysio Stoico. Probè  
 dicis sed is quasi dictata nullo delectu, nulla elegan-  
 tia. Philo & proprium numerum, & electa poemata,  
 & loco adiungebat. Itaque postquam adamauit hanc

E 4

quasi

quasi senilem declamationem, studiosè equidem vtor nostris poetis . sed sicubi illi defecerunt, verti ipse multa de Gracis, ne quo ornamento in hoc genere disputationis careret Latina oratio. Sed vidēsne, poetæ quid mali afferant? lamentanteis inducunt fortissimos viros: molliunt animos nostros: ita sunt deinde dulces, vt non legantur modò, sed etiam ediscantur. sic ad malam domesticam disciplinam, vitamquæ vmbrailem & delicatam cùm accesserunt etiam poeta. nervos omneis virtutis elidunt. Rectè igitur à Platone educuntur ex eaciuitate, quam finxit ille, cum mores opprimos, & optimum Reipubl. statum exquireret. at verò nos, docti scilicet à Gracia, hac & à pueritia legimus, & discimus, hanc eruditionem liberalem & doctrinam putamus. Sed quid poetis irascimur? virtutis magistri philosophi inuenti sunt, qui summum malum, dolorem dicerent. at tu adolescens cum id tibi paullo antè dixisses videri, rogatus à me, Etiamne maius quàm dedecus, verbo de sententiâ destitisti. roga hoc idem Epicurum. maius dicet esse malum, mediocrem dolorem, quàm maximum dedecus in ipso enim dedecore mali nihil esse, nisi sequantur dolores. quis igitur Epicurum sequitur dolor, cū hoc ipsum dicit, summum malum esse dolorem, quo dedecus maius à philosopho nullum expecto? Quare satis mihi dedisti cū respondisti, maius tibi videri malum dedecus, quàm dolorem. hoc ipsum enim si tenebis, intelliges quàm sit obfistendum dolori. Nec tam quarendum est, dolor malumne sit, quàm firmandus

animus

QVAESTION. LIB: II.

animus ad dolorem ferendū. Concludunt ratiunculis Stoici, cur non sit malum, quasi de verbo, non de re laboretur. Quid me decipis Zeno? nā cum id, q̄ mihi horribile videtur, tu omnino malū esse negas, capior & scire cupio quomodo id, quod ego inferrimum existimē, ne malū quidem sit. Nihil est, inquit, malum nisi q̄ turpe, & vitiosum est. Ad ineptias redis: illud enim quod me angebat. nō eximis. Scio dolorē non esse nequitia, desine id me docere: hoc doce, doleā, nec ne doleā, nihil interesse. Nunq̄, quicquam, inquit, ad beatē viuendū, quod est in vna virtute positum, sed tamen est reiiciendum. Cur? Asperum est, contra naturam, difficile perpesu, triste, durum. Hæc copia verborum est: quod omneis vno verbo malum appellamus, id tot modis posse dicere, desinis tu mihi non tollis dolorem, cum dicis asperum, contra naturam, vix quod ferri, tollerariq̄ue possit. nec mentiris: sed res succumbere non oportebat, • verbis glorientem nihil bonum esse, nisi quod honestum, nihil malum, nisi quod turpe. Optare hoc quidem est, non docere, illud & melius, & verius: omnia, quæ natura aspernatur, in malis esse: quæ aspicit, in bonis. Hoc posito, & verborum concertatione sublata, tantum tamen excellet illud, quod rectē amplexantur isti, quod honestū quod rectum, quod decorum appellamus, quod idem interdum virtutis nomine amplectimur: vt omnia præterea, quæ bona corporis, & fortuna putantur. perexigua & minuta videantur: ne malum quidem vllum, nec si vnum in locum collata omnia sint, cum



turpitudinis malo comparandum. Quare si, ut initio concessisti, turpitudine peius est, quam dolor, nihil est planè dolor. nam dum tibi turpe, nec dignum viro videbitur gemere, eiulare, lamentari, frangi, debilitari, dolere: tum dignitas, tum decus aderit: dumq; in ea intueberis & te continebis: cedit profecto virtuti, dolor & animi inductione languescet. aut enim nulla virtus est, aut contemnendus est omnis dolor. Prudentiamne vis esse, sine qua ne intelligi quidem vlla virtus potest? Quid ergo? ea patietur ne te quicquam facere nihil proficientem & laborantem an temperantia sinet te immoderatè facere quicquā? an colè iusticia poterit ab homine propter vim doloris enunciante commissa, prodente conscios, multa officia relinquentem? Quid? fortitudini, comitibusq; eius, magnitudini animi, grauitati, patientia rerum humanarum, dispendentia, quomodo respondebis? afflictus ne, & iacens, & lamentabili voce deplorans, audies, O virum fortem? te verò ita affectum ne verum dixerit quisquam. Amittenda igitur fortitudo est, aut sepeliendus dolor. Ecquid scis igitur, si quid de Corinthys tuis amiseris, posse habere te reliquā suppellectilem saluam: virtutem autem si vnam amiseris & si amitti non potest virtus, sed si vnā cōfessus fueris te non habere, nullā te esse habiturum? num igitur fortem virū; num magno animo, nū patientē, nū grauem, num humana contemnentē potest dicere Prometheum, aut Philoctetā? illos enim quāte malo Sed ille certe non fortis, qui iacēt in lecto humido.

Qui

QVAESTION. LIB. II.

Qui eiulatu, quæstu, gemitu fremitibus

Resonando mutum, flebileis voces refert,

Non ego dolorem, dolorem esse nego. cur enim fortitudo desideraretur? sed cum opprimi dico patientia, si modo est aliqua patientia: si nulla est quid exornamus philosophiam? aut quid eius nomine gloriosissimus? Pungit dolor, vel fodiat sanè, si nudus es, da iugulū. si teclius Vulcanijs armis, id est, fortitudine, resiste. hac enim te, nisi ita facies. custos dignitatis relinquet & deferet. Cretum quidē leges. quas siue Iuppiter siue Minos sanxit, de Iouis quidem sententia ut poeta ferunt: itemquē Lycurgi, laboribus erudiunt inuentutem, venando, currendo esuriendo, sitiendo, algendo, aestuando. Sparta verò pueri ad aram sic verberibus accipiuntur, ut multius è visceribus sanguis exeat, nonnunquam etiam, ut, cum ibi essem, audivam, ad necem: quorū non modo nemo exclamavit unquam, sed ne ingemuit quidem. Quid ergo? hoc pueri possunt, viri non poterunt? & quod mos valet, ratio non valebit? Interest aliquid inter laborem & dolorem. sunt finitima omnino, sed tamen differunt aliquid. labor est functio quadam vel animi, vel corporis grauioris operis & muneris: dolor autem motus asper in corpore à sensibus alienus. hac duo Græci illi, quorum copiosior est lingua, quam nostra, vno nomine appellant. Itaque industrios homines, illi studiosos, vel potius amanteis doloris appellant, nos commo- dius laboriosos. Aliud est enim laborare, aliud dolere.

Over-

O verborum inops interdum, quibus abundare te semper putas Gracia, aliud, inquam est dolere; aliud, laborare. Cum varices secabantur Caio Mario, dolēbat: cum aestu magno ducebat agmē, laborabat. Est inter hac quadam tamen similitudo: consuetudo enim laborū perpeſſionem dolorū efficiet faciliorem Itaq; illi qui Graciae formam rerum publicarum dederunt, corpora iuuenum firmari labore voluerunt: quod Spartiata etiā in foeminas tranſtulerunt, quae ceteris in urbibus molliſſimo cultu parietum vmbriſ occulūtur: illi autē voluerunt nihil horū ſimile eſſe apud Lacanas virgines: quibus magis palaſtra, Eurotas, ſol, puluis, laborꝫ militia ſtudio eſt, quam fertilitas barbara. Ergo laborioſis exercitationibus & dolor intercurrit nōnunquā feriuntur impellitur, abijciuntur, cadunt: & ipſe labor quaſi callum quoddam obducit dolori. Militia vero, noſtram dico, non Spartiatarum, quorum procedit ad modum, ad tibiam, nec adhibetur vlla ſine anapaſtis pedibus cohortatio, quam laborioſa eſt? Noſtri exercitus primum vnde nomen habeant, vides deinde qui labor, quantus agminis, ferre plus dimidiati menſis cibaria: ferre ſi quid ad uſum velint: ferre vallum. nam ſcutum, gladium, galeam in onere noſtri milites non plus numerant, quam humeros, lacertos, manus. arma enim membra militis eſſe dicunt: quae quidem ita geruntur apte, vt, ſi uſus foret, abiectis oneribus, expeditis armis, vt membris pugnare poſſint. Quid exercitatio legionum? quid? ille curſus, clamor, quanti laboris eſt?

QVAESTION. LIB. II.

ex hoc ille animus in praelijs peratus ad vulnera.  
adduc pari animo inexercitatum militem : mulier  
videbitur. Cur? tantum interest inter nouum & ve-  
terem exercitum, quantum experti sumus. atas tyro-  
num plerunque melior: sed ferre laborem, contemne-  
re vulnus consuetudo docet. quinetiam videmus ex  
acie afferri saepe saucios, & quidem rudem illum &  
inexercitatum, quāuis leui ictu, ploratus turpissimos  
edere. At vero ille exercitatus & vetus, ob eamque  
rem fortior, medicum modo requirens, à quo ob-  
ligetur,

O patrocle (inquit) ad vos adueniens auxilium &  
vestras manus peto,

Prius quam oppeto malam pestem mandatam ho-  
stili manu:

Nēque sanguis vllopotis est pacto profluens consiste-  
re,

Si qua sapientia magis vestra deuitari mors po-  
test.

Nanque Aesculapi liberorum saucij opplent porti-  
cus:

Non potest accedi.

Certè Euripylus hic quidem est. hominem exercita-  
tum quis tot verba tanto in luctu continuat? vide,  
quā non flebiliter respondeat: rationem etiam affe-  
rat: cur a quo an: mo sibi ferendum sit:

Qui alteri exitium parat,

Eum scire oportet sibi paratam pestem, vt parti-  
cipet parem.

Abducet Patroclus credo, ut colloret in cubili, ut vulnus obliget, si quidem homo esset. sed nihil vidi minus. querit enim quid actum sit:

Eloquere, res Argiuum praelio ut se sustinet?

Non potest effari, tantum dictis, quantum factis superpetit laboris. Quiesce igitur & vulnus alliga, etiamsi Euripylus posset, non posset Aesopus:

Vbi fortuna Hectoris

Nostram aciem aciem inclinatam:

et cetera explicat in dolore, sic est enim intemperans militaris inforti viro gloria. Ergo hac veteranus miles facere poterit: doctus vir, sapiensque non poterit? Ille vero melius, ac non paullo quidem, sed de consuetudine adhuc exercitationis loquor, nondum de ratione & sapientia. amula saepe in ediam biduum aut triduum ferunt, subduc cibum vnum diem athletae: Iouem Olympium deum ipsum, cui se exercebit, implorabit, ferre se non posse clamabit. Consuetudinis magna vis est. pernoctant venatores in nive, in montibus vris se patiuntur. pugiles castibus contusi, ne ingemiscunt quidem. Sed quid hos, quibus Olimpio- rum victoria consolatus ille antiquus videtur? gladiatores, aut perditii homines, aut barbari, quos plagas perferunt? quo modo illi, qui bene instituti sunt accipere plagam malunt, quam turpiter vitare? quam saepe appareat nihil eos malle, quam vel domino satisfacere, vel populo? mittunt etiam vulneribus confecti ad dominos, qui querant quid velint: si is satisfactum non sit, se velle decumbere. Quis mediocris gla-

diator ingemuit? quis vultum mutauit vnquam? quis non modo stetit, verum etiā decubuit turpiter? quis cum decubuisset, ferrum recipere iussus, collum contraxit? tantum exercitatio, meditatio, consuetudo valet. ergo hoc poterit,

Samnis, spurcus homo, vitā illa dignus locoque: vir natus ad gloriam, vllā partem animi tā molem habebit, quam non meditatione & ratione corroboret? crudele gladiatorū spectaculū, & inhumanum nonnullis videri solet: & haud scio an ita sit, vt nunc sit. cū verò fontes ferro depugnabāt, aurib. fortasse multa, oculis quidem nulla poterat esse fortior contra dolorem & mortem disciplina. De exercitatione & consuetudine & commentatione dixi: age sis. nunc de ratione videamus, nisi quid vis ad hac. Egone vt te interpellem? ne hoc quidem vellem: ita me ad credendum tua ducit oratio. Sit ne igitur malum dolor, nec ne, Stoici viderint, qui contortulis quibusdam ac minutis conclusiunculis, nec ad sensus permanentibus effici volunt nō esse malum dolorem. ego illud, quicquid sit, tantum esse, quantum videatur, non puto: falsa quē eius visione & specie moueri homines dico vehementius, dolorem quē eius omnem esse tolerabilem. Vnde igitur ordiar? an eadem breuiter attingam, quā modo dixi, quo facilius oratio progredi possit longius? Inter omnes igitur hoc constat, nec doctos homines solum, sed etiam indoctos, virorum esse fortium, & magnanimorum, & patientium, & humana vincientium, toleranter dolorem pati: nec vero quis-

quisquam fuit, qui eum, qui ita pateretur, non lau-  
 dandum putaret. quod ergo & postulatur à fortibus,  
 & laudatur cum fit, id aut extimescere veniens, aut  
 non ferre præsens, nonne turpe est? At qui vide, ne cū  
 omnes rectæ animi affectiones, virtutes appellentur,  
 non sit hoc proprium nomen omnium; sed ab ea vna,  
 quæ cæteris excellat, omnes nominata sint. appellata  
 est enim à viro virtus: viri autem propria maximè  
 est fortitudo: cuius munera duo maxima sunt, mor-  
 tis dolorisque contemtio. Utendum est igitur his, si  
 virtutis compotes, vel potius si viri volumus esse, quo-  
 niam à viris virtus nomē est mutuata. Quæ res fortas-  
 se, quo modo: & rectè. talem enim medicinā philoso-  
 phia proficitur. venit Epicurus homo minime malus,  
 vel potius vir optimus: tantum monet, quantum in-  
 telligit. Neglige inquit, dolorem. Quis hoc dicit?  
 idem, qui dolorem summum malum. vix satis con-  
 stanter. audiamus. Si summus dolor est, inquit,  
 breuem esse necesse est. Itera dum eadem ista mihi  
 non enim intelligo, quid summum dicas esse; quid bre-  
 ue. Summum, quo nihil sit superius: breue, quo ni-  
 hil breuius. Contemno magnitudinem doloris: à qua  
 me breuitas temporis vindicabit ante penè, quam ve-  
 nerit. sed si est tantus dolor, quantus Philoctetæ, be-  
 ne plane magnus mihi quidem videtur, sed tamen nō  
 summus. nihil enim dolet, nisi pes: possunt oculi, po-  
 test caput, latera, pulmone: possunt omnia: longe igi-  
 tur abest à summo dolore. Ergo, inquit, dolor diu-  
 turnus habet lætitiæ plus, quam molestiæ. Hunc e-  
 go non



QVAESTION. LIB. II.

ego non possum tantum hominem nihil sapere dicere,  
sed nos ab eo derideri puto . ego summum dolorem  
( summum autem dico, etiam si decem atomis est ma-  
ior alius ) non continud dico esse breuem , multos-  
que possum bonos viros nominare, qui complureis an-  
nos doloribus prodagra crucientur maximis: sed ho-  
mo cautus nunquam terminat nec magnitudinis nec  
diuturnitatis modum , vt sciam quid summum dicat  
in dolore, quid breue in tempore . Omittamus igitur  
hunc nihil prorsus dicentem, cogamusq; confiteri non  
esse ab eo doloris remedia quarendam qui dolorem ma-  
lorum omnium maximum dixerit. quamuis, idem for-  
ticulum se in torminibus, & in stranguria sua prebe-  
at. Aliunde igitur est quarendam medicina, & maxi-  
me quidem, si, quid maximè consentaneum sit, qua-  
rimus, ab ijs quibus, quod honestum sit, summum bo-  
num: quod turpe, summum videtur malum. his tu pra-  
sentibus gemere , & te iactare non audebis profectò.  
loquetur enim eorum voce virtus ipsa tecum. Tunc,  
cum pueros Lacedemone, adolescenteis Olympia, bar-  
baros in harena videris excipientes grauißimas pla-  
gas & ferentis silentio, si te forte dolor aliquis per-  
uellerit, exclamabis vt mulier, non constanter & se-  
date feres. Ferri non potest: natura patitur. Au-  
dio, pueri ferunt gloria ducti, ferunt pudore alij mul-  
ti metu & tamen veremur, vt hoc , quod à tam mul-  
tis, & quod tot locis perferatur, natura patiatur? il-  
la vero non modo patitur, verum etiam postulat. ni-  
hil enim habet praestantius, nihil , quod magis expe-

tat. quam honestatem, quā laudem, quam dignitatē,  
 quam decus. hisce ego pluribus nominibus vnā rē de-  
 clarari volo, sed ut ar, ut quam maximē significem,  
 pluribus. volo autē dicere, illud homini longē optimū  
 esse, quod ipsum sit optandum per se, à virtute profe-  
 ctum, vel in ipsa virtute sitū, sua spōte laudabile: quod  
 quidem citius dixerim solum, quā summum bonū. at-  
 que ut hac de honesto sic de turpi contraria. nihil tam  
 tetrū, nihil tam aspernādum nihil homine indignius.  
 Quod si tibi persuasum est (principio enim dixisti plus  
 in dedecore esse mali tibi videri, quam in dolore:) reli-  
 quū est, ut tute tibi imperes. quāquam hoc nescio quo  
 modo dicatur, quasi duo sinus, ut alter imperet, alter  
 pareat: non inscite tamen dicitur. est enim animus in  
 parteis distributus duas, quam altera rationis est  
 particeps, altera expertus. cum igitur precipitur, ut  
 nobismet ipsis imperemus, hoc precipitur, ut ratio co-  
 erceat temeritatem. Est in animis omnium fere natu-  
 ra molle quiddam, demissum, humile, enervatum quo-  
 dam modo. & languidum. Si nihil esset aliud, nihil es-  
 set homine deformius. sed praesto est domina omnium  
 & regina ratio, qua connixa per se & progressa lon-  
 gius, sit perfecta virtus, hac ut imperet illi parti ani-  
 mi, qua obedire debet, id videndum est viro. Quo-  
 nam modo inquires? Velut seruo dominus, velut impe-  
 rator militi, velut parens filio, si turpissimē se illa pars  
 animi geret, quam dixi esse mollem: si se lamentis mu-  
 liebriter, lacrymis quē dedet: vinciat, & constrin-  
 gatur amicorum propinquorumquē custodijs. saepe  
 enim

QVAESTION. LIB. II.

enim videmus fractos pudore, qui ratione nulla vincerentur. ergo hos quidē, vt famulos, vinculis & custodia arceamus. qui autem erunt firmiores, nec tamen robustissimi: hos admonitu simili oportebit vt bonos milites, reuocatos dignitatem tueri. Non nimis in Niptris ille sapientissimus Gracia saucius lamentatur, vel modice potius:

*Pedetentim (inquit) ite, & sedato nisu, ne successu arripiat maior dolor.*

*Pacuius hoc melius, quam Sophocles apud illum enim perq̃ flebiliter Vlysses lamētatur in vulnere: tamē huic leuiter gementi illi ipsi, qui ferūt sauciū, persona grauitatem intuentes, non dubitarunt dicere,*

*Tu quoque Vlysses, quanquam grauiter cernimus ictum,*

*Nimis es parē animo molli, qui consuetus in armis auum agere.*

*Intelligit poeta prudens ferendi doloris consuetudinem esse non contemnendam magistrā. atq; ille non immoderatē magno in dolore.*

*Retinere, tenete, opprimite,*

*Vlcus nudate. heu miserrum me, excrucior,*

*Incipit labi: deinde ilico desinit.*

*Operite, abscedite, iam iam dimittite.*

*Nam attractatu & quassu seuum amplificatis dolorem.*

*Videsne, vt obmutuerit non sedatus corporis, sed castigatus animi dolor? itaque in extremis Niptris alios quoq; obiurgat, idq; moriens,*

Conqueri fortunam aduersam, non lamentari  
debet.

Id viri est officium, fletus muliebri ingenio ad-  
ditus.

Huius animi pars illa mollior rationi sic paruit, ut  
seuero imperatori miles prudens in quo viro erit per-  
fecta sapietia (quem adhuc nos quidem vidimus nemi-  
nem: sed philosophorum sententis; qualis futurus sit,  
si modo aliquando fuerit, exponitur) is igitur, siue  
ea ratio quae erit in eo perfecta atque absoluta, sic illi  
parti imperabit inferiori, ut iustus parens probis fi-  
liis: nutu, quod volet, conficiet; nullo labore, nulla  
molestia: eriget ipse se, suscitabit, instruet, armabit,  
ut tanquam hosti, sic obsistat dolori. Quae sunt ista arma?  
contentio, confirmatio, sermoque intimus, cum ipse se-  
cum, caue turpe quicquam, languidum, non virile.  
obseruentur species honesta animo: Zenon propona-  
tur Eleates, qui perpeffus est omnia potius, quam conf-  
cios delenda tyrannidis indicaret. de Anaxarcho De-  
mocratius cogitetur. qui cum in manus Cyprii Nico-  
creonis regis incidisset nullum genus supplicij depre-  
catus est, neque recusauit. Calanus indus, indoctus  
ac barbarus, in radicibus Caucasi natus, sua volunta-  
te viuus combustus est: nos, si pes condoluit, si dens,  
sed fac totum dolere corpus ferre non possumus. opi-  
nio est enim quaedam effeminata ac leuis; nec in dolore  
magis quam in voluptate, quam cum liquefcimus fluimus-  
que mollitiae, apud aculeum sine clamore fere non possu-  
mus. At vero C. Maurius rusticanus vir, sed plane vir  
cuius

QVÆSTION. LIB. II.

cum secaretur, vt supra dixi, principio vetuit se alligari: nec quisquam ante Marium solutus dicitur esse sectus. Cur ergo postea alij? valuit auctoritas. Vides ne igitur opinionis esse, non natura malum? & tamē fuisse acrem morsum doloris, idem Marius ostendit, crus enim alterum non præbuit, ita & tulit dolorem vt vir, & vt homo, maiorem ferre sine causa necessaria noluit. Totum igitur in eo est, vt tibi imperes: ostendi autem quod esset imperandi genus. atque hac cogitatio quid patientia, quid fortitudine, quid magnitudine animi dignū sit, non solum animū comprimit sed ipsum etiā dolorē nescio quo pacto mitiorē facit. vt enim fit in prælio, vt ignauus miles ac timidus simul ac viderit hostem abiectō scuto fugiat, quantum possit, ob eamque causam pereat nonnunquam, etiam integro corpore, cum ei, qui steterit, nihil tale euenerit: sic qui doloris speciem ferre non possunt, abijciunt se, atque ita afflicti & exanimati iacent: qui autem restiterunt, discedunt sapissimē superiores: sunt enim quadam animi similitudines cum corpore, vt onera contentis corporibus facilius feruntur, remissis opprimunt: simillimē animus intentione sua depellit pressum omnem ponderum, remissione autem sic vrgetur, vt se nequeat extollere. Et, si verum querimus, in omnibus officijs persequendis animi est adhibenda contentio. ea est sola officiij tanquam custodia. Sed hoc quidem in dolore maxime est prouidendum, ne quid abiectē, ne quid timidē, ne quid ignauē, ne quid seruiliter, muliebriterue faciamus, in primisq;

refutetur ac reijciatur Philoctetæ ille clamor. ingemiscere nonnunquam viro concessum est, id quæ raro: eiulare ne mulieri quidem. et hic nimirum est fletus, quem duodecim tabula in funeribus adhiberi vetuerunt. Nec vero vnquam ne ingemiscit quidem vir fortis ac sapiens, nisi fortè vt se intendat ad firmitatem, vt in stadio cursores exclamant, quam maximè possunt faciunt idem, cum exercentur, athleta. pugiles vero, etiam cum feriunt aduersarium, in iactâ dis castibus ingemiscunt: non quod doleant, animo-ue succumbât, sed quia in profundè da voce omne corpus intenditur, venit quæ plâga vehementior. Quid? qui volunt exclamare maius, num satis habent latera, fauceis, linguam intendere, è quibus eici vocem & fundi videmus? toto corpore atque omnibus vngulis, vt dicitur contentioni vocis asseruiunt. genu meherculè M. Antonium vidi, cum contentè ipse pro se lege Varia diceret, terram tangere. vt enim balista lapidum, & reliqua tormenta telorum eo grauior emissiones habent, quo sunt contenta, atque adducta vehementius: sic cursus, sic vox, sic plâga grauior, quo est missa contentius. Cuius contentioni cū tanta vis sit, si gemitus in dolore ad confirmandum animum valebit, vtemur: sin erit ille gemitus lamentabilis, si imbecillius, si abiectus, si flebilis, ei qui se dederit, vix eum virū dixerim. qui quidē gemitus si leuationis aliquid afferret, tamen videremus quid esset fortis & animosi viri. cum verò nihil imminuat doloris cur frustra turpes esse volumus? quid est enim  
fletu

fletu muliebri viro turpius ? Atque hoc præceptum, quod de dolore datur, patet latius omnibus enim rebus, non solum dolori, simili contentione animi resistendum est. ira exardescit: libido concitatur. in eandem arcem confugiendum est: eadem sunt arma sumenda. Sed quoniam de dolore loquimur, illa omittamus. Ad ferendum igitur dolorem placidè & sedatè plurimum proficit toto pectore, ut dicitur, cogitare, quam id honestum sit. sumus enim natura, ut ante dixi (dicendum est enim sapius) studiosissimi appetitissimiq; honestati: cuius si quasi lumen aliquod aspexerimus, nihil est, quod, ut eo potiamur non parati simus & ferre & perpeti. Ex hoc cursu atque impetu animorum ad veram laudem, atque honestatem illa pericula adeuntur in prælijs. non sentiunt viri fortes in acie vulnera, vel sentiunt, sed mori malunt, quam tantillum modo de dignitatis gradu demoueri. Fulgenteis gladios hostium videbant Decij, cum in aciem eorum irruebant. his leuabant omnem vulnorum metum nobilitas mortis, & gloria. Num tum ingemuisse Epaminondam putas, cum vna cum sanguine vitam effluere sentiret, imperantem enim patriam Lacedæmonijs relinquebat, cum acceperat seruientē. Hac sunt solatia, hac fomenta summorum dolorum. Dices, quid in pace? quid domi? quid in lectulo? Ad philosophos me reuoc. us, qui in aciem non sæpe prodeunt, è quibus homo sanè leuis Heracleotes Dyonysius, cum à Zenone fortis esse didicisset, à dolore denictus est. nam cum ex rebus laboraret, ipso in eiu-



latuclamitabat, falsa esse illa, quæ antea de dolore ipse sensisset. quem cum Cleantes condiscipulus rogaret, quam ratio eum de sententia deduxisset, respondit, Quia, cum tantum opera philosophiæ dedissem, dolorem tamen ferre non possem: satis esse argumenti, malum esse dolorem. plurimos autem annos in philosophia consumsi, nec ferre possum: malum est igitur dolor. Tum Cleantem, cum pede terram percussisset, versum ex Epigoni ferunt dixisse.

Audisne hæc Amphiaræ sub terram abdite?

Zenonem significabat: à quo illum degenerare dolebat. At non nosster Posidonius: quem & sæpe ipse vidi, & id dicam, quod solebat narrare Pompeius: se cum Rhodum venisset decedens ex Syria, audire voluisse Posidonium: sed cum audiuisset eum grauitè esse ægrum, quod vehementer eius artus laborarent, voluisse tamen nobilissimum philosophum visere: quem ut vidisset, & salutauisset, honorificisque verbis prosecutus esset molestèquæ dixisset ferre, quod eum non posset audire: at ille. Tu verò, inquit, potes nec committam, ut dolor corporis efficiat, ut frustra tantus vir ad me venerit, itaque narrabat eum grauitè & copiosè de hoc ipso, nihil esse bonum, nisi quod honestum esset, cubantem disputasse. cumquæ quasi faces ei doloris admouerentur. sæpe dixisse, Nihil agis dolor: quamuis sis molestus, nunquam esse confitebor malum. Omninoq; omneis clari & nobilitati labores contemendo fiunt etiam tolerabiles. Videmusne, apud quos eorum ludorum, qui Gymnici nominantur, magnus honos,

QVAESTION. LIB. II.

honor sit, nullum ab ijs, qui in id certamen descendant, deuitari dolorem? apud quos autem venandi & equitandi laus vigeat, qui hanc petiſſunt, eos nullum fugere dolorem? Quid de nostris ambirionibus, quid de cupiditate honorum loquar? quae flamma est, per quam non cucurrerint ij, qui hac olim punctis singulis colligebant? Itaque semper Africanus Socraticum Xenophontem in manibus habebat: cuius in primis laudabat illud quod diceret, eosdem labores non esse aequè graues imperatori & militi, quod ipse honorem laborem leuiorem faceret imperatorum. Sed tamen hoc euenit, vt in vulgus insipientium opinio valeat honestatis, cum ipsam videre non possint, itaque fama & multitudinis iudicio mouentur, vt id honestum putent, quod à plerisque laudetur. te autem, si in oculis sis multitudinis, tamen eius iudicio stare nolum: nec, quod illa putet, idem te putare pulcherrimum. tuo tibi iudicio est vtendum, tibi si recta probanti placebis, tum tu non modò nec viceris, quod paullo ante praecipiebam, sed omneis & omnia. Hoc igitur tibi propone, amplitudinem, & quasi quandam exaggerationem quam altissimam animi, quae maximè eminet in contemnendis & despiciendis doloribus, vnà esse omnium rem pulcherrimam, eoque pulchriorem, si vacet populo, neque plausum captans, se tantum ipsa delectet. Quinetiam mihi quidem laudabiliora videntur omnia, quae sine venditione, & sine populo teste fiunt: non quod fugiendus sit (omnia enim benefacta in luce se collocari volunt) sed tamen nullū thea-

tram virtuti conscientia maius est. atq; in primis me-  
 ditemur illud, vt hac patientia dolorū, quam sapē iā  
 animi intentione dixi esse firmandam, in omni genere  
 se aquabile prabeat. sapē enim mulri, qui aut propter  
 victoria cupiditatem, aut propter gloria, aut etiā vt  
 ius suum & libertatem tenerent, vulnera exceperunt  
 fortiter, & tulerunt: iſdem omiſſa contentione dolo-  
 rem morbi ferre non poſſunt. neq; enim illum, quē fa-  
 cile tulerant, ratione aut ſapientia tulerant, ſed ſtu-  
 dio potius & gloria. Itaq; barbari quidā, & imma-  
 nes ferro decertare acerrimē poſſunt, agrotare virili-  
 ter non queunt. Graci autem homines nō ſatis animo-  
 ſi, prudentes, vt eſt captui hominum ſatis, hoſtem aſpi-  
 cere non poſſunt, ſed iſdem morbos toleranter atq; hu-  
 manē ferunt, at Cymbri & Celtiberi in pralio exul-  
 tant, lamentantur in morbo. nihil enim poteſt eſſe a-  
 quabile, quod non à certa ratione proficiſcatur. Sed  
 cū videas, eos, qui aut ſtudio, aut opinione ducātur,  
 in eo perſequendo atq; adipiſcendo, dolore nō frangi:  
 debes exiſtimare aut non eſſe malum dolorem, aut et-  
 iam ſi, quicquid aſperum alienumq; à natura ſit, id ap-  
 pellari placeat malum, tantulum tamen eſſe, vt à vir-  
 tute ita obruatur, vt nuſquā appareat. quæ medita-  
 re, quaſo, dies & nocteis. latius enim manabit hac ra-  
 tio, & aliquanto maiorem locum, quam de vno dolo-  
 re, occupabit. nam ſi omnia fugiēda turpitudinis, adi-  
 piſcendaq; honeſtatis cauſa faciemus, non modò ſtimu-  
 los doloris, ſed etiam fulmina fortuna contemnamus  
 licebit, præſertim cū paratum ſit illud ex heſterna  
 diſpu-

QV AESTION. LIB. III.

disputatione perfugium. vt enim sicut nauiganti, quē  
 pradones insequantur, Deus quis dixerit; Eyce te de  
 nauis: præsidiū est qui excipiat, vel delphinus, vt Arionē  
 Methymnaum: vel equi Pelopis illi Neptuni, qui per  
 vndas currus suspensos rapuisse dicuntur, excipiet te,  
 & quo velis, perferent: omnem omittat timorem: sic  
 vrgentibus asperis & odiosis doloribus, si tanti sint,  
 vt ferendi non sint, quod sit fugiendum, vides. Hac fe-  
 rē hoc tempore putavi esse dicenda. sed tu fortasse in  
 sententia permanes. Minimē verō: mequē biduo dua-  
 rum rerum, quas maximē timebam, spero liberatum  
 metu. Cras ergo ad clepsydram: sic enim duximus.  
 sed tibi hoc video non posse deberi. Ita prorsus. & il-  
 lud quidem ante meridiem, hoc eodem tempore. Sic fa-  
 ciemus, tuisquē optimis studijs obsequemur.

M. T. C. TVSCV-  
 LANARVM QVAESTIO.  
 NVM AD M. BRVTVM LI-  
 ber Tertius, de ægritudine  
 lenienda.



Vid nam esse Brute causa putem, cur,  
 cū constemus ex animo & corpore,  
 corporis curandi tuendiq; causa qua-  
 sita sit ars, eiusq; vtilitas deorum im-  
 mortaliū inuentioni consecrata: ani-  
 mi aut medicina nec tā desiderata sit antequā inuen-  
 ta, nec tā culta posteaquā cognita est, nec tam mul-  
 ti gra-

tis grata & probata, pluribus etiam suspecta & inui-  
 sa? an quod corporis grauitatem & dolorem animo iu-  
 dicamus, animi morbum corpore non sentimus? ita sit;  
 vt animus de se ipse tum iudicet, cum id ipsum quod  
 iudicat, agrotet? quod si taleis nos natura genuisset,  
 vt eam ipsam intueri & perspicere, eademque optima  
 duce cursum vite conficere possemus: haud erat sanè,  
 quod quisquam rationem ac doctrinam requireret.  
 nunc paruulos nobis dedit igniculos, quos celeriter ma-  
 lis moribus opinionibusque deprauatos sic restingui-  
 mus, vt nusquam naturæ lumen appareat. sunt enim  
 ingenijs nostris semina innata virtutum, quæ si adole-  
 scere liceret, nos ad beatam vitam perducerent: nunc  
 autem, simulatq; editi in lucem & suscepti sumus, in  
 omni continuo prauitate, & in summa opinionum per-  
 uersitate versamur: vt penè cum lacte nutricis erro-  
 rem suxisse videamur. Cum verò parentibus redditi,  
 id est, magistris traditi sumus, tum ita varijs imbu-  
 mur erroribus, vt vanitati veritas, & opinioni confir-  
 mata natura ipsa cedat. Accedunt etiam Poetae, qui  
 cum magnam speciem doctrinæ, sapientiæque præse-  
 tulerunt, audiuntur, leguntur, ediscuntur, & inhare-  
 scunt penitus in mentibus: cum verò accedit eodem  
 quasi maximus quidam magister, populus, atq; omnis  
 vndiq; ad vitia consensiens multitudo, tum planè infi-  
 ctimur opinionum prauitate, à naturaq; ipsa descisci-  
 mus: vt nobis optimam naturam inuidisse videantur,  
 qui nihil melius homini, nihil magis expetendum, ni-  
 hil præstantius honoribus, imperijs, populari gloria iu-  
 dicant.

### QVAESTION. LIB. III.

dicauerunt. ad quam fertur optimus quisque: veram-  
 que illam honestatem expetens, quam vnâ natura  
 maximè inquirat, in summa inanitate versatur: conse-  
 ctaturq; non illam eminentem effigiem virtutis, sed  
 umbratam imaginem gloriae. est enim gloria, solida  
 quadam res & expressa, non adumbrata. ea est con-  
 sentiens laus bonorum, incorrupta vox benè iudican-  
 tium de eccellente virtute. ea virtuti resonat tanquā  
 imago voci. qua quia rectè factorum plerunq; comes  
 est, non est à bonis viris repudianda: illa autem qua se  
 eius imitatricem esse vult, temeraria atq; inconfide-  
 rata, & plerunq; peccatorum vitiorumq; laudatrix,  
 fama popularis, simulatione honestatis formam eius,  
 pulchritudinemq; corrumpit. qua cœcitate homines,  
 cū quadam praeclara etiam cuperent, eaq; nescirēt  
 nec vbi, nec qualia essent, funditus alij euerterunt su-  
 as ciuitates, alij ipsi occiderunt. Atq; hi quidem opti-  
 ma petentes, non tam voluntate, quam cursus errore  
 falluntur. Quid? qui pecuniae cupiditate, qui volupta-  
 tum libidine feruntur: quorumq; ita perturbantur a-  
 nimi, vt non multum absint ab insania, quod insipien-  
 tibus contingit, omnibus his nullāne est adhibenda cu-  
 ratio? virum quod minus noceant animi agrotatio-  
 nes, quam corporis: an quod corpora curari possint, a-  
 nimorum nulla medicina sit? At & morbi perniciosio-  
 res, pluresq; sunt animi, quam corporis. hi enim ipsi o-  
 diosi sunt, quod ad animum pertinent eumq; sollici-  
 tant: animusq; aeger, vt ait Ennius, semper errat, neq;  
 pati, neq; perpeti potest, cupere nunquam desinit. qui  
 bus

bus morbis (ut omittam alios) aegritudine & cupiditate, qui tandem possunt in corpore esse grauiore? qui verò probari potest. ut sibi mederi animus non possit, cum ipse medicinam corporis animus inuenerit, cumque ad corporum sanationem multum ipsa corpora, & natura valeat: nec omnes, qui se curari passi sunt, continuè etiam conualescant: animi autem, qui se sanari voluerint, præceptisq; Sapientum paruerint sine vlla dubitatione sanentur. Est profectò animi medicina philosophia: cuius auxilium non ut in corporis morbis, petendum est foris: omnibusq; opibus, viribusque, ut nosmetipsi mederi possimus, elaborandum est. quam de vniuersa philosophia, quantopere & expectenda & colenda esset, satis ut arbitror, dictum est in Hortensio. De maximis autem rebus nihil ferè intermissimus, nec disputare nec scribere. his autem libris exposita sunt ea, quæ à nobis cum familiaribus nostris in Tusculano erant disputata. Sed quoniam duobus superioribus, de morte & dolore dictum est, tertius dies disputationis hoc tertium volumen efficiet. Ut enim in Academiam nostram descendimus, inclinatio iam in pomeridianum tempus die, poposci eorum aliquem, qui aderat, causam differendi. tum res acta sic est Videtur mihi in sapientem cadere posse aegritudo. Num reliquæ quoque perturbationes animi, formidines, libidines, iracundia? hæc enim ferè sunt eiusmodi, quæ Græci πᾶντα appellat, ego poteram morbos, & id verbum esset è verbo, sed in consuetudinem nostram non caderet. nam misereri, inuidere, gestire, latari,

hæc



# QVAESTION. LIB. III.

*hac omnia morbos Græci appellant, motus animi rationi non obtemperanteis: nos autem hos eosdem motus concitati animi recti, ut opinor, perturbationes dixerimus, morbos autem non satis usitatè, nisi quod aliud tibi videtur. Mihi verò isto modo. Hæcine igitur cadere in sapientem putas? Prorsus existimo. Nam ista gloriosa sapientia non magno æstimanda est, si quidem non multum differt ab insania. Quid? tibi omninè animi commotio videtur insania? Non mihi quidem soli: sed id quod admirari sæpe soleo, maioribus quoque nostris hoc ita visum intelligo multis seculis ante Socratem: à quo hac omnis, quæ est de vita & moribus, philosophia manauit. Quoniam tandem modo? Quia nomen insania significat mentis agrotationem & morbum, id est, insanitatem & agritudinem animi, quam appellarunt insaniam. omnes enim perturbationes animi, morbos philosophi appellant, negant quæ stultum quenquam his morbis vacare. qui autem in morbo sunt, sani non sunt: & omnium insipientium animi in morbo sunt. omnes insipientes igitur insaniunt. sanitatem enim animorum, positam in tranquillitate quadam, constantiaque censebant. his rebus mentem vacuum appellarunt insaniam, propterea quod in perturbato animo, sicut in corpore, sanitas esse non possit, nec minus illud acutè, quod animi affectionem lumine mentis carentem nominauerunt amentiam, eandemque dementiam. Ex quo intelligendum est, eos, qui hac rebus nomina posuerunt, sensisse hoc idem, quod à Socrate acceptum diligenter*

ligenter Stoici retinuerunt, omnes insipientes esse nō  
 sanos. qui enim animus est in aliquo morbo ( morbos  
 autem hos perturbatos motus, vt modo dixi, philoso-  
 phi appellant ) non magis esse sanos, quàm id corpus  
 quod in morbo est. Ita sit, vt sapientia sanitas sit ani-  
 mi, insipientia autem quasi insanitas quædā, quæ est  
 insania, eademq; dementia. multo q; melius hæc notā  
 tā sunt verbis Latinis, quàm Græcis: quod alijs quoq;  
 multis locis reperietur. Sed id aliās. nunc quod instat.  
 Totum igitur id, quod querimus, quid et quale sit, ver-  
 bi vis ipsa declarat. Eos enim sanos intelligi necesse  
 est, quorum mēs motu, quasi morbo perturbata nulla  
 sit: qui contra affecti sunt, hos insanos appellari ne-  
 cesse est. itaq; nihil melius, quàm quod est in consuetu-  
 dine sermonis Latini, cūm exisse ex potestate dicimus  
 eos, qui effrenati feruntur aut libidine, aut iracun-  
 dia: quanquam ipsa iracundia libidinis est pars. sic e-  
 nim definitur iracundia, vlciscendi libido. qui igitur  
 exisse ex potestate dicuntur, idcirco dicuntur, quia nō  
 sunt in potestate mētis, cui regnum totius animi à na-  
 tura tributum est. Græci autem μανία vnde appel-  
 lent, non facile dixerim. eam tamen ipsam distingui-  
 mus nos melius, quàm illi. hanc enim insaniam quæ in  
 Etia stultitia patet latius, à furore distinguimus: Græci  
 volunt illi quidem, sed parum valent verbo: quem nos  
 furorem, μελαγχολία illi vocant: quasi verò atra bi-  
 li solum mens, ac non sæpè vel iracundia grauiore, vel  
 timore, vel dolore moueatur. quo genere Athaman-  
 tem, Alcmaonem, Aiacem, Orestem furere dicimus.

QVÆSTION. LIB. III.

Qui ita sit affectus, eum dominum esse rerum suarum  
 verant XII. tabula. Itaq; non est scriptum, SI INSA-  
 NVS, SED SI FVRIOSVS ESSE INCIPIT. Insaniam  
 enim censuerunt, id est, inconstantiam sanitate vacā-  
 tem, posse tamen tueri mediocritatem officiorum, &  
 vitæ communem cultum atq; vsitatum: furorem au-  
 tem esse rati sunt mentis ad omnia cœcitatē: quod  
 cū maius esse videatur, quàm insania: tamen eius-  
 modi est, vt furor in sapientem cadere possit, non pos-  
 sit insania. Sed hæc alia quæstio est. nos ad propositū  
 reuertamur. Cadere opinor in sapientē aegritudinem  
 tibi dixisti videri. Ego verò ita existimo: Humanum  
 id quidem, quod ita existimas: non enim silice nati su-  
 mus: sed est natura in animis tenerum quiddam atq;  
 molle, quod aegritudine, quasi tempestate, quatiatur.  
 nec absurdè Crantor ille, qui nostra Academia vel in  
 primis fuit nobilis: Minimè, inquit, assentior ijs, qui i-  
 stam nescio quam indolentiam magnopere laudant:  
 qua nec potest vlla esse, nec debet. Ne agrotus sim. in-  
 quit: sed si fuerim, sensus adsit, siue secetur quid, siue  
 auellatur à corpore. nam istuc nihil dolere, nō sine ma-  
 gna mercede contingit, immanitatis in animo, stupo-  
 ris in corpore. Sed videamus, ne hæc oratio sit homi-  
 num assentantium nostra imbecillitati, & indulgen-  
 tium mollitudini. nos autem audeamus non solum ra-  
 mos amputare miseriarū, sed omneis radicū fibras  
 euellere. tamen aliquid relinquetur fortasse: ita sunt  
 stirpes altæ stultitiæ. sed relinquetur id solum, quod  
 est necessarium. illud quidem sic habeto, nisi sanatus

animus sit. quod sine philosophia fieri non potest, finem miseriarum nullum fore. quamobrem, quoniam coepimus, tradamus nos ei curandos: sanabimur, si volumus. & progrediar quidem longius. non enim de agritudine solum (quanquam id quidem primum, sed de omni animi, ut ego posui, perturbatione: ut Graeci volunt, morbo. explicabo. Et primum, si placet, Stoicorum more agamus, qui breuiter astringere solent argumenta: deinde nostro instituto vagabimur. QUI FORTIS est, idem est fidens: quoniam confidens mala consuetudine loquendi in vitio ponitur. ductum verbum à consilendo, quod laudis est. qui autem est fidens, is profecto non extimescit. discrepat enim à timendo, consilere: atque in quem cadit agritudo, in eundem timor. quarum enim rerum praesentia sumus in agritudine, easdem impendenteis & venienteis timemus. ita fit, ut fortitudini agritudo repugnet. verisimile est igitur in quem cadit agritudo, in eundem cadere timorem, & infractionem quandam animi & demissionem: in quemque ea cadunt, in eundem cadit ut seruit, ut victum se quandoque fateatur. quae qui recipiat, recipiat idem necesse est timiditatem & ignauiam. non cadunt autem haec in virum fortem. igitur ne agritudo quidem. at nemo sapiens nisi fortis, non cadet ergo in sapientem agritudo. Praeterea necesse est, qui fortis sit, eundem esse magni animi, qui magni animi, inuictum: qui inuictus, eum humanas res despicere, atque infra se positas arbitrari, despiciere autem nemo potest eas res, propter quas a-

gtiluaine

QVAESTION. LIB. III.

agritudine affici potest. ex quo efficitur, fortem virum  
agritudine nunquam affici. omnes autem sapientes,  
fortes. non cadit igitur in sapientem agritudo. Et  
quemadmodum oculus conturbatus non est probè af-  
fectus ad suum munus fungendum & reliqua partes;  
totumne corpus, à statu cum est motum, deest offi-  
cio suo & muneri: sic conturbatus animus non est ap-  
tus ad exequendum munus suum. munus autem ani-  
mi est, ratione benè uti: & sapientis animus ita sem-  
per affectus est, ut ratione optimè utatur. nunquam  
est igitur perturbatus, at agritudo perturbatio est  
animi: semper igitur ea sapiens vocabit. Verisimile  
etiam illud est, qui sit temperās, quem Graci σόφρο-  
να appellant, eamque virtutem σοφροσύνη vocāt,  
quam soleo equidem tum temperantiam, tum mode-  
rationem appellare; nonnunquam etiam modestiam:  
sed haud scio, an rectè ea virtus frugalitas appellari  
possit, quod angustius apud Gracos valet: qui fugi-  
homines χεντικός appellant, id est, tantummodo  
utileis, at illud latius, est enim omnis abstinencia,  
omnis innocentia, quæ apud Gracos vsitatum nomen  
nullum habet, sed habere potest ἁβριότης. nam est  
innocentia affectio talis animi, quæ noceat nemini.

Reliquas autem virtutes frugalitas continet. qua  
nisi tanta esset, & si is angustys, quibus plerique pu-  
tant, teneretur, quam esset L. Pisonis cognomen tan-  
topere laudatū. Sed quia nec qui propter metū prasi-  
diū reliquit, quod est ignavia: nec qui propter auariti-  
am clam depositū non reddidit, quod est iniustitia: nec

qui propter temeritatē malè rem gessit, quod est stultitia, frugi appellari solet: eò treis virtutes, fortitudinem, iustitiam, prudentiā, frugalitas amplexa est: et si hoc quidem cōmune est virtutum. omnes enī inter se nexa & iugata sunt. reliqua igitur, & quarta virtus, vt sit ipsa frugalitas, necesse est, eius enī videtur esse proprium, motus animi appetenteis regere & sedare: semperq; aduersantem libidini, moderatā in omni re seruare constantiam: citi contrarium vitii nequitia dicitur. Frugalitas, vt opinor, à fruge: quā nihil melius è terra oritur, nequitia ab eo, (& si hoc erit fortasse durius,) sed tentemus, & lussisse putemur, si nihil sit, ab eo, quod nec quicquam est in tali homine, ex quo idem nihili dicitur. Qui sit frugi igitur, vel, si maius, moderatus & temperans, eum necesse est esse constantem: qui autem constās, quietus: qui quietus, perturbatione omni vacuum. ergo etiam agritudine: & sunt illa Sapientis. aberit igitur à Sapiente agritudo. Itaq; non inscitè Heracleotes Dionysius ad ea disputat. quæ apud Homerum Achilles queritur, hoc, vt opinor, modo:

Corq; meum penitus turgescit tristibus iris,

Cū decore atq; omni me orbatū laude recōdor.

Num manus affecta rectè est, cum in tumore est? aut num quodpiam membrum tumidum ac turgidum nō vitiosè se habet? si igitur inflatus & tumēs animus in vitio est. Sapientis autem animus semper vacat vitio nūquam turgescit, nunquam tumet. at iratus animus eiusmodi est. nunquam igitur Sapiens irascitur. nam  
si ira-

QVAESTION. LIB. III.

si irascitur etiam concupiscit. proprium est enim irasci, cupere, à quo laesus videatur, ei quā maximū dolo-rem inungere. qui autem id concupierit, eum necesse est, si id consecutus sit, magnopere latari, ex quo fit, vt alieno malo gaudeat. quod quoniam nō cadit in sapientem, ne vt irascatur quidem cadit. si autē caderet in sapientem agritudo, caderet etiā iracundia. qua quo- niā vacat, agritudine etiam vacabit. Etenim si sa- piens in agritudinem incidere posset, posset etiam in misericordiam, posset in inuidiam (non dixi in inuidi- am, quā tum est, cū inuidetur) ab inuidendo autem inuidētia rectē dici potest, vt effugiamus ambigū nomen inuidiæ: quod verbum ductum est à nimis intus- endo fortunam alterius, vt est in Menalippo:

Florem quis nam liberū inuidit mecum.

Male Latine videtur. sed praeclare Attius. vt enim vi- dere, sic inuidere florem rectius, quā flori dicitur. nos consuetudine prohibemur: poeta ius suum tenuit, & dixit audacius. Cadit igitur in eundem & misere- ri, & inuidere. nam qui dolet rebus alicuius aduersis, idem alicuius etiam secundis dolet: vt Theophrastus interitum deplorans Callisthenis sodalis sui, rebus Ale- xandri prosperis angitur. itaq; dicit Callisthenem in- cidisse in hominem summa potentia, summaq; fortu- na, sed ignarum quemadmodū rebus secundis vii con- ueniret. At qui quemadmodum misericordia agritu- do est ex alterius rebus aduersis, sic inuidētia agri- tudo est ex alterius rebus secundis. In quem igitur ca- dit misereri, in eundem etiam inuidere. non cadit au-



tem inuidere in sapientem. ergo ne misereri quidem,  
 quod si hoc agrè ferre sapiens soleret, misereri etiam  
 soleret. abest ergo à sapiente agritudo. Hac si dicun-  
 tur à Stoicis, concludunturq; contortius: sed latius ali-  
 quanto dicenda sunt & diffusius. sententijs tamen v-  
 tendum est eorum potissimum, qui maximè forti, &  
 vt ita dicam, virili vtuntur ratione atque sententia.  
 nam Peripatetici familiares nostri, quibus nihil est v-  
 berius, nihil eruditius, nihil grauius, mediocritate  
 vel perturbationum, vel morborū animi mihi nō sanè  
 probant. Omne enim malum, etiam mediocre, mag-  
 num est. nos autem id agimus, vt id in sapiente nullū  
 sit omnino. nam vt corpus, etiam si mediocriter agrū  
 est, sanum ne est: sic, si in animo est ista mediocritas,  
 caret sanitate. Itaque praeclarè nostri, vt alia multa,  
 molestiam, sollicitudinem, angorem propter similitu-  
 dinem corporum agrorum, agritudinē nominauerāt.  
 propemodum verbo Graeci omnem animi perturbatio-  
 nem appellant: vocant enim πᾶσις, id est, morbum,  
 quicumque est motus in animo turbidus. nos melius. a-  
 gris enim corporibus. simillima est animi agritudo.  
 at non similis agrotationis est libido, non immodera-  
 ta latitia, quā est voluptas animi elata & gestiens.  
 ipse etiam metus non est morbi admodum similis, quā  
 quam agritudini est finitimus: sed propriè, vt agrotati-  
 o in corpore, sic agritudo in animo nomen habet nō  
 seiunctum à dolore. Doloris igitur huius origo nobis  
 explicanda est, id est, causa efficiens agritudinem in  
 animo. tāquam agrotationem in corpore. nam vt me-  
 dici,

QVAESTION. LIB. III.

dicti, causa morbi inuenta, curationem esse inuentam putant: sic nos, causa agritudinis reperta, medendi facultatem reperiemus. Est igitur causa omnis in opinione, nec verò agritudinis solum, sed etiam reliquarum omnium perturbationum: quae sunt genere quattuor, partibus plures. nam cum omnis perturbatio sit animi motus vel rationis expers, vel rationem aspernans, vel rationi non obediens: isque motus aut boni aut mali opinione concitetur, bifariam quattuor perturbationes aequaliter distributae sunt, nam duae sunt ex opinione boni: quarum altera, voluptas gestiens, id est, praeter modum elata latitia opinione praesentis magni alicuius boni: altera vel cupiditas rectè, vel libido dici potest, quae est immoderata appetitio opinati magni boni rationi non obtemperans. Ergo haec duo genera, voluptas gestiens & libido, bonorum opinione turbantur, ut duo reliqua, metus & agritudo malorum. nam & metus opinio est magni mali impendentis: & agritudo, est opinio magni mali praesentis & quidem recens opinio talis mali, ut eo rectum videatur esse angere. id autem est, ut is, qui doleat, oportere opinetur sed dolere. his autem perturbationibus, quae in vita hominum stultitia quasi quasdam immittit furias, atque incitat, omnibus viribus atque opibus repugnandum est, si volumus hoc quod datum est vitae tranquilla placideque traducere. Sed ceteras alias. nunc agritudinem si possumus depellamus, id enim sit propositum: quandoquidem eam tu videri tibi in sapientem cadere dixisti, quod ego nullo modo existi-

M. T. C. T V S C V L.

mo. tetra enim res est, misera, detestabilis, omni contentione velis, vt ita dicam, remissq, fugienda. qualis enim tibi ille videtur Tantalos prognatus, Pelope natus, qui quondam à socero Oenomaos rege Hippodamiam raptis nactus est nuptijs? Iouis iste quidem pronepos, tamne ergo abiectus, tamq, fractus?

Nolite, inquit, hospites adire ad me, illico istic

Ne contagio mea bonis, vmbraue obsit:

Tanta vus sceleris in corpore haret.

Tu te Thyesta damnabis, orbabisq, luce propter vim sceleris alieni? quid? illum filium solus, nonne patris ipsius luce indignum putas?

Refugere oculi, corpus macie extabuit:

Lacryma peredere humore ex sanguis genas:

Sit u nidorus barba pedore horrida,

Atq, intonsa infuscat pectus illuue scabrum.

Hac mala, o stultissime Aeeta, ipse tibi addidisti: non erant in his, quae tibi casus inuexerat, & quidem inueterato malo, cum tumor in animo resedisset. est autem agritudo, vt docebo, in opinione mali recentis. sed mœrens videlicet regni desiderio, non filia. illam enim oderas: & iure fortasse: regno non aequo animo carebas. est ante impudens luctus mœrore se conscientis, quod imperare non liceat liberis. Dionysius quidem tyrannus Syracusis expulsus, Corinthi pueros docebat: vsque eo imperio carere non poterat. Tarquinio verò quid impudentius? qui bellum gereret cum ijs, qui eius non tulerant superbiam? Is cum restitui in regnū, nec Veientium nec Latinorum armis potuisset, Cumas

se con-

QVAESTION. LIB. III.

se contulisse dicitur, inq, ea vrbe senio & aegritudine esse confectus. Hoc tu igitur censes sapienti accidere posse aegritudine opprimatur, id cū miseria? nam cum omnis perturbatio miseria est, tum carnificina est aegritudo. habet ardorem libido, leuitatem latitia gestiens humilitatem metus: sed aegritudo. maiora quadam, tabem, cruciatum, affectionem. foeditatem: lacerat, exest animum, planeq; conficit. hanc nisi exuimus sic vt abijciamus, miseria carere nō possumus. At hoc quidē perspicuum est, tum aegritudinē existere, cū quid ita visum sit, vt magnū quoddam malū adesse et vrgeri videatur. Epicuro autem placet opinionē mali aegritudinem esse natura, vt quicunque intueatur in aliquod maius malum, si id sibi accidisse opinetur, sit continuo in aegritudine. Cyrenaici nō omni malo aegritudinem effici censent, sed insperato, & nec opinato malo. Est id quidem non mediocre ad aegritudinē augendam. videntur enim omnia repentina grauiora. Ex hoc illa iura laudantur:

Ego cum genui, tum moriturum sciui, & ei rei sustuli.

Præterea ad Troiam cum misi ob defendendam Graciam,

Sciebam me in mortiferum bellum, non in epulas mittere.

Hac igitur præmeditatio futurorum malorum lenit eorum aduentum, qua vehemētia longē ante videris. Itaq; apud Euripidē à Theseo dicta laudantur. licet enim, vt sapē faciamus, in Latinum illa conuertere:

Nam qui hac audita à docto meminissē viro,  
 Futuras mecum commentabar miseras:  
 Aut mortem acerbam, aut exiliū māsā fugam,  
 Aut semper aliquam molem meditabar mali:  
 Vt si qua inuecta diritas casu foret,  
 Ne me imperatum cura laceraret repens.

Quod autem Theseus à docto viro se audisse dicit, id de se ipso loquitur Euripedes. fuerat enim auditor Anaxagora: quem ferunt nunciata morte filij dixisse: Sciebam me genuisse mortalem. qua vox declarat, ijs esse hac acerbam, à quibus non fuerint cogitata. Ergo id quidē non est dubium, quin omnia, qua mala putantur, sint improuisu grauiora. Itaq, quanquā non hac vna res efficit maximam agritudinem: tamē quoniā multū potest prouisio animi, & preparatio ad minuendum dolorē, sint semper omnia homini humana meditata. & nimirum hac illa prestans & diuina sapientia, perceptas penitus, & pertractatas humanas res habere, nihil admirari, cū acciderit: nihil, antequā eueniret, non euenire posse arbitrari.

Quamobrem omnes cum secunda res sunt maximē: tum maximē

Meditari secum oportet, quo pacto aduersam arum: nam ferant:

Pericla, damna, exilia peregrè rediens semper cogitet,

Aut filij peccatum, aut vxoris mortem, aut morbum filia. (sit nouum.

Communia esse hac, fieri posse: vt ne quid animo

Quia

QVÆSTION. LIB. III.

*Quidquid præter spem eueniat, omne id de putā:  
re esse in lucro.*

*Ergo hoc Terentius à philosophia sumptum cum tam commodè dixerit nos, è quorum fontibus id haustum est, non & dicemus hoc melius, & constantius sentiemus? hic est enim ille vultus semper idem, quem, dicitur Xantippe prædicare solita in viro suo fuisse Socrate: eodem vultu semper se vidisse exeuntem illum domo, & reuertentem. Nec verò ea frons erat, quæ Marci Crassi illius veteris, quem semel ait in omni vita risisse Lucilius, sed tranquilla & serena. sic enim accepimus. iure autem erat semper idem vultus, cum mentis, à qua is fingitur, nulla fieret mutatio. Quare accipio quidem à Cyrenæicis hæc arma contra casus & euentus, quibus eorum aduenienteis impetus diuturna præmeditatione frangantur: simulquæ iudico, malum illud opinionis esse, non naturæ. si enim in re essent. cur fierent prouisa leuiora? Sed est, iisdem de rebus quod dici possit subtilius, si prius Epicuri sententiam viderimus, qui censent necesse esse omnem in ægritudine esse, qui se in malis esse arbitrentur. siue illa ante prouisa & expectata sint, siue inueterauerint. nam neque venustate minus mala, neque fieri præmeditata leuiora, stultamquæ etiā esse meditationem futuri mali, aut fortasse ne futuri quidem: satis esse odiosum malum omne, cum venisset: qui autem semper cogitauisset, accidere posse aliquid aduersi, ei fieri illud sempiternum malum: si verò ne futurum quidem sit, si iusta suscipi miseriam vo-*  
lun-

luntariam. ita semper angitur aut accipiendo, aut cogitando malo. Leuationem autem aegritudinis in duabus rebus ponit, auocatione à cogitanda molestia, & reuocatione ad contemplandas voluptates: parere enim censet animum rationi posse, & quo illa ducat, sequi. Verat igitur ratio intueri molestias: abstrahit ab acerbis cogitationibus heberem aciem ad miseras contemplandas: à quibus cum cecinit receptui, impellit rursum, & incitat ad conspiciendas, totaq; mente cōrectandas varias voluptates: quibus ille & praeitarum memoria. & spe consequentium sapientis vitam refert amputat. Hac nostro more nos diximus. Epicurei dicunt suo. sed quae dicant, videamus: quo modo, negligamus. Principio malè reprehendit praemeditationē rerum futurarum. nihil enim quod tam obtundat, eleuet quē aegritudinem, quam perpetua in omni vita cogitatio, nihil esse quod accidere non possit, quam meditatio condicionis humanae, quā vitalex, commentatioq; parendi: quae hoc non affert ut semper mereamus, sed ut nunquam. neque enim qui rerum naturam, qui vitae varietatem, qui imbecillitatem generis humani cogitat meret cum hac cogitat, sed tum vel maximè sapientia fungitur munere. utrunque enim consequitur, ut & considerandis rebus humanis proprio philosophia fruatur officio, & aduersis casibus triplici consolatione sanetur: primum, quod posse accidere diu cogitauerit: quae cogitatio vna maximè molestias omneis extenuat & diluit: deinde, quod humana serēda intelligit: postremo, quod videt



### QVAESTION. LIB. III.

videt nullum malū esse, nisi culpā. Culpā autem nullam esse. cum id, quod ab homine nō potuerit praestari euenierit. nam reuocatio illa, quam affert, cum a contuendis nos malis auocat, nulla est. non est enim in nostra potestate, fodicantibus his rebus, quas malas esse opinemur, dissimulatio, vel obliuio, lacerant, vexant stimulos admovent, igneis adhibent, respirare non sinunt: & tu obliuisci iubes, quod contra naturā est? quod à natura datum est, auxilium extorques inueterati doloris? est enim tarda illa quidem medicina, sed tamē magna, quā affert longinquitas & dies. Iubes me bona cogitare, obliuisci malorū. diceres aliquid, et magno quidem philosopho dignū, si ea bona sentiret esse, quae essent homine dignissima, Pythagoras mihi sic diceret, aut Socrates, aut Plato. Quid iaces? aut quid mares? aut cur succumbis, cedisq; fortuna, quae peruellere te forsitan potuerit & pungere, non potuerit certē vires frangere? magna vis est in virtutibus. eas excita, si forte dormiūt. iam tibi aderit princeps fortitudo, quae te animo tanto esse coget, ut omnia, quae possint homini euenire, contemnas, & pro nihilo putes aderit temperantia, quae est eadem moderatio, à me quidem paullo ante appellata frugalitas, quae te turpiter & nequiter facere nihil patiatur. quid est autem nequius, aut turpius effœminato viro? Ne iniustitia quidem te sinet ista facere; cui niminū esse videtur in hac causa loci. quae tamē ita dicet, dupliciter esse te iniustū: cum & alienū appetas, qui mortalis natus, conditionem postules immortalis: & grauiter feras, te q̃  
vten.

utendū acceperis, reddidisse. Prudētia verò quid respondēbis, dicēti virtute se esse contentā, quomodo ad bene viuendū, sic & ad beatē? quā si extrinsecus relin-  
gata pendeat, & non oriatur ex se, & rursus ad se re-  
uertatur & omnia sua complexa nihil quærat aliun-  
de: non intelligo, cur aut verbis tā vehementer ornan-  
da, aut re tantoperè expectanda videatur. Ad hæc bona  
si me reuocas Epicure, pareo, sequor, vtor te ipso duce  
obliuiscor etiam malorum vt nubes: eoquē facilius, quā  
ea ne in malis quidem ponenda censeo. sed traducus co-  
gitationes meas ad voluptates: quas? corporis credo,  
aut quā propter corp⁹ vel recordatione, vel spe cogitē-  
tur. Nūquid est aliud, rectēne interpretor sententiā  
tuam? solent enim isti negare nos intelligere, quid  
dicat Epicurus. Hoc dicit, & hoc ille ἀπρόχολος me  
audiēte Athenis senex Zeno istorum acutissimus con-  
tendere, & magna voce dicere solebat, eum esse bea-  
tum, qui præsenti bus voluptatibus frueretur, confide-  
ret quod se si uiturū aut in omni, aut in magna parte vi-  
tæ, dolore non interueniente: aut si interueniret, si sum-  
mus foret, futurum breuē si productior, plus habiturū  
iucundi, quā mali. hæc cogitanti fore beatū, præfer-  
tim si & ante perceptis bonis contentus esset nec deos  
extimesceret. Habes formam Epicuri vitæ beatæ,  
verbis Zenonis expressam, nihil ut possit negari.  
Quod ergo? huius ne vitæ propositio & cogitatio aut  
Thyestem leuare poterit, aut Acetam, de quo paullo  
ante dixi, aut Telamonem pulsum patria exulantem  
atque egentem in quo hæc admiratio fiebat:

Hiccinē est Telamon ille, modo quem gloria  
ad calum extulit?

Quē exspectabāt? utrobos Graij ora obuertebāt sua.  
Quod si cui, ut ait idem: simul animus cum re concidit, a graubus illis antiquis philosophis petenda medicina est, non ab his voluptuarijs. quam enim isti bonorum copiam dicunt? fac sanē summum bonum esse nō dolere quāquam id non vocatur voluptas, sed non necesse est nunc omnia. id ne est, quo traducti luctum leuemus? sit sanē summum malum dolore. in eo igitur qui non est, si malo carcat, continuone fruitur summo bono? Quid tergiversamur, Epicure, nec fatemur eam nos dicere voluptatem, quam tu idem, cum os perfricuisti, soles dicere? sunt hæc tua verba, nec ne? In eo quidem libro, qui continet omnem disciplinam tuam (fungar enim iam interpretis munere, ne quia me putet fingere) dicis hæc. Nec equilem habeo quod intelligam bonum, detrahens eas voluptates, quæ sapore percipiuntur: detrahens eas quæ auditu & cantibus: detrahens eas etiam, quæ ex formis percipiuntur oculis suauis motiones, siue quæ aliæ voluptates in toto homine gignuntur quolibet è sensu. Nec vero ita dici potest, mentis latitiam solam esse in bonis. latantem enim mentem ita noui spe eorum omnium, quæ supra dixi fore, ut natura ipsa potiens dolore careat. At quæ hæc quidem his verbis. qui uis ut intelligat quam voluptatem norit Epicurus. Deinde paullo infra: Sape quasiui inquit, ex ijs, qui appellantur sapientibus: qui haberent quod in bonis relinquerent,

rent, si illa detraxissent, nisi vellent voces inanes fundere: nihil ab his potui cognoscere: qui si virtutes ebullire velint, & sapientias, nihil aliud dicent, nisi eā vim, quae efficiantur ea voluptates, quas supra dixi. Quae sequuntur in eandem sententiam sunt: totus quē liber, qui est de summo bono, refertus & sententijs & verbis talibus est. Ad hanc cene igitur vitam Telamoneum illum reuocabis, ut leues aegritudinem? & si quem tuorum afflictum maiore videris, huic acipenserem potius, quam aliquem Socraticū libellū dabis? Ἰδραυλεος hortabere ut audiat voces potius quā Platonis? expones, quae spectet florida & varia? fasciculum ad nares admouebis? incendes odores? & sertis redimiri iubebis, & rosa? si verò aliquid etiam, tū plane luctum omnem absterferis? Haec Epicuro confitēda sunt aut ea, quae modo expressa ad verbum dixi, tollenda de libro, vel totus liber, potius abijciendus: est enim confertus voluptatibus. Querendum igitur, quemadmodum aegritudine priuemus eum, qui ita dicat.

pol mihi natura magis nunc desit, quam genus.

Nanque regnum suppetebat mihi: ut scias quanto è loco,

Quantis opibus, quibus de rebus lapsa fortuna occidat.

Quid? huic calix mulsi impingendus est, ut plorare desinat, aut aliquid huiusmodi? Ecce tibi ex altera parte ab eodem poeta.

Ex opibus summis, opis egens Hector tua.

Huic

QVAESTION. LIB. III.

Hic subuenire debemus: quarit enim auxilium.

Quid petam praesidi, aut exequar? quoue nunc  
auxilio, aut fuga

Freta sum? arce & vrbe orba sum: quo accedam?  
quo applicem?

Cui nec arae patria domi stant fracta & desiecta  
iacent.

Fana flamma deflagrata; rosti alti stant pa-  
rietes

Deformati, atq; abiete crispâ.

Scis quae sequantur, & illud imprimis:

O pater, ô patria, ô Priami domus,

Septum altisonos cardine templum:

Vidi ego te, astante ope barbarica,

Tectis calatis, laqueatis,

Auro, ebore instructam regificè:

O poëtam egregium, quanquã ab his Cantoribus En-  
phorionis cõtemnitur sentit omnia repentina, & ino-  
pinata esse grauiora. Exaggeratis igitur regis opi-  
bus, quae videbantur sempiternae fore, quid adiungit?

Hac omnia vidi inflammari,

Priamo vi vitam euitari,

Iouis aram sanguine turpâri.

Praclarum carmen. est enim & rebus & verbis &  
modis lugubre. Eripiamus hinc aegritudinem: quo mo-  
do? collocemus in culcitra plumea, psalteriam addu-  
cimus, cedrum incendamus, demus scutellam dolci-  
culae porionis, aliquid pvideamus & tibi. Haec tandẽ  
bona sunt, quibus aegritudines grauißima detrahan-

H

tur?

tur? tu enim paullo antè ne intelligere quidem te alia bona dicebas. Reuocari igitur oportere à marore ad cogitationem bonorum, conueniret mihi cum Epicuro si quid esset bonum, conueniret. Dicit aliquis: Quid? ergo tu Epicurum existimas ista voluisse, aut libidinosas eius fuisse sententias? ego verò minimè. video enim ab eo dici multa seuerè, multa præclarè. itaque vt sæpè dixi, de acumine eius agitur, non de moribus. Quamuis spernat voluptates eas, quas modo laudauit: ego tamen meminero, quod videatur ei summum bonum. non enim verbo solum posuit voluptatem, sed explanauit quod diceret. Saporem inquit, & corporum complexum, & ludos, atque cantus, & formas eas, quibus oculi iucundè moueantur. Num fingo? num mentior? cupio refelli. quid enim laboro, nisi vt veritas in omni quæstione explicetur? At idem ait non crescere voluptatem dolore detracto, summamq; voluptatem nihil dolere, paucis verbis tria magna peccata: vnum, quod secum ipse pugnat. modo enim, ne suspicari quidem se quicquam bonum, nisi sensus quasi titillarentur voluptate. nunc autem, summam voluptatem esse dolore carere. potestne magis ipse secum pugnare? Alterum est peccatum, quod, cum in natura tria sint, vnum gaudere, alterum dolere, tertium nec gaudere, nec dolere, hic putat primum & tertium idem esse, nec distinguit à non dolendo voluptatem. Tertium peccatum cōmune cum quibusdam, quod, cum virtus maximè expetatur, eiusq; adipiscendi causa philosophia quaesita sit,

QVAESTION. LIB. III.

ille à virtute summū bonum separauit. At laudat, & sapē virtutē. Et quidē C. Gracchus, cū largitiones maximas fecisset, & effudisset ararium; verbis tamē defendebat arariū. Quid verba audiā, cum facta videā? Piso ille Frugi semper contra lege frumentariā dixerat is lege lata consularis ad frumentū accipendum venerat. Animaduertit Gracchus in concione Pisonem stantem. quarit audiente populo Ro. qui si bi constet, cum ea lege frumentum petat quam dissuaserat. Nolim inquit, mea bona, Gracche tibi viri- tim diuidere liceat: sed si facias, partē petam. Parū ne declarauit vir grauis & sapiens, lege Sempronia patrimonium publicum posse dissipari? Lege orationes Gracchi: patronum ararij esse dices. Negat Epicurus iucundē posse viui, nisi cum virtute viuatur: negat vllam in sapientem vim esse fortunae: tenuem victum antefert copioso: negat vllum esse tempus, quo sapiens non beatus sit. omnia philosopho digna sed cum voluptate pugnantiā. Non istam dicit voluptatem. Dicat quamlibet: nempe eam dicit, in qua virtutis nulla pars insit. Age si voluptatem non intelligimus, nec dolorē quidem? Nego igitur eius esse, qui dolore summum malum metiatur, mentionem facere virtutis. Et conqueruntur quidem Epicurei viri optimi (nam nullum genus est minus malitiosum) me studiosē dicere contra Epicurum. Ita credo, de honore, aut de dignitate contendimus. mihi summum in animo bonum positum videtur, illi autem in corpore: mihi in virtute, illi in voluptate. & illi pugnant,



& quidem vicinorum fidem implorant, multi autem  
 sunt, qui statim conuolent. ego sum is; qui dicam me  
 non laborare: raturum habiturum quod egerint. Quid  
 enim? de bello Punico agitur? de quo ipso cum aliud  
 M. Catoni, aliud L. Lentulo videretur, nulla inter e-  
 os concertatio unquam fuit: Hi nimis iracundè a-  
 gunt praesertim cum ab his non sanè animosè defen-  
 datur sententia, pro qua non in senatu, non in concio-  
 ne, non apud exercitum, neque apud censores dicere  
 audeant. Sed cum istis aliàs, & eo quidem animo, nul-  
 lum ut certamen instituiam, verum dicentibus facile  
 cedam, tantum admonebo, si maximè verum sit, ad  
 corpus omnia referre sapientem: siue, ut honestius di-  
 cam, nihil facere, nisi quod expediat: siue omnia re-  
 ferre ad utilitatem suam: quoniam hæc plausibilia  
 non sunt, ut in sinu gaudeant, gloriosè loqui desinant.  
 Cyrenaicorum restat sententia: qui tum agritudi-  
 nem censesse existere, si nec opinato quid euenerit: Est  
 id quidem magnum, ut supra dixi: etiam Chrysippo  
 ita videri scio, quod prouisum ante non sit; id ferire  
 vehementius, sed non sunt in hoc omnia: quanquam  
 hostium repens aduentus magis aliquanto conturbat  
 quam exspectatus: & maris subita tempestas, quam  
 ante prouisa, terret nauigantes vehementius & elus-  
 modi sunt pleraque. Sed cum diligenter nec opinato-  
 rum naturam consideres, nihil aliud reperies, nisi om-  
 nia subita videri maiora: & quidem ob duas causas:  
 primum, quod quanta sint quæ accidunt, consideran-  
 di spatium non datur, deinde, quod videtur praecaue-  
 ti po-

QVAESTION. LIB. III.

ri potuisse, si prouisum esset, quasi culpa contractum malum aegritudinem acriorem facit, quod ita esse di-  
es declarat: quæ procedens ita mitigat, ut iisdem ma-  
lis manentibus non modo leniatur aegritudo, sed in ple-  
risque tollatur. Carthaginenses multi Romæ serue-  
runt, Macedones, rege Perse capto. Vidi etiam in  
Peloponneso, cum essem adolescens, quosdam Corin-  
thios. Hi poterant omnes eadē illa de Andromacha  
deplorare.

Hæc omnia vidi. Sed & iam decantauerant for-  
tasse. eo enim erant vultu, oratione, omni reliquo mo-  
tu, & statu, ut eos Argiuos, aut Sicyonios diceret  
magisque me mouerant. Corinthi subito aspectu Pa-  
rietina, quam ipsos Corinthios: quorum animis diu-  
turna cogitatio callum vetustatis obduxerat. Legi-  
mus librum Clitomachi, quem ille euerfa Carthagi-  
ne misit consolandi causa ad captiuos ciuicis suos, in eo  
est disputatio scripta Carneadis quam se ait in com-  
mentarium retulisse. cum ita positum esset, videri fo-  
re in aegritudine sapientem patria capta: quæ Carne-  
ades contra dixerit scripta sunt. Tanta igitur cala-  
mitatis presentis adhibetur à philosopho medicina,  
quanta mueterata ne desideratur quidem, nec si ali-  
quot annis post idem ille liber captiuis missus esset,  
vulneribus mederetur, sed cicatricibus. sensim enim  
& pedetentim progrediens extenuatur dolor: non  
quo ipsa res immutari soleat, aut possit: sed id quod  
ratio debuerat, usus docet, minora esse ea, quæ sint  
visa maiora. Quid ergo opus est, dicet aliquis, ratio-

ne, aut omnino consolatione vlla, qua solemus vti, cum leuare dolorem marentium volumus? Hac enim fere tū habemus in promptu, nihil oportere inopinatum videri, atqui tolerātius feret incommodum, qui cognouerit necesse esse homini tale aliquid accidere. Hac enim oratio de ipsa summa mali nihil detrahit: tantummodo affert nihil euenisse, quod non opinandum fuisset. neq; tamen genus id orationis in consolando non valet: sed id haud sciam, an plurimum. Ergo ista nec opinata non habent tantam vim, vt agritudo ex ijs omnis oriatur. feriunt enim fortasse grauius: non id efficiunt, vt ea, qua accidunt, maiora sint videntur, quia recentia sunt, nō quia repentina. Duplex est igitur ratio veri reperiendi, non in ijs solū qua mala, sed in ijs etiam, qua bona videntur. nam aut de ipsius rei natura, qualis, & quanta sit, quaerimus, vt de paupertate nonnunquam: cuius onus disputando leuamus, docemes, quam parua, & quam pauca sint, qua natura desideret: aut à disputandi subtilitate orationem ad exempla traducimus. hic Socrates commemoratur, hic Diogenes, hic Caelilianum illud,

Sape est etiam sub palliolo sordido sapientia. Cum enim paupertatis vna eademque sit vis, quid nam dici potest quamobrē C. Fabricio tolerabilis ea fuerit & lū negēt se ferre posse? Huic igitur alteri generi similis est ea ratio consolandi, qua docet humana esse, qua acciderint. non enim solum id continet ea disputatio, vt cognitionem afferat generis humani: sed significat  
 tole-

QVAESTION. LIB. III.

tolerabilia esse, quæ & tulerint & ferant ceteri. De paupertate agitur: multi patientes pauperes comme morantur. de contemnendo honore: multi inhonorati proferuntur. & quidem propter id ipsum beatiores: eorumquæ, qui priuatum otium negotijs publicis ante tulerunt, nominatim vita laudatur. nec siletur illud potissimi regis Anapastum, qui laudat senem, & fortunatum esse dicit, quod inglorius sit atq; ignobilis ad supremum diem peruenturus. Similiter commemorandis exēplis orbitates quoq; liberorum predicantur: eorumquæ, qui grauius ferunt luctus aliorum exemplis leniuntur: sic perpeſſio ceterorum facit, ut ea quæ acciderint, multo minora, quam quāta sint existimata, videātur ita sit sensim cogitantibus, ut quātum sit ementita opinio, appareat, atque hoc idem et Telamon ille declarat:

Ego cum genui, moriturum sciui: & Theseus:

Futuras mecum commentabar miseras.

Et Anaxagoras, Sciebam me genuisse mortalem: hi enim omnes diu cogitantes de rebus humanis intelligebant, eas nequaquam pro opinione vulgi esse extimescendas. Et mihi quidem videtur idem ferè accidere ijs, qui ante meditantur, quod ijs, quibus medetur dies: nisi quod oratio quædam sana illos, hos ipsa natura, intellecto eo, quod remedium illud continet: Malum quod opinatum sit esse maximum, nequaquā esse tantum, ut vitam beatam possit euertere. hoc igitur efficitur, ut ex illo nec opinato plaga maior sit, non, ut illi putant, ut cum duobus pares casus euene-

runt, is modò aegritudine afficiatur, cui ille nec opinatus casus euenerit. Itaque dicuntur nonnulli in morore, cùm de hac communi omnium conditione audiissent, ea lege nos esse natos, vt nemo in perpetuum esse posset expertus mali. grauius etiam tulisse. Quocirca Carneades, vt video nostrum scribere Antiochum, reprehendere Chrysippum solebat laudantem Euripideum carmen illud:

Mortalis nemo est, quem non attingat dolor,  
 Morbusq; : multi sunt humandi liberi,  
 Rursum creandi: morsq; est finis omnibus,  
 Quæ generi humano angorem ne quicquam  
 afferunt.

Reddenda est terra terra tum vita omnibus  
 Metenda, vt fruges. sic iubet necessitas.

Negabat genus hoc orationis quicquam omnino ad leuandum aegritudinem pertinere. id enim ipsum dolendum esse dicebat, quòd in tam crudelem necessitatem incidissemus. nam illam quidem orationem ex cõmemoratione alienorum malorum ad maleuolos consolandos esse accommodatam. Mibi verò longè videtur secus: nam & necessitas ferenda conditionis humanæ, quasi cum Deo pugnare prohibet, admonet quæ esse hominem, quæ cogitatio magnopere luctũ leuat: & enumeratio exemplorum, non, vt animũ maleuolorum oblectet, affertur, sed vt ille, qui mæret, ferendum sibi id censeat, quod videat multos moderatè & tranquillè tulisse. omnibus enim modis fulciendi sunt qui ruunt, nec coherere possunt propter magnitudinẽ aegritu-

QVÆSTION. LIB. III.

agritudinis. ex quo ipsam agritudinem λόπλω Chrysippus quasi λύσις, id est, solutionem totius hominis appellat amputat. quæ tota poterat euelli explicata, ut principio dixi, causa agritudinis, est enim nulla alia nisi opinio, & iudicium magni presentis atque urgentis mali. itaque & dolor corporis, cuius est morsus acerrimus, perfertur spe proposita boni: & acta atas honestè ac splendide tantam affert consolationem, ut eos qui ita vixerint, aut non tangat agritudo, aut perleuiter pungat animi dolor. sed ad hanc opinionem magni mali cum illa etiam opinio accessit, oportere, rectum esse, ad officium pertinere ferre illud agrè, quod acciderit: tum denique efficitur illa grauis agritudinis perturbatio. ex hac opinione sunt illa varia, & detestabilia genera lugendi, padores, muliebres lacerationes genarum, pectoris, fœminum, capitis percussiones. hinc ille Agamemnon Homericus, & idem Accius:

Scindens dolore identidem intonsam comam.

In quo facetum illud Bionis, perinde stultissimum regem in luctu capillum sibi euellere, quasi caluitio mœrore leuaretur. sed hæc omnia faciunt, opinantes ita fieri oportere. itaq; & Aeschines in Demosthenem inuehitur, quod is septimo die post filia mortem hostias immolasset, at quam rhetoricè? quam copiosè? quas sententias colligit? quæ verba contorquet? ut licere quiduis rhetori intelligas, quæ nemo probaret, nisi insitum illud in animis haberemus, omneis bonos interitus suorum quàm grauius inuicere oportere. Ex hoc

euenit, vt animi doloribus alij solitudines captent, vt ait Homerus de Bellerophonte,

*Qui miser in campis mœrens errabat Alëis,*

*Ipse suum cor edens, hominum vestigia vitans.*

*Et Niobe fingitur lapidea, propter æternum, credo, in luctu silentium. Hecubam autem putant propter animi acerbitalatem quandam, & rabiem fingi in canem esse conuersam. sunt autem alij, quos in luctu cū ipsa solitudine loqui sapè delectat, vt ille apud Enniam nutrix:*

*Cupido cepit miseram nunc me proloqui*

*Calo atque terra Medei miseras.*

*Hæc omnia, recta, vera, debita putantes, faciāt in dolore: maximeq; declaratur hoc quasi officij iudicio fieri, quod si qui fortè, cum luctu esse vellent, aliquid fecerunt humanius, aut si hilarius locuti sunt, reuocant se rursus ad mœstitiam, peccatiq; se infimulant, quod dolere intermiserint. pueros verò matres et magistræ castigare etiā solent, nec verbis solum, sed etiam verberibus: si quid in domestico luctu hilarius ab ijs factum est, aut dictum, plorare cogunt. Quid? ipsa remissio luctus cū est consecuta, intellectumq; est nihil profici mœrendo, nōne declarat fuisse totum illud voluntarium? quid ille Terentianus ipse se puniens, id est, ἐξ αὐτοῦ τιμωρῶμεν,*

*Decreui tantisper me minus iniuriæ,*

*Chremes, me ognato facere, dum fiam miser.*

*Hic decernit vt miser sit. Num quis igitur quicquam decernit inuitus?*



Q V A E S T I O N. L I B. I I I.

*Malo quidem me quouis dignum deputem.*

*Malo se dignum deputat, nisi miser sit. Vides ergo opinionis esse, non naturæ malum? Quid, quod res ipsa lugere prohibet? ut apud Homerum, quotidiana ne-ces interitusq; multorum sedationem mœrendi affe-  
runt: apud quem ita dicitur:*

*Nanq; nimis multos atq; omni luce cadente eis*

*Cernimus, ut nemo possit mœrore vacare.*

*Quo magis est æquum tumulis mandare peremptos*

*Firmo animo, & luctum lacrymis finire diurnis.*

*Ergo in potestate est abjicere dolorem, cum velis, tē-  
pori seruientem. An est vllum tempus, quoniam qui-  
dem res in nostra potestate est, cui non ponenda agri-  
tudinis causa seruiamus? Constabat eos, qui conciden-  
tem vulneribus Cn. Pompeum vidissent, cum in illo ip-  
so acerbissimo miserrimoq; spectaculo sibi timerent, qd  
se classe hostium circumfusus viderent, nihil tum ali-  
ud egisse, nisi ut remigēs hortarentur, & ut salutem  
adipiscerētur fuga: posteaquam Tyrum venissent, tū  
afflictari lamentariq; cœpisse. Timor igitur ab his a-  
gritudinem potuit repellere, ratio ac sapientia vera  
nō poterit? Quid est autem, quod plus valeat ad ponē-  
dum dolorem, quā cum est intellectum nihil profici, et  
frustra esse susceptum? Si igitur deponi potest, etiam  
non suscipi potest? Voluntate igitur & iudicio suscipi  
agritudinem consitendū est. idq; indicatur eorum pa-  
tientia, qui cum multa sint saepe perpeſsi, facilius fe-  
runt quicquid accidit, obdurisseq; sese contra fortu-  
nam arbitrantur: ut ille apud Euripidem:*

*Si mi-*

euenit, vt animi doloribus alij solitudines captent, vt ait Homerus de Bellerophonte,

Quis miser in campis mœrens errabat Alêus,  
Ipse suum cor edens, hominum vestigia vitans.

Et Niobe fingitur lapidea, propter aeternum, credo, in luctu silentium. Hecubam autem putant propter animi acerbitatem quandam, & rabiem fingi in carnem esse conuersam. sunt autem alij, quos in luctu cū ipsa solitudine loqui sapè delectat, vt ille apud Enniam nutrix:

Cupido cepit miseram nunc me proloqui

Calo atque terra Medeai miseras.

Hac omnia, recta, vera, debita putantes, faciāt in dolore: maximeq; declaratur hoc quasi officij iudicio fieri, quod si qui fortè, cum luctu esse vellent, aliquid fecerunt humanius, aut si hilarius locuti sunt, reuocant se rursus ad mœstitiā, peccatiq; se insimulant, quod dolere intermiserint. pueros verò matres et magistri castigare etiā solent, nec verbis solum, sed etiam verberibus: si quid in domestico luctu hilarius ab ijs factum est, aut dictum, plorare cogunt. Quid? ipsa remissio luctus cū est consecuta, intellectumq; est nihil profici mœrendo, nōne declarat fuisse totum illud voluntarium? quid ille Terentianus ipse se puniens, id est, εαυτὸν τιμωρῶμεν,

Decreui tantisper me minus iniuria,

Chremes, meognato facere, dum fiam miser.

Hic decernit vt miser sit. Num quis igitur quisquam decernit inuitus?

Malo

QVÆSTION. LIB. III.

*Malo quidem me quouis dignum deputem.*

*Malo se dignum deputat, nisi miser sit. Vides ergo opinionis esse, non naturæ malum? Quid, quod res ipsa lugere prohibet? ut apud Homerum, quotidiana ne-ces interitusq; multorum sedationem morendi afferunt: apud quem ita dicitur:*

*Nanq; nimis multos atq; omni luce cadente eis  
Cernimus, ut nemo possit morore vacare.*

*Quo magis est æquum tumulis mandare peremptos  
Firmo animo, & luctum lacrymis finire diurnis.*

*Ergo in potestate est abjicere dolorem, cum velis, temporis seruientem. An est ullum tempus, quoniam quidem res in nostra potestate est, cui non ponenda ag-ritudinis causa seruiamus? Constabat eos, qui conciden-tem vulneribus Cn. Pompeium vidissent, cum in illo ipso acerbissimo miserrimoq; spectaculo sibi timerent, qd se classe hostium circumfusus viderent, nihil tum aliud egisse, nisi ut remigēs hortarentur, & ut salutem adipisceretur fuga: posteaquam Tyrum venissent, tū afflicti lamentariq; cœpisse. Timor igitur ab his a-gritudinem potuit repellere, ratio ac sapientia vera nō poterit? Quid est autem, quod plus valeat ad ponēdum dolorem, quā cum est intellectum nihil profici, et frustra esse susceptum? Si igitur deponi potest, etiam non suscipi potest? Voluntate igitur & iudicio suscipi agritudinem confitendū est. idq; indicatur eorum pa-tientia, qui cum multa sint sæpe perpeſsi, facilius fe-runt quicquid accidit, obdurisseq; sese contra fortu-nam arbitrantur: ut ille apud Euripidem:*

*Si mi-*

Si mihi nunc tristis primum illuxisset dies,  
 Nec tam arummoso nauigauissem salo,  
 Effet dolendi causa, vt iniecto equulei  
 Freno, repente tactu exagitantur nouo,  
 Sed iam subiectus miseris obtorpei.

Defatigatio igitur miseriarum agritudines cum faciat leuiiores, intelligi necesse est, opinionem non rem ipsam causam atq; fontē esse morborū. Philosophi summi nec dum tamen sapientiam consecuti, nonne intelgunt, in summo se malo esse? sunt enim insipientes: neque insipientia vllum maius malum est: neque tamen lugent: quid ita? quia huic generi malorum non affingitur illa opinio, rectum esse & æquum, & ad officiū pertinere agrē ferre quod sapiens non sis, quod idē affingimus huic agritudini, in qua luctus inest, quæ omnium maxima est. Itaq; Arist. veteres philosophos accusans, qui existimauissent philosophiam suis ingenijs esse perfectam, ait, eos aut stultissimos, aut gloriosissimos fuisse: sed se videre, quod paucis annis magna accessio facta esset, breui tempore philosophiam planē absolutam fore. Theophrastus autem moriens accusasse naturam dicitur, quod ceruis & cornicibus vitā diuturnam, quorum id nihil interesset hominibus, quorum maximē interfuisset, tam exiguam vitam dedisset: quorum si at as potuisset esse longinquior, futurum fuisse, vt omnibus perfectis artibus, omni doctrina hominum vita erudiretur. querebatur igitur se tum, cum illa videre cœpisset, exstingui. Quid? ex ceteris Philosophis nonne optimus & grauissimus quisq; confitetur.

multa

QVÆSTION. LIB. III.

in multa se ignorare? & multa sibi etiam atq; etiam esse discenda? neq; tamē, cum se in media stultitia, qua nihil est peius, harere intelligant, agritudine premuntur. nulla enim admiscetur opinio officiosi doloris. Quid? qui non putant lugendum viris: qualis fuit Q. Maximus efferens filium consularem: qualis Lucius Paullus duobus paucis diebus amissis filiis: qualis M. Cato, prætorē designatō mortuo filio: quales reliqui, quos in consolatione collegimus: quid hos aliud placavit, nisi quod luctum & mœrorem esse non putabant viri? Ergo id quod alij rectum opinantes, agritudini se solent dedere, ij turpe putantes agritudinem repulerunt ex quo intelligitur non in natura, sed in opinione esse agritudinem. Contra dicuntur hæc: Quis tam demens, ut sua voluntate mœreat? natura effert dolorem: cui quidem Crantor, inquiunt, vester cedendum putat. premit enim atq; instat, nec ei resisti potest. Itaq; Oilius ille apud Sophoclem, qui Telamonem antea de Aiæ morte consolatus esset, is cū audisset de suo, fractus est. de cuius commutata mente sic dicitur:

Nec verò tanta præditus sapientia

Quisquam est, qui aliorum ærumnam dictis alligans,

Non idem cū fortuna mutata impetum

Conuertat, clade subita frangatur sua,

Ut illa ad alios dicta & præcepta excidant.

Hæc cū disputant, hoc student efficere, natura obfistit nullo modo posse. ij tamen fatentur grauiores agritudines

tudines suscipi, quàm natura cogat. Quæ est igitur  
 amentia, ut nos quoque idem ab alijs requiramus? Sed  
 plures sunt causa suscipiendi doloris. primum illa opi-  
 nio mali, quo viso atque persuaso agritudo insequitur  
 necessario. deinde etiam gratum se mortuus facere: si  
 grauiter eos lugeant, arbitrantur. accedit supersti-  
 tio muliebris quadam: existimant enim dijs immorta-  
 libus se facilius satisfacturos. si eorum plaga perculsi,  
 afflictos se & stratos esse fateantur. Sed hac inter se  
 quàm repugnent, pleriq; nō vident. laudāt enim eos,  
 qui aequo animo moriantur: qui alterius mortem æ-  
 quo animo ferant, eos putant vituperandos, quasi fie-  
 ri villo modo possit, quod in amatorio sermone dici so-  
 let, ut quisquam plus alterum diligat, quàm se. Pra-  
 clarum illud est, & si queris, rectum quoque & ve-  
 rum, ut eos, qui nobis carissimi esse debeant, æquè ac  
 nosmetipsos amemus: ut verò plus, fieri nullo pacto po-  
 test: ne optandum quidem est in amicitia, ut me ille  
 plus, quàm se amet, ego illum plus quam me: pertur-  
 batio vita, si ita sit, atque officiorum omnium conse-  
 quatur. Sed de hoc alias, nunc illud satis est, non attri-  
 buere ad amissionem amicorum miseriam nostrā, ne  
 illos plus quàm ipsi velint, si sentiant, plus certè quàm  
 nosmetipsos diligamus, nam quod aiunt plerōsque con-  
 solationibus nihil leuari, adiungunt quæ consolatores  
 ipsos confiteri, se esse miseros, cum ad eos impetum  
 suum fortuna conuerterit: vtrunque dissoluitur.  
 sunt enim ista non naturæ vitia, sed culpa. stultitiam  
 autem accusare quamuis copiosè licet. nam & qui  
 non

# QVAESTION. LIB. III.

non leuantur, ipsi alios ad miseriam inuitant: & qui suos casus aliter, ferunt atque vt alijs auctores ipsi fuerunt, non sunt vitiosiores, quàm ferè plerique, qui auari auaros, gloria cupidos gloriosi reprehendunt. Est enim proprium stultitiæ, aliorum vitia cernere, obliuisci suorum. Sed nimirum hoc maximum est experimentum, cùm constet ægritudinē vetustate tolli, hanc vim non esse in die positam, sed in cogitatione diuturna. nam si eadem res est, & idem est homo, qui potest quicquam de dolore mutari, si neque de eo propter quod dolet, quicquam est mutatum, neque de eo, qui dolet? Cogitatio igitur diuturna, nihil esse in re mali, dolori medetur, non ipsa diuturnitas. Hic mihi afferunt mediocritates: quæ si naturales sunt, quid opus est consolatione? natura enim ipsa terminabit modum: si opinabiles, opinio tota tollatur. Satis dictum esse arbitror, ægritudinem esse opinionem malī presentis: in qua opinione illud insit, vt ægritudinem suscipere oporteat. Additur ad hanc definitionem à Zenone rectè, vt illa opinio presentis malī sit recens. hoc autem verbum sic interpretatur, vt non tantum illud recens esse velit, quod paullo ante acciderit: sed quamdiu in illo opinatio malo vis quadam insit & vigeat, & habeat quandam viriditatem, tam diu appelletur recens: vt Arthemisia illa Mausoli Caria regis vxor: quæ nobile illud Halicarnasi fecit sepulcrum, quamdiu vixit, vixit in luctu, eodemque etiam confecta contabuit. huic erat illa opinio quotidie recens: quæ tum denique non appellabatur recens, cū vetustate



vetustate exaruit. Hæc igitur officia sunt consolantium tollere ægritudinem funditus, aut sedare, aut detrahere quamplurimum, aut suppressere, nec pati manare longius, aut ad aliam traducere. Sunt qui vnum officium consolantis putent docere, malum illud omnino non esse, vt Cleanti placet. sunt qui non magnum malum, vt Peripatetici. sunt qui abducunt à malis ad bona, vt Epicurus. sunt qui satis putant ostendere, nihil inopinati accidisse, nihil noui. Chrysippus autem caput esse censet in consolando, detrahere illam opinionem morienti, si se officio fungi putet iusto atque debito. sunt etiam, qui hæc omnia genera consolandi tolligunt, alius enim alio modo mouetur, vt ferè hos omnia in consolationem vnã coniecimus. erat enim in timore animus, & omnis in eo tenebatur curatio. sed sumendum tempus est, non minus in animorum morbis, quàm in corporum: vt Prometheus ille Aeschylitæ cui cùm dictum esset,

Atqui Prometheus hoc tenere existimò,  
Orationem mederi iracundia:

Respondet,

Siquidem qui tempestiuam medicinam admodum  
uens,

Non aggratescens vulnus illidat manus.

Erit igitur in consolationibus prima medicina docere, aut nullum malum esse, aut admodum paruum: altera, & de communi conditione vitæ, & propriè, si quid sit, de ipsius, qui moriatur, disputandum: tertiã summam esse stultitiam frustra confici morore, cùm  
intelligas

QVAESTION. LIB. III.

intelligas nihil posse profici, nam Cleanthes quidem sapientem consolatur, qui consolatione non eget, nihil enim esse malum, quod turpe non sit, si lugenti persuaferis, non tu illi luctum, sed stultitiam detraxeris. Alienum autem tempus docendi: & tamen non satis mihi videtur vidisse hoc Cleanthes, suscipi aliquando aegritudinem posse ex eo ipso, quod esse summum malum Cleanthes ipse fatetur. Quid enim dicemus? cum Socrates Alcibiadi persuasisset, ut accepimus, eum nihil hominis esse, nec quicquam inter Alcibiadem summo loco natum, & quemuis baiulum interesse: cum se Alcibiades affligeret, lacrymansque Socrati supplex esset, ut sibi virtutem traderet, turpitudinemque depelleret: quid dicemus Cleanthe? num in illa re, quae aegritudine Alcibiadem affligebat, mali nihil fuisse? quid illa Liconis, qualia sunt? qui aegritudinem extenuans, parvis ait eam rebus moueri, fortuna & corporis incommodis, non animi malis, quid ergo? illud quod Alcibiades dolebat, non ex animi malis virisque constabat? Ad Epicuri consolationem satis est ante dictum. Ne illa quidem consolatio firmissima est, quanquam & visitata est & saepe prodest: non tibi hoc soli. Prodest haec quidem, ut dixi: sed nec semper, nec omnibus. sunt enim qui respuant: sed refert quomodo adhibeatur, ut enim tulerit quisque eorum, qui sapienter tulerunt: non quo quisque incommodo affectus sit, praedicandum est. Chrysippi ratio ad veritatem firmissima est, ad tempus aegritudinis difficilis. Magnum opus est probare moreri, illum suo iudicio, & quod se ita putet oportere fa-

terefacere, morere, nimirum igitur, ut in causis non  
semper utimur eodē statu ( sic enim appellamus con-  
trouersiarum genera ) sed ad tempus, ad controuer-  
sie naturam, ad personam accommodamus: sic in a-  
gritudine lenienda, nam quā quisq; curationem reci-  
pere possit, videndum est, sed nescio quo pacto ab eo,  
quod erat à te propositum, aberrauit oratio. tu enim  
de sapiente quaesieras: cui aut malū videri nullum po-  
tēst, quod vacet turpitudine: aut ita paruum malū,  
ut id obruatur sapientia, vixq; appareat: qui nihil o-  
pinione affingat, assumatq; ad agritudinē: nec id pu-  
tet esse rectum se quam maximè excruciaci, luctuq;  
confici, quo prauius nihil esse possit. edocuit tamen ra-  
tio, ut mihi quidem videtur, cum hoc ipsum propriè  
non quaeretur hoc tempore, ne vllum quidem esse ma-  
lum, nisi quod idē dici turpe posset. tamen ut videre-  
mus, quicquid esset in agritudine mali, id non natura-  
le esse, sed voluntario iudicio & opinionis errore con-  
tractum. Tractatum est autem à nobis id genus agri-  
tudinis, quod vnum est omnium maximum, ut eo sub-  
lato, reliquorum remedia ne magnopere querenda ar-  
bitraremur. sunt enim certa quae de paupertate, cer-  
ta quae de vita inhonorata & ingloria dici soleant:  
separatim autem certa scholae sunt de exilio, de in-  
teritu patriae, de seruitute, de debilitate, de cœcitate,  
& de omni casu, in quo nomen poni solet calamita-  
tis. haec Graeci in singulas scholas, & in singulos libros  
dispertunt. opus enim querunt, quanquam plena di-  
sputationes sunt delectationis. & tamen ut medici

### QVAESTION. LIB. III.

toto corpore curando minima etiam parti si condolu-  
it, medentur: sic philosophia, cum vniuersam agri-  
tudinem sustulit, tamen si quis error aliundè exstitit,  
si paupertas momordit, si ignominia pupugit, si quid  
tenebrarum offudit exilium, aut eorum, quæ modo  
dixi, si quid exstitit: singularum rerum sunt propria  
consolationes: de quibus audies tu quidem, cum vo-  
les: sed ad eundem fontem reuertendum est, agri-  
tudinem omnem procul abesse à sapiente, quod inanis  
sit, quod frustra suscipiatur, quod non natura exoria-  
tur, sed iudicio, sed opinione, sed quadam inuitatione  
ad dolendum, cum id decreuerimus ita fieri oportere:  
hoc detractò, quod totum est voluntarium, agritudo  
erit sublata illa mœrens: morsus tamen, & contra-  
ctiuncula quadam animi relinquentur. hanc dicant  
sanè naturalem, dum agritudinis nomen absit, gra-  
ue, tetrum funestum, quod cum sapientia esse, atque,  
vt ita dicam, habitare nullo modo possit. Atqui stir-  
pes sunt agritudinis quàm multæ? quàm amara? quæ  
ipso trunco euerso, omnes elidenda sunt, & si necesse  
erit, singulis disputationibus. superest enim nobis hoc  
cuicumodi est otium. Sed ratio vna omnium est a-  
gritudinum plura nomina: nam & inuidere agritu-  
dinis est, & emulari, obrectare, & misereri, ang-  
lugere, mœrere, arumna affici, lamentari, sollicita-  
ri, dolere, in molestia esse, afflictari, desperare. Hæc  
omnia definiunt Stoici: eaq; verba, quæ dixi, singula-  
rum rerum sunt, non, vt videntur, easdem res signi-  
ficant, sed aliquid differunt: quæ alio loco fortasse

M. T. C. TVSCVL.

tractabimus. Ha sunt illa fibra stirpium, quas initio dixi, persequenda, & omnes elidenda, ne vlla vnquã possit existere. Magnum opus & difficile: quis negat? quid autem praclarum, non idem arduum? sed tamen id se effecturam philosophia profitetur: nos modo curationem eius recipiamus. Verum hac quidem ha-

ctenus. cetera, quotiescunque voletis, & hoc loco, & alibi parata vobis erunt.

M. T. C. TVSCVL.  
LANARVM QVAESTIO.

NVM AD M. BRVTVM LI-

ber Quartus, de reliquis ani-  
mi perturbatio-  
nibus.



Vm multis locis nostrorum hominum ingenia, virtutesq̃, Brute, soleo mirari, tum maxime ijs studiis, quae serò admodum expetita, in hanc ciuitatem è Gracia transulerunt. nam cum à primo vrbs ortu. partim regis institutis, partim etiam legibus auspicia, caremonia, comitia, prouocationes, patrum consilium, equitum pedumq̃ descriptio, tota res militaris diuinitus esset constituta, tum progressio admirabilis, incredibilisq̃ cursus ad omnem excellentiam factus est, dominatu regio

QVAESTION. LIB. IIII.

regio Repub. liberata. Nec verò hic locus est, ut de moribus institutisq; maiorum & disciplina ac temperatione ciuitatis loquamur. alijs hæc locus satis accurate à nobis dicta sunt, maxime q; in ijs sex libris, quos de Repub. conscripsimus. hoc autem loco consideranti mihi studia doctrinae, multa sanè occurrunt, cur ea quoq; accersita aliunde neq; solùm expetita, sed etiam conseruata & culta videantur. erat enim illis penè in conspectu præstanti sapientia, & nobilitate Pythagoras, qui fuit in Italia temporibus ijsdem, quibus L. Brutus patriam liberauit, præclarus auctor nobilitatis tuæ. Pythagora autem doctrina cum longè lateq; flueret, permanuisse mihi videtur in hanc ciuitatem, idq; cū coniectura probabile est, tum quibusdam etiam vestigijs indicatur. Quis est enim, qui putet, cum floreret in Italia Græcia potētissimis & maximis vrbibus, ea, quæ magna dicta est, in hisq; primum ipsius Pythagoræ, deinde postea Pythagoreorum tantum nomen esset, nostrorum hominum ad eorum doctissimas voces aureis clausas fuisse? quin etiam arbitror, propter Pythagoreorum admirationem Numam quoque regem Pythagoreum à posterioribus existimatum, nam cum Pythagora disciplinam & instituta cognoscerent, regisque eius æquitatem & sapientiam à maioribus suis accepissent, atates autem & tempora ignorarent propter vetustatem: eum qui sapientia excelleret, Pythagora auditorem fuisse crediderunt. Et de coniectura quidem hætenus. Vestigia autem Pythagoreorum, quanquam multa colligi possunt; pau-

cis tamen utemur, quoniam non id agitur hoc tempore. nam cum carminibus soliti illi esse dicantur, & precepta quadam occultius tradere, & mentes suas à cogitationum intentione cantu fidibusque ad tranquillitatem traducere: grauiſſimus auctor in Originibus dixit Cato, morem apud maiores hunc epularum fuiſſe, ut deinceps, qui accubarent, canerent ad tibiam clarorum virorum laudes, atque virtutes. ex quo perſpicuum eſt, & cantus tum fuiſſe deſcriptos vocum ſonis, & carmina. quanquam id quidem etiã duodecim tabulæ declarant, condi iam tum ſolitum eſſe carmen: quod ne liceret fieri ad alterius iniuriam, leges ſanxerunt, nec verò illud non eruditiorũ temporum argumentum eſt, quòd deorũ puluinaribus & epulis magiſtratum fides præcinunt: quod propriũ eius fuit, de qua loquor diſciplinæ. Mihi quidem etiam Appij Cæci carmen, quod valdè Panætius laudat epiſtola quadam, quæ eſt ad Q. Tiberonem, Pythagoreorũ videtur. multa ſunt etiam in noſtris inſtituta ducta ab illis: quæ prætereo, ne ea, quæ peperiffe ipſi putamur, aliundè didiciſſe videamur. Sed ut ad propoſitum redeat oratio: quàm breui tempore quot & quanti poætæ, qui autem oratores extiterunt? facile ut appareat, noſtros omnia conſequi potuiſſe ſimul ut velle cœpiſſent. Sed de cæteris ſtudijs alio loco & dicemus, ſi uſus fuerit, et ſapè diximus. Sapientia ſtudiũ vetus id quidem in noſtris: ſed tamen ante Lalij ætatem & Scipionis non reperio, quos appellare poſſim nominatim. quibus adoleſcentibus Stoicum Diogenem & Academicum



QVAESTION. LIB. IIII.

demicum Carneadem video ad senatum ab Athenien-  
sibus missos esse legatos, qui cū Reipubl. nullam vn-  
quam partem attigissent, essetq; eorum alter Cyrena-  
us, alter Babylonius: nunquam profectō scholis essent  
excitati, neq; ad illud munus electi, nisi in quibusdam  
principibus temporibus illis fuissent studia doctrinae.  
qui cū cetera litteris mandarent, alij ius ciuile, alij  
orationes suae, alij monumenta maiōrū: hanc amplissi-  
mam omnium artium benè viuendi disciplinam vita  
magis, quā litteris persecuti sunt. itaq; illius verè e-  
legantisq; philosophiae, quae ducta à Socrate in Peripa-  
teticis adhuc permansit, & idem alio modo ducenti-  
bus Stoicis, cū Academici eorum controuersias disce-  
ptarent: nulla ferè sunt aut pauca admodum Latina  
monumenta, siue propter magnitudinem rerum, occu-  
pationemq; omnium: siue etia, quod imperitis ea pro-  
bari posse non arbitrabantur, cū interim illis silenti-  
bus C. Amasinius extitit dicens, cuius libris editis, com-  
motā multitudo contulit se ad eandem potissimum di-  
sciplinam. siue quod erat cognitu perfacile, siue quod  
inutibatur illecebris blādis voluptatis, siue etiā quia  
nihil prolatū erat melius: id quod erat, tenebant. Post  
Amasinium autem multi eiusdem amuliationis mul-  
ta cū scripsissent, Italiam totam occupauerunt:  
quodq; maximum argumentum est non dici illa subti-  
liter, quod & facile ediscantur, & ab indoctis proben-  
tur: id illi firmamentum esse disciplina putant. Sed de-  
fendat quidē quod quisq; sentit. sunt enim iudicia li-  
bera. nos institutū tenebimus: nullisq; vni<sup>o</sup> discipline  
legibus

legibus astricti, quibus in philosophia necessario pareamus, quid sit in quaque re maxime probabile, semper requiremus. quod cum sapere alias, tum nuper in Tusculano studiosè egimus. Itaque expositis tridui dissertationibus, quartus dies hoc libro concluditur. ut enim in inferiorem ambulationem descendimus, quod idem feceramus superioribus diebus, sic acta res est. Dicat, si quis vult, de qua re disputare velit. Non mihi videtur omni perturbatione posse sapiens vacare. Aegritudine quidem besterna disputatione videbatur, nisi forte temporis causa, assentirebare. Minime verò. nam mihi egregiè probata est oratio tua. Non igitur existimas cadere in sapientem aegritudinem? Proorsus non arbitror. Atqui si ista perturbare animum sapientis non potest, nulla poterit. Quid enim metus ne conturbet? at earum rerum est absentium metus, quarum presentium est aegritudo. sublata igitur aegritudine, sublatus est metus. Restant duæ perturbationes, latitia gestiens & libido: quæ si non cadant in sapientem, semper mens erit tranquilla sapientis. Sic proorsus intelligo.

Utrum igitur maius? statim ne nos vela facere, an quasi è portu egredientes paullulum remigare? Quid nam est istud? non enim intelligo. Quia Crisippus & Stoici, cum de animi perturbationibus disputant, magnam partem in his partiendis & definiendis occupati sunt: illa eorum perexigua oratio est, qua medeantur animis, nec eos turbulentos esse patiantur. Peripatetici autem ad placandos animos multa

multa afferunt: spinas partiendi & definiendi pratermittunt. Querebā igitur, utrum panderē vela orationis statim, an eā amē paullulū dialecticorū remis propellerem. Isto modo verò, erit enim hoc totum, quod quero, ex utroque perfectius. Est id quidem rectius, sed post requires, si quid fuerit obscurius. Faciam equidem, tutamen, ut soles, dices ista ipsa obscura planius, quam dicuntur à Græcis. Enitar equidem: sed intento opus est animo, ne omnia dilabantur, si vnum aliquod effugerit. quoniā quæ Græci πᾶσι vocāt nobis perturbationes appellari magis placet, quam morbos. in his explicandis veterem illam equidem Pythagoræ primum, deinde, Platonis descriptionem sequar: qui animum in duas parteis diuidunt: alteram rationis participem faciunt, alteram expertem, in parti ipe rationis ponunt tranquillitatem, id est, placidam quietamq; constantiā: in illa altera motus turbidos tum iræ, tum cupiditatis, contrarios inimicosq; rationi. Sit igitur hic fons, ut amur tamen in his perturbationibus describendis Stoicorum definitionibus, & partitionibus, qui mihi videntur in hac questione versari acutissimè. Est igitur Zenonis hæc definitio, ut perturbatio sit, quod πᾶσι ille dicit, auersa à recta ratione contra naturam animi commotio, quidam breuius, PERTURBATIONEM esse appetitū vehementiorē dicunt, sed vehementiorē cum volunt esse qui longius discesserit à naturæ constantia parteis autē perturbationum volūt ex duobus opinatis bonis nasci, & ex duobus opi-

natis malis, ita esse quattuor: ex bonis libidinem, &  
 letitiam, vt sit LAETITIA praesentium bonorum,  
 LIBIDO futurorum. ex malis METVM, & AE-  
 GRITVDINEM nasci censent: metum futuris, agri-  
 tudinem praesentibus quae enim venientia metuuntur  
 eadem efficiunt agritudinem instantia. LAETITIA  
 autem & LIBIDO in bonorum opinione versan-  
 tur, cum libido ad id, quod videtur bonum, electa &  
 inflammata rapiatur: letitia, vt adepta iam aliquid  
 concupitum, efferatur & gestiat natura enim omneis  
 ea, quae bona videntur, sequuntur, fugiunt quae contra-  
 ria, quamobrem simul obiecta species cuiuspiam est,  
 quod bonum videatur, ad id adipiscendum impellit  
 ipsa natura. id cum constanter prudenterque fit, eius-  
 modi appetitionem Stoici Βούλητικὴν appellant, nos  
 appellamus voluntatem eam illi putant in solo esse sa-  
 piente, quam sic definiunt: VOLUNTAS est, qua  
 quid cum ratione desiderat, quae autem auersa à rati-  
 one incitata est vehementius, ea libido est, vel cupidi-  
 tas effrenata, quae in omnibus stultis inuenitur. item-  
 quae, cum ita mouemur, vt in bono simus aliquo, du-  
 pliciter id contingit. nam cum ratione animus moue-  
 tur placide atque constanter, tum illud gaudium di-  
 citur: cum autem & inaniter & effuse animus ex-  
 ultat, tum illa letitia gestiens, vel nimia dici potest:  
 quam ita definiunt, sine ratione animi elationem. quo  
 modoque bona natura appetimus sic à malis natura de-  
 clinamus: quae declinatio, si cum ratione fiet, cautio  
 appelletur, eaque intelligatur in solo esse sapiente:

qua

QVÆSTION. LIB. IIII.

qua autem sine ratione, & cū exanimatione humili  
 atque fracta, nominetur metus. Est igitur metus ra-  
 tioni aduersa cautio. presentis autem mali sapientis  
 affectio nulla est: stulti autem agritudo est ea, qua af-  
 ficiuntur in malis opinatis, animosquē dimitunt, &  
 contrahunt rationi non obtemperantes. itaque hac  
 prima definitio est, vt agritudo sit animi aduersante  
 ratione contractio. Sic quattuor perturbationes sunt  
 tres constans: quoniam agritudini nulla constantia  
 opponitur, sed omnes perturbationes iudicio censent  
 fieri & opinione. itaque eas definiunt pressius, vt in-  
 telligatur non modo quam vitiosa, sed etiam quā in-  
 nostra sint potestate. Est igitur AEGRITUDO  
 opinio recens mali presentis, in quo dimitti, contra-  
 hiquē animo rectum esse videatur. LAETICIA,  
 opinio recens boni presentis, in quo efferri rectum esse  
 videatur. METVS, opinio impendentis mali, quod  
 intolerabile esse videatur. LIBIDO, opinio ventu-  
 ri boni, quod sit ex vsu iam presens esse atque ad-  
 esse. Sed quæ iudicia, quasquē opiniones perturba-  
 tionum esse dixi, non in eis perturbationes solum posi-  
 tas esse dicunt, verum illa etiam quæ efficiuntur per-  
 turbationibus, vt agritudo quasi morsum aliquem do-  
 loris efficiat, metus recessum quendam animi & fu-  
 gam, læticia profusam hilaritatem, libido effrena-  
 tam appetentiam. opinionem autem, quam in om-  
 nis definitiones superiores inclusimus, volunt esse im-  
 becillum assensionem. Sed singulis perturbationibus  
 partem eiusdem generis plures subiiciuntur, vt agri-  
 tudi-

tudini inuidientia (utendum est enim docendi causa verbo minus visitato, quoniam inuidia non in eo, qui inuidet, solū dicitur, sed etiam in eo cui inuidetur) æmulatio, obrectatio, misericordia, angor, luctus, maior, ærumna, dolor, lamentatio, sollicitudo, molestia, afflictatio, desperatio, & si qua sunt de genere eodem. METVI autem subiecta sunt pigritia, pudor, terror, timor, pauor, exanimatio, conturbatio, formido: VOLVPTATI malevolentia latans malo alieno, delectatio, iactatio, & similia: LIBIDINI ira, excandescencia, odium, inimicitia, discordia, indigentia, desiderium, & cetera eiusmodi. Hæc autem definiunt hoc modo, INVIDENTIAM esse dicunt ægritudinem susceptam propter alterius res secundas, quæ nihil noceant inuidenti. nã si quis doleat eius rebus secundis, à quo ipse ledatur, non rectè dicitur inuidere: ut si Hectori Agamemnō, qui autem, cui alterius commoda nihil noceant, tamen eum doleat his frui, is inuidet profecto. AEMVLATIO autem dupliciter illa quidem dicitur, ut & in laude & in vicio nomen hoc sit nã & imitatio virtutis æmulatio dicitur, sed ea nihil hoc loco utimur: est enim laudis: & est æmulatio ægritudo, si eo, quod concupierit, alius potiatur, ipse careat. OBTRACTATIO autem est ea, quam intelligi zelotypiam volo, ægritudo ex eo quod alter quoque patitur eo, quod ille ipse concupierit. MISERICORDIA est ægritudo ex miseria alterius iniuriam laborantis. nemo enim parricida aut proditoris supplicio miseri-

QVAESTION. LIB. IIII.

*cordia commouetur. ANGOR* est agritudo premēs.  
*LVCTVS*, agritudo ex eius, qui carus fuerit, inte-  
 ritu acerbo. *MOEROR* agritudo flebilis. *AERVM*  
*NA*, agritudo laboriosa. *DOLOR*, agritudo cru-  
 cians. *LAMENTATIO*, agritudo cum eiulatu,  
*SOLLICITUDO*, agritudo cū cogitatione. *MO-*  
*LESTIA*, agritudo permanens. *AFFLICTA-*  
*TIO*, agritudo cum vexatione corporis. *DESPER-*  
*RATIO*, agritudo sine vlla rerum expectatione me-  
 liorum. Quae autem subiecta sunt sub metum, ea sic  
 definiunt. *PIGRICIAM*, metum cōsequenteis la-  
 boris: *TERROREM*, metum concutientem, ex quo fit,  
 vt pudorem rubor, terrorem pallor & tremor, & den-  
 tium crepitus consequatur: *TIMOREM* metum ma-  
 li appropinquantis: *PAVOREM* metum mentem loco  
 mouentem, ex quo illud Ennii:

Tum pavor sapientiam mihi omnem ex animo ex-  
 pectorat:

*EXANIMATIONEM* metum subsequenter, &  
 quasi comitem pauoris: *CONTRIBUTIONEM*  
 metum excutientem cogitata: *FORMIDI-*  
*NEM* metum permanentem. Voluptatis autem  
 partes hoc modo describunt; vt *MALEVO-*  
*LENTIA*, sit voluptas ex malo alterius sine e-  
 molumento suo. *DELECTATIO*, voluptas  
 suauitate auditus animum deliniens: & qualis est,  
 hac aurium, tales sunt oculorum, & tactionum & o-  
 dorationum & saporum: quae sunt omnes vnus gene-  
 ris ad perfundendum animum tanquam illiquefacta  
 volup-



*voluptates. IACTATIO est voluptas gestiens, & se  
 efferens insolentius. Quæ autem libidini subiecta sunt  
 ea sic defruiunt, vt IRA sit libido puniendi eius, qui  
 videatur lasisse iniuria: LXCANDESCENTIA  
 autē sit ira nascens, & modo existens: quæ θύμωσις  
 gracē dicitur: ODIVM ira inueterata: INIMICI-  
 TIA, ira vliscendi tempus obseruans: DISCOR-  
 DIA, ira acerbior, immo odio & corde concepta:  
 INDIGENTIA libido inexplibilis: DESIDE-  
 RIVM, libido eius, qui nondum adfit, videndi. distin-  
 guunt etiam illud, vt desiderium sit earū rerum, quæ  
 dicuntur de quodā, aut quibusdā, quæ κατηγορί-  
 ματα dialectici appellant: vt habere diuitias, capere  
 honores: INDIGENTIA rerum ipsarum est, vt hono-  
 rum, vt pecunie. Omnium autem perturbationum  
 fontem esse dicunt intemperantiam, quæ est à tota  
 mente & à recta ratione defectio, sic auersa à præ-  
 scriptione rationis, vt nullo modo appetitiones animi  
 nec regi, nec contineri queant. Quemadmodum igitur  
 temperantia sedat appetitiones, & efficit, vt  
 hæc rectæ rationi pareant, conseruat quæ considerata  
 iudicia mentis: sic huic inimica intemperantia omnē  
 animi statum inflammat, conturbat, incitat. Itaque  
 & agritudines, & metus, & reliquæ perturbationes  
 omneis gignuntur ex ea quemadmodū enim cum san-  
 guis corruptus est, aut pituita redundat, aut bilis, in  
 corpore morbi agrotationes quæ nascuntur: sic praua-  
 rum opinionum cōturbatio, & ipsarum inter se repug-  
 nantia sanitate animum spoliāt, morbi quæ perturba-  
 bat.*

bat. ex perturbationibus autem primum morbi consti-  
ciuntur quæ vocant illi νοσήματα, eaque, quæ sunt  
eis morbis contraria, quæ habent ad res certas vitio-  
sam offensionem, atque fastidium: deinde agrotatio-  
nes, quæ appellantur à Stoicis ἀρρώστια: hisquæ  
item opposita contraria offensiones. Hoc loco nimum  
opera consumitur à Stouis, maxime à Chrisippo, dum  
morbus corporum comparatur morborum animi simi-  
litudo. quæ ratione minime necessaria prætermissa,  
ea, quæ re cõtinet, pertractemus. Intelligatur igitur  
perturbationem, iactantibus se opinionibus inconstan-  
ter & turbidi, in motu esse semper. cum autem hic  
feruor, concitatioquæ animi inueterauerit, & tan-  
quam in venis, medullisquæ insiderit, tum existit &  
morbus, & agrotatio, & offensiones eæ, quæ sunt eis  
morbus, agrotationibusquæ contraria. Hæc, quæ dico,  
cogitatione quidem inter se differunt, re verò copula-  
ta sunt. eaque oriuntur ex libidine, & latitia. nam  
cum est concupita pecunia, nec adhibita continuo ra-  
tio, quasi quadam Socratica medicina, quæ sanet e-  
am cupiditatem, permanat in venas, & inhaeret in  
visceribus illud malum, existitquæ morbus & agrota-  
tio: quæ auelli inueterata nō possunt eiꝯ morbo nomē  
est auaritia: similiterqꝯ ceteri morbi, vt gloria cupi-  
ditas vt mulierositas (vt ita appellē eam, quæ Græcè  
φιλογυνεία dicitur) ceteriqꝯ similiter morbi agrota-  
tionesqꝯ nascuntur. quæ autem his sunt contraria, eæ  
nasci putantur à metu: vt odium mulierum quale in  
μισογυνεία est: vt hominum vniuersi generis, quod

accepimus de Timone, qui *μισάνθρωπος* & appellatur: vt inhospitalitas est. qua omnes agrotationes animi ex quodam, metu nascuntur earum rerum, quas fugiunt & oderunt. Desiniunt autem animi agrotationem, opinationem vehementem de re non expetenda, tanquam valde expetenda sit, inhaerentem & penitus insitam. Quod autem nascitur ex offensione, ita desiniunt: opinionem vehementem de re non fugienda, inhaerentem & penitus insitam, tanquam fugienda. hac autem opinatio est, iudicare se scire, quod nesciat. Agrotationi autem talia quadam subiecta sunt: auaritia, ambitio, mulierofitas, peruiticia, liguritia, vinolentia, cupedia, & si qua sunt similia. EST AVTEM AVARITIA, opinatio vehemens de pecunia, quasi valde expetenda sit, inhaerens & penitus insita. similisque est eiusdem generis definitio reliquarum. Offensionem autem definitio nes sunt eiusmodi, vt INHOSPITALITAS sit opinio vehemens, valde fugiendum esse hospitem, eaquae inhaerens & penitus insita. similiter definitur & mulierum odium, vt Hyppolyti, & vt Timonis, generis humani. Atque, vt ad valetudinis similitudinem veniamus, collatione utamur aliquando sed parcius, quam solent Stoici: vt sunt alij ad alios morbos procliuiores: (itaque dicimus grauedinosos quosdam, quosdam torminosos, non quia iam sint, sed quia saepe sint.) sic alij ad metum, alij ad aliam perturbationem ex quo in alijs anxietas, vnde anxii: in alijs iracundia dicitur, quae ab ira differt; est quae aliud iracundum esse, aliud

QVAESTION. LIB. IIII.

aliud iratum, vt differt anxietas ab angore. neque enim omnes sunt anxij, qui anguntur aliquando : neque anxij, semper anguntur: vt inter ebrietatem & ebriositatem interest: aliud quæ est esse amatorem, aliud amantem. Atque hæc aliorum ad alios morbos procliuitas latè patet. nam pertinet ad omnes perturbationes. in multis etiam vitijis apparet, sed nomen res non habet. ergo inuidi & mal. uoli, liuidi & timidi & misericordes, quia procliues ad eas perturbationes, non quia semper feruntur. Hæc igitur procliuitas ad suum quodque genus à similitudine corporis ægrotatio dicitur, dum ea intelligatur ad ægroandum procliuitas. sed hæc in bonis rebus, quod alij ad alia bona sunt aptiores, facilitas nominetur: in malis procliuitas, vt significet lapsionem: in neutris habeat superius nomen. quomodo autem in corpore morbus, ægrotatio & vitium, sic in animo. MORBVM appellant totius corporis corruptionem: AEGROTATIONEM, morbum cum imbecillitate: VITIUM, cum partes corporis inter se disident: ex quo prauitas membrorum distortio, deformitas. Itaque illa duo, morbus & ægrotatio, ex totius valetudinis corporis cōquassatione & perturbatione gignuntur, vitium autem integra valetudine ipsum ex se cernitur. sed in animo tantummodo cogitatione possumus morbum ab ægrotatione seiungere. VICIOSITAS autem est habitus, aut affectio in tota vita inconstans, & à seipsa dissentiens. ita fit, vt in altera corruptione opinionum morbus efficiatur & ægrotatio: in altera inconstantia & re.

pugnantia: non enim omne vitium partis habet dis-  
 sentienteis: ut eorum, qui non longe à sapientia ab-  
 sunt, affectio est illa quidem discrepans à se ipsa, dum  
 est insipiens, sed non distorta nec prava: morbi autem  
 & agrotationes partes sunt vitiositatis: sed pertur-  
 bationes sint ne eiusdem partes quælio est. vitia e-  
 nim affectiones sunt manentes, perturbationes autē  
 mouētes ut non possint affectionum manentium par-  
 tes esse: atque ut in malis attingit animi naturam cor-  
 poris similitudo, sic & in bonis. sunt enim in corpore  
 præcipua, pulchritudo, vires, valetudo, firmitas, ve-  
 locitas: sunt item in animo: & ut corporis est tempe-  
 ratio, cum ea congruunt inter se, è quibus constamus:  
 sic animi sanitas dicitur, cum eius iudicia opinionēs-  
 quæ concordant, eaq; est animi virtus: quā alij ipsam  
 temperantiam dicunt esse, alij obtemperantem tem-  
 perantia præceptis, & eam subsequenter, nec habere  
 tem, vllam speciem suam, sed, siue hoc, siue illud sit, in-  
 solo esse sapiente. Est autem quadam animi sani-  
 tas, quæ in insipientem etiam cadat, cum curatione  
 medicorum perturbatio mentis aufertur. & ut corpo-  
 ris est quadam apta figura membrorum, cum coloris  
 quadam suauitate, eaq; dicitur pulchritudo: sic in a-  
 nimo opinionum iudiciorumq; æquabilitas & constā-  
 tia, cum firmitate quadam & stabilitate virtutem  
 subsequens, aut virtutis vim ipsam continēs, pulchri-  
 tudo vocatur. item quæ viribus corporis, & neruis, et  
 efficacitati similes, similibus quoq; verbis, animi vi-  
 res nominantur. Velocitas autem corporis, celeritas

appellatur: quæ eadem etiam ingenij laus habetur, propter animi multarum rerum breui tempore percursionem. illud animorum, corporumq; dissimile est, quod animi valentes morbo tentari non possunt, corpora possunt. sed corporum offensiones sine culpa accidere possunt, animorum non item, quorum omnes morbi & perturbationes ex aspernatione rationis eueniunt. itaq; in hominibus solum existunt. nam bestia similè quiddam faciunt, sed in perturbationes non incidunt. Inter acutos autem & hebetes hoc interest, quod ingeniosi, ut æs Corinthium in æruginem, sic illi in morbum & incidunt tardius, & recreantur ocyus: hebetes non item. Nec verò in omnem morbum ac perturbationem animus ingeniosi cadit. non enim multa efferata & immania: quædam autem humanitatis quoque habent primam speciem, ut misericordia, ægrotudo, metus. Aegrotationes autem & morbi animorum difficilius euelli posse putantur, quam summa illa vitia, quæ virtutibus sunt contraria. morbis enim manentibus, vitia sublata esse non possunt, quia hi non tam celeriter sanantur, quam illa tolluntur. Habes ea, quæ de perturbationibus enucleatè disputant Stoici: quæ logica appellant, quia differuntur subtilius. è quibus quoniam tanquam è scrupulosis cotibus enauigauit oratio, reliquæ disputationis cursum teneamus: modo satis illa dilucidè dixerimus pro rerum obscuritate. Prorsus satis: sed si quæ diligentius erunt cognoscenda, queremus aliàs nunc vela, quæ modo dicebas, expectamus & cursum.

sum. Quando & alijs locis de virtute diximus, & saepe dicendum erit (pleraque enim quaestiones, quae ad vitam moresq<sup>3</sup> pertinent, à virtutis fonte ducuntur) quando igitur VIRTUS EST AFFECTIO animi constans, conueniensq<sup>3</sup> laudabileis efficiens eos in quibus est, & ipsa per se sua sponte, separata etiam utilitate, laudabilis: ex ea proficiuntur honesta voluntates, sententiae, actiones, omnisq<sup>3</sup> recta ratio: quanquam ipsa virtus breuissimè recta ratio dici potest. Huius igitur virtutis contraria est vitiositas: sic enim malo, quam malitiā appellare eā, quam Graeci κακία appellunt. nam MALITIA certi cuiusdam vitiij nomen est, VICIOSITAS omnium: ex qua cōcitantur perturbationes: quae sunt, ut paulo ante diximus, turbidi animorum concitatioque motus auersi à ratione, & inimicissimi mētis vitaeque tranquilla. important enim agritudines anxias atq<sup>3</sup> acerbis, animosq<sup>3</sup> affligunt, & debilitāt metu eadē inflammant appetitione nimia: quam tum cupiditatem tum libidinem dicimus, impotentiam quandam animi à temperantia & moderatione plurimum dissidentem: quae si quando adepta est id, quod ei fuerit concupitum tum fertur ea alacritate, ut nihil ipsi constet, quod agat: ut ille, qui VOLUPTATEM ANIMI nimiam summum esse errorem arbitrat. eorum igitur malorum in vna virtute posita sanatio est. Quid autem est non miseriùs solum, sed foediùs etiam & deformius, quam agritudine quis afflētus debilitatusque iacens? cui miseriae proxim



Q V A E S T I O N. L I B. I I I I.

rimus est is qui appropinquans aliquod malū metuit  
exanimatusq; pēdet animi. quā vim significātes ma-  
li poēta impendere apud inferos saxū Tant allo faciūt  
ob scelera, animiq; impotentia & superbiloquentia.  
ea cōmunis pœna stulticia est. omnibus enim, quorum  
mens abhorret à ratione, semper aliquis alijs dolor,  
alijs terror impendet. atq; ut ha tabifica mentis per-  
turbationes sunt, agritudinē dico & metū: sic hilari-  
ores ille, cupiditas auidē semper aliquid expetens, &  
inanis alacritas, id est, letitia gestiēs, non multū disse-  
rūt ab amētia. ex quo intelligitur, qualis ille sit, quē  
tū moderatū, aliās modestum & temperantē, alās  
constantē cōtinentemq; dicimus, nonnunquam haec e-  
adem vocabula ad frugalitatis nomē, tanq̃ ad caput  
referrere volumus, quod nisi eo nomine virtutes conti-  
nerentur, nunquam illud ita peruulgatū esset, ut iam  
prouerbij locum obtineret. H O M I N E M F R U G I  
omnia rectē facere, quod idem cū Stoici de sapiēte di-  
cūt, nimis admirabiliter, nimisq; magnificē dicere  
videntur. Ergo is, quisquis est, qui moderatione & cō-  
stantia quietus animo est sibiq; ipse placatus, ut neque  
tabescat molestys, neque frangatur timore, nec si-  
tiētē quid appetens ardeat desiderio, nec alacritate  
futili gestiē deliquescat, is est sapiens, quem queri-  
mus: is est beatus, cui nihil humanarum rerum aut  
intolerabile ad demittendum animum, aut nimis læ-  
tabile ad afferendum videri potest. Quid enim videa-  
tur ei magnum in rebus humanis, cui aternitas om-  
nis, totiusq; mundi nota sit magnitudo? nam quid aut

in studijs humanis, aut in tam exigua vita breuitate  
magnum sapienti videri potest, qui semper animo  
sic excubat, vt ei nihil improuisum accidere possit,  
nihil inopinatum, nihil omnino nouum? atq; idem ita  
acrem in omneis parteis aciem intendit, vt semper vi-  
deat sedem sibi, ac locum sine molestia, atque angore  
viuendi, vt quemcunque casum fortuna inuexerit,  
hunc aptè & quietè ferat? quod qui faciet, non agri-  
tudine solum vacabit, sed etiam perturbationibus re-  
liquis omnibus, his autem vacuus animus perfectè at-  
que absolutè beatos efficit: idemque concitatus &  
& abstractus ab integra certaue ratione, non con-  
stantiam solum amittit, verum etiam sanitatem.  
Quocirca mollis & enervata putanda est Peripateti-  
corum ratio & oratio; qui perturbari animos neces-  
se esse dicunt, sed adhibent modū quendam, quē ultra  
progredi non oporteat. Modū tu adhibes vitio? an vi-  
tiū nullū est, non parere rationi? an ratio parum pra-  
cipit, nec bonum illud esse, quod vt cupias ardentè,  
aut adeptus te efferas insolenter: nec porrò malum,  
quo aut oppressus iaceas, aut ne opprimare mente vix  
constes? eaq; omnia aut nimis tristitia, aut nimis lata  
errore fieri? qui si error stultis extenuatur die, vt, cum  
res eadem maneat, aliter ferat inueterata aliter re-  
centia: sapientem ne attingat quidem omnia, ete-  
nim quis erit tandem modus iste? quaramus enim  
modum agritudinis, in qua opera plurimum ponitur.  
Aegrè tulisse P. Rutilium fratris repulsam consula-  
tus, scriptum apud Fannium est: sed tamen transisse  
modum

QVAESTION. LIB. IIII.

modum videtur, quippe qui ob eam causam è vita decesserint moderatius igitur ferre debuit. Quid, si, cum id ferret modicè mors liberorum accessisset? natura esset agritudo noua,\* sed ea modica. magna tamè facta esset accessio. quid si deinde dolores graues corporis, si bonorum amissio, si cecitas, si exilium, si pro singulis malis agritudines accederent? summa ea fieret, quæ non sustineretur. Qui modum igitur vitio quarit, similiter facit, vt si posse putet eum, qui se è Leucade precipitauerit, sustinere se, cum velit. vt enim id non potest, sic animus perturbatus & incitatus nec cohibere se potest, nec quo loco vult insistere omnino. quæquæ crescentia pernitiosa sunt eadem sunt vitiosa nascentia. agritudo autem cæteraque perturbationes amplificatæ certè pestiferae sunt. igitur etiam suscepta continuo in magna pestis parte versantur. etenim ipsa se impellunt, vbi semel à ratione discessum est: ipsaque sibi imbecillitas indulget, in altumq; prouehitur imprudens, nec reperit locum consistendi. quamobrem nihil interest, vtrum moderatas perturbationes approbent, an moderatam iniustitiam, moderatam ignauiam, moderatam intemperantiam: qui enim vitij modum apponit, is partem suscipit vitiorum. quod cum ipsum per se odiosum est, tum eo molestius, quia sunt in lubrico, incitatæquæ semel in procliue labuntur, sustinerique nullo modo possunt. Quid, quod iidem Peripatetici perturbationes istas, quas nos extirpandas putamus, non modo naturales esse dicunt, sed etiam uti-

liter à natura datas? quorum est talis oratio. Primum multis verbis iracundiam laudant: eotem fortitudinis esse dicunt, multoque & in hostem & in improbum ciuem vehementiores iratorum impetus esse: leues autem ratiunculas eorum, qui ita cogitarent: Prælium rectum est hoc fieri: Conuenit ducicare pro legibus, pro libertate, pro patria, hac nullam habent vim, nisi ira excanduit fortitudo. Nec verò de bellatoribus solum disputant, imperia seueriora nulla esse putant sine aliqua acerbitate iracundiae. Oratorem denique non modo accusantem, sed ne defendentem quidem probant, sine aculeis iracundiae, quæ etiam si non adsit, tamen verbis atque motu simulandum arbitrat, ut auditoris iram oratoris incendat actio. Virum denique videri negant, qui irasci nesciat: eamque, quam lenitatem nos dicimus, vitioso lenitudinis nomine appellant. Nec vero solum hanc libidinem laudant, (est enim ira ut modo definiui, vlciſcendi libido) sed illud ipsum genus vel libidinis vel cupiditatis ad summam utilitatem esse dicunt à natura datum: nihil enim quemquam, nisi quod libeat, præclare facere posse: Noctu ambulabat in publico Themistocles, quod somnum capere non posset: querentibusque respondebat, Miltiadis trophæis se è somno suscitari. Cui non sunt audite Demosthenis vigiliae? qui dolore se aiebat si quando opificum antelucana victus esset industria. Philosophia denique ipsius principes nunquam in suis studiis tantos progressus sine flagranti cupiditate facere potuissent. Vltimas terras lustrasse Pythagoram,

# QVAESTION. LIB. III.

geram, Democritum, Platonem accepimus. vbi enim quid esset, quod disci posset, eò veniendum iudicauerunt. Num putamus hac fieri sine summo cupiditatis ardore potuisse? ipsam aegritudinem, quam nos vt tetram & immanē belluam fugiendā esse diximus, non sine magna vtilitate à natura dicunt constitutam, vt homines castigationibus, reprahensionibus, ignominij affici se in delicto dolerent. impunitas enim peccatorum data videtur eis, qui & ignominiam & infamiam ferunt sine dolore. morderi est melius conscientia. ex quo est illud scitè dictū ab Afranio. nam cum dissolutus filius,

Heu me miserum dixisset: tum seuerus pater,

Dummodò doleat aliquid, doleat quod lubet.

Reliquas quoq; parteis aegritudinis vtileis esse dicunt, misericordiam ad opem ferēdam, & calamitates hominum indignorum subleuandas: ipsum illud emulari, obrectare, non esse inutile, cum aut se non idem videat consecutum, quod alium: aut alium idem, quod se: metum vero si quis suslulisset, omnem vitæ diligentiam sublatam fore, quæ summa esset in eis, qui leges, qui magistratus, qui paupertatem, qui ignominiam, qui mortem, qui dolorem timerent. hac tamen ita disputant, vt refecanda esse fateantur euelli penitus, dicant nec posse, nec opus esse: vt in omnibus ferè rebus mediocritatem esse optimam existiment. Quæ cum exponunt, nihilne tibi videntur, an aliquid dicere? Mihi verò dicere aliquid itaq; expecto quid ad ista. Reperiam fortasse: sed illud antè: Vidēsne quanta fue-

rit apud Academicos verecundia? Planè enim dicunt, quod ad rem pertineat. Peripateticis respondetur à Stoicis. digladiantur illi per me licet: cui nihil est necesse, nisi ubi sit illud, quod verisimillimum videatur, inquire re. Quid est igitur, quod occurrat in hac quaestione, è qua possit attingi aliquid verisimile, quo longius mentis humana progredi non potest definitio perturbationis: quare rectè Zenonem usum puto. ita enim definit, ut PERTURBATIO sit auersa à ratione contra naturam animi commotio. vel breuius, ut perturbatio sit appetitus vehementior: vehementior autem intelligatur is, qui procul absit à naturæ constantia. Quid ad has definitiones possim dicere? at qui hæc pleraque sunt prudenter acuteque differentium. illa quidem ex rhetorum pompa, ardores animorum, cotesque virtutum. An verò vir fortis, nisi stomachari coeperit, non potest fortis esse? gladiatorum id quidem. quanquam in eis ipsis videmus sæpè constantiam. colloquuntur, congregiuntur, aliquid postulant, ut magis placati, quam irati esse videantur. Sed in illo genere sit sanè Placideianus aliquis hoc animo, ut narrat Lucilius:

Occidam illum equidem, & vincam, si id queritis: inquit.

Verum illud credo fore. in os prius accipiam ipse, Quam gladium in stomacho, sura, ac pulmonibus sisto.

Odi hominè, iratus pugno: nec longius quicquam Nobis quam dextra gladium dum accommodet alter:

Vsque

QVÆSTION. LIB. IIII.

Vsq<sub>3</sub> aded studio atq<sub>3</sub> odio illius efferor ira.

At sine hac gladiatoria iracundia videmus progredientem apud Homerum Aiace: multa cum hilaritate, cum depugnaturus esset cum Hectore, cuius, ut arma sumpsit, ingressio latitiam attulit socijs, terrorem autem hostibus: ut ipsum Hectorem, quemadmodum est apud Homerum, toto pectore trementem prouocasse ad pugnam pœniteret. atque hic collocuti inter se, priusquam manum confererent, leniter & quietè, nihilne in ipsa quidem pugna iracundè rabiosèue fecerunt. Ego ne Torquatum quidem illum, qui hoc cognomen inuenit, iratum existimo Gallo torquem detraxisse: Nec Marcellum apud Clastidium ideo fortem fuisse, quia fuerit iratus. de Africano quidem, quia notior est nobis, propter recentem memoriam, vel iurare possum, non illum iracundia tum inflammatum fuisse, cum in acie Mar. Allienum Pelignum scuto protexit, gladiumque hosti in pectus infixit. De L. Bruto fortasse dubitarem, an propter infinitum odium tyranni effrenatus in Aruntem inuasit: video enim utrunque comminus ictu cecidisse contrario. Quid igitur huc adhibetis iram? an fortitudo, nisi insanire cœperit, impetus suos non habet? Quid? Herculem, quem in cœlum ista ipsa, quam vos iracundiam esse vultis, sustulit fortitudo, iratum ne censes conflixisse cū Erymanthio apro, aut leone Nemeo? an etiam Theseus Marathonij tauri cornua comprehendit iratus? Vide, ne fortitudo minimè sit rabiosa, sitq<sub>3</sub> iracundia tota leuitatis.



uitatis. neque enim est illa fortitudo, quæ rationis expers est. Contemnenda sunt humana res: negligenda mors est: patibiles & dolores & labores putandi. hæc cum constituta sint iudicio atque sententia, tum est robusta illa & stabilis fortitudo: nisi fortè quæ vehementer, acriter, animose fiunt, iracundè fieri suspicamur. Mihi verò ne Scipio quidem ille pontifex maximus, qui hoc Stoicorum verum esse declarauit, nunquam priuatum esse sapientem, iratus videtur fuisse Tib. Graccho cum consulem languentem reliquit, atque ipse priuatus, ut si consul esset, qui Rempub. saluam esse vellet, se sequi iussit. Nescio ecquid ipsi nos fortiter in Republ. fecerimus. si quid fecimus, certè irati non fecimus. An est quicquam similis insanie, quàm ira? quam benè Ennius initium dixit insanie, color, vox, oculi, spiritus, impotentia dictorum atque factorum, quam partem habent sanitatis? quid Achille Homeri coe'dius? quid Agamemnone in iurgio? nam Aiace quidem ira ad furorem, mortemque perduxit. Non igitur desiderat fortitudo aduocatam iram undiam. satis est instructa, armata, parata, per sese. nam isto modo quidem licet dicere vtilem violentiam ad fortitudinem, vtilem etiam dementiam, quod & insani & ebrj multa faciunt sæpè vehementius: Semper Ajax fortis: fortissimus tamen in furore:

Nam facinus fecit maximum, cum, Danaïs inclinantibus

Summam rem erexit, prælium cum restituit insaniens.

Dicamus

# QVAESTION. LIB. IIII.

Dicamus igitur vtilem insaniam. Tracta definitio-  
nem fortitudinis. intelliges, eam stomacho non egere.  
FORTITUDO igitur est animi affectio, legi summa  
in perpetiendis rebus obtemperans: vel cōseruatio sta-  
bilis iudicij in eis rebus, quae formidolosa videntur, sub-  
eundis & repellendis: vel scientia rerum formidolosa-  
rum, contrariarumq; perferendarum, aut omnino ne-  
gligendarum cōseruans earum rerum stabile iudici-  
um: vel breuius vt Chrysippus. Nam superiores defi-  
nitiones erant Sphæri, hominis in primis benè definiē-  
tis, vt putant Stoici. sunt enim omnino omnes ferè si-  
miles: sed declarat communeis notiones, alia magis  
alia. Quomodo igitur Chrysippus? FORTITUDO est,  
inquit, scientia perferendarum rerum: vel affectio a-  
nimi in patiēdo ac perferēdo, summa legi parens si-  
ne timore. Quamuis licet insectemur istos, vt Carne-  
ades solebat. metuo ne soli philosophi sint: quae enim i-  
starum definitionū non aperit notionem nostrā, quam  
habemus omnes de fortitudine, tectam atq; inuolutā?  
qua apertā, quis est, qui aut bellatori, aut imperatori,  
aut oratori querat aliquid, neq; eos existimet sine ra-  
bie quicquam fortiter facere posse? Quid? Stoici, qui  
omneis insipientes insanos esse dicunt, nōne ista col-  
ligunt: remoue perturbationes, maximeq; iracundi-  
am: iam videbimur monstra dicere. nunc autem ita  
differunt, sic se dicere. Omneis stultos insanire, vt ma-  
lè olere omne cœnum: at non semper, commoue: senti-  
ens. sic iracundus non semper iratus est. lacesse: iam vi-  
debis furentem. Quid? ista bellatrix iracundia, cūm  
domum

domum rediit, qualis est cum vxore? cum liberis? cum familia? an tum quoque est utilis? est igitur aliquid, quod conturbat a mens melius possit facere, quàm constans? an quisquam potest sine perturbatione mentis irasci? Benè igitur nostri, cùm omnia essent in morbis vitia, quod nullum erit iracundia foedius, iracundos solos morbosos nominauerunt. Oratorem verò irasci minimè decet: simulare non dedecet. An tibi irasci tū videmur, cùm quid in causis acrius & vehementius dicimus? quid? cùm iam rebus transactis & præteritis orationes scribimus, num irati scribimus?

Ecquis hoc animaduertit? Vincite.

Num aut egisse vnquam iratum Aesopum, aut scripsisse existimamus iratum Attium? Aguntur ista præclare, et ab oratore quidem melius, si modò est orator, quàm ab vllò hystrione: sed aguntur leniter, & mente tranquilla. Libidinem verò laudare, cuius est libidinis? Themistoclem & Demosthenem mihi profertis, additis Pythagoram, Democritum, Platonē, quid? vos studia libidinem vocatis? quæ vel optimarum rerum, vt ea sunt quæ profertis, sedata tamen & tranquilla esse debet. Iam aegritudinem laudare vnā rē maximè detestabilem, quorum est tandem phisophorum? At commodè dixit Afranius:

Dummodo doleat aliquid, doleat quod lubet.

Dixit enim de adolescente perduto ac dissoluto. nos autem de constanti viro ac sapienti querimus, & quidem illam ipsam iram centurio habeat, aut signifer, vel ceteri, de quibus dici non necesse est, ne rhetorum  
apperia-

# QVAESTION. LIB. IIII.

apperiamus mysteria. vtile est enim vti motu animi,  
 qui vti ratione nō potest. nos autem, vt testificor sapē,  
 de sapiente querimus. At etiā amulari vtile est, obtre-  
 ctare, misereri. Cur misereare potius quā feras opem,  
 si id facere possis? an sine misericordia liberales esse nō  
 possumus? non enim suscipere ipsi agritudines propter  
 alios debemus: sed alios, si possumus, leuare agritudi-  
 ne. Obtrectare verō alteri, aut illa vitiosa amulatio-  
 ne, quae riuallitati similis est amulari, quid habet vti-  
 litatis, cū sit AEMVLANTIS angi alieno bono, quod  
 ipse non habeat: OBTRACTANTIS autem angi alie-  
 no bono, quod id etiam alius habeat? Quis id appro-  
 bare possit, agritudinem suscipere pro experientia, si  
 quid habere velis? solum habere velle, summa demen-  
 tia est. Mediocritates autem malorum quis laudare  
 rectē possit? quis enim potest in quo libido, cupiditasue  
 sit, nō libidinosus & cupidus esse? in quo ira, nō iracun-  
 dus? in quo angor? nō anxius? in quo timor, nō timidus?  
 libidinosum igitur, & cupidū, & iracundū, & anxi-  
 um, & timidū censemus esse sapientē? de cuius excellē-  
 tia multa quidē dici quamuis fusē lateq; possint, sed  
 breuissimē illo modo, SAPIENTIAM esse rerum diui-  
 narum & humanarum scientiam, cognitionemq; quae  
 caussa cuiusque rei. Ex quo efficitur, vt diuina imite-  
 tur, humana omnia inferiora virtute ducat. In hunc  
 tu igitur, tanquam in mare, quod est ventis subie-  
 ctum, perturbationē cadere tibi dixisti videri? Quid  
 est quod tantam grauitatem constantiamq; pertur-  
 bet? an improuisum aliquid atq; repentinum? quid po-  
 test

test accidere tale ei, cui nihil subitum est quod homi-  
 ni euenire possit? nam quod aiunt nimia refecari oportere, naturalia relinquere: quid tandem potest esse naturale, quod idem nimium esse possit? sunt enim omnia ista ex errorum orta radicibus, quæ euellenda & extrahenda penitus, non circuncidenda, nec amputanda sunt. Sed quoniam suspicor te non tam de sapiente, quàm de te ipso querere (illum putas omni perturbatione esse liberum, te vis videamus quanta sint. quæ à Philosophia remedia morbis animorum adhibeantur, est enim quædam medicina certè: nec tam fuit hominum generi infensa atque inimica natura, ut corporibus tot res salutareis, animis nullam inuenerit. de quibus est hoc etiam merita melius, quod corporum adiumenta adhibentur extrinsecus, animorum salus inclusa in his ipsis est. Sed quo maior est in eis præstantia & diuinior, eo maiore indigent diligentia. itaque benè adhibita ratio cernit, quid optimum sit: neglecta multis implicatur erroribus. Ad te igitur mihi iam conuertenda omnis oratio est. simulas enim querere te de sapiente, queris autem fortasse de te. Earum igitur perturbationum quas exposui, varia sunt curationes. nam neque omnis agritudo vna ratione sedatur. alia est enim lugenti, alia miserenti, alia inuidenti adhibenda medicina. est enim in omnibus quattuor perturbationibus illa distinctio, utrum ad vniuersam perturbationem, quæ est aspernatio rationis, aut appetitus vehementior, an ad singulas, ut ad metum, libidinem, reliquasque melius adhibeatur oratio: & utrum illud ne

non

QVAESTION. LIB. IIII.

non videatur agrè ferendum, ex quo suscepta sit agri-  
tudo, an omnium rerum tollenda omninò agritudo: vt  
si quis agrè ferat se pauperem esse, id ne disputes, pau-  
pertatem malum non esse, an hominem agrè ferre ni-  
hil oportere. nimirum hos melius: ne, si fortè de pau-  
pertate non persuaferis, sit agritudini concedendum:  
agritudine autem sublatà proprijs rationibus, quibus  
heri vsi sumus, quodam modo etiam paupertatis malū  
tollitur. sed omnis eiusmodi perturbatio animi placa-  
tione abluatur illa quidem, cū doceas, nec bonam il-  
lud esse, ex quo latititia aut libido oriatur: nec malum,  
ex quo aut metus, aut agritudo. Veruntamen hac est  
certa & propria sanatio, si doceas, ipsas perturbatio-  
nes per se esse vitiosas, nec habere quicquam aut natu-  
rale, aut necessarium. vt ipsam agritudinem leniri vi-  
demus, cū obijcimus marentibus imbecillitatem ani-  
mi effœminati: cumq; eorum grauitatem cōstantiam-  
q̃ue laudamus, qui non turbulentè humana patiātur:  
quod quidem solet eis etiam accidere, qui illa mala es-  
se censent, ferenda tamen & quo animo arbitrantur. Pu-  
tat aliquis voluptatem esse bonum, alius autem pecu-  
niam: tamen & ille ab intemperantia, & hic ab auar-  
ritia auocari potest. Illa autem altera ratio & ora-  
tio, quæ simul & opinionem falsam tollit, & agritu-  
dinem detrahīt, est ea quidem vt ilior. sed rarò profi-  
cit, neque est ad vulgus adhibenda. Quædam autem  
sunt agritudines, quas leuare illa medicina nullo mō-  
do possit: vt si quis agrè ferat, nihil in se esse virtutis,  
nihil animi, nihil officij, nihil honestatis, propter mala

is quidem angatur, sed alia quædā ad eum sit admo-  
 da curatio, et talis quidem, quæ possit esse omnium et-  
 iam de cæteris rebus discrepantium philosophorum. in-  
 ter omnes enim conuenire oportet, commotiones ani-  
 morum à recta ratione auersus esse vitiosas, vt, etiam  
 si & mala sint illa, quæ metum agilitudinemue, & bo-  
 na, quæ cupiditatem letitiāmue moueant: tamen sit  
 vitiosa ipsa commotio. constantem enim volumus  
 quendam, sedatum, grauem, humana omnia premen-  
 tem illum esse, quem magnanimum & fortem virum  
 dicimus. talis autem nec mœrens, nec timens, nec cu-  
 piens, nec gestiens esse quisquam potest. eorum enim  
 hæc sunt, qui euentus humanos superiores, quàm su-  
 os animos esse ducunt. Quare omnium Philosopho-  
 rum, vt antè dixi, vna ratio est medendi, vt nihil qua-  
 le sit illud, quod perturbet animum, sed de ipsa sit per-  
 turbatione dicendum. Itaque primum in ipsa cupidi-  
 tate, cū id solum agitur, vt ea tollatur, non est quæ-  
 rendum, bonum illud nec ne sit, quod libidinem moue-  
 at: sed libido ipsa tollenda est: vt siue quod honestum  
 est, id sit summum bonum, siue voluptas, siue horum v-  
 trumq; coniunctum, siue illa tria genera bonorum: ta-  
 men, etiam si virtutis ipsius vehemensior appetitus sit,  
 eadem sit omnibus ad deterrendam adhibenda oratio.  
 Continet autem sedationem animi humana in conspe-  
 ctu posita natura: quæ quo facilius expressa cernatur,  
 explicanda est oratione cōmunis conditio, lexq; vitæ.  
 Itaque non sine causa cū Orestem fabulā doceret Eurī-  
 pides, primos treis versus reuocasse dicitur Socrates:  
 Neque



QVAESTION. LIB. III.

*Neg<sub>3</sub> tam terribilis vlla fando oratio est,  
'Neg<sub>3</sub> fors, neg<sub>3</sub> ira cœlitum inuectum malum,  
Quod non natura humana patiendoferat.*

*Est autem utilis ad persuadendum ea, quæ accide-  
runt ferri & posse & oportere, enumeratio eorū, qui  
tulerunt. & si ægritudinis sedatio & hesternæ disputa-  
tione explicata est, & in consolationis libro, quem in  
medio (non enim sapientes eramus) mœrore & dolo-  
re conscripsimus: quodq<sub>3</sub> vetat Chrysippus, ad recen-  
teis quasi tumores animi remedium adhibere, id nos  
fecimus, naturaq<sub>3</sub> vim attulimus, vt magnitudini me-  
dicinæ doloris magnitudo concederet. Sed ægritudini,  
de qua satis est disputatū, finitimus est metus, de quo  
pauca dicenda sunt. Est enim metus, vt ægritudo præ-  
sentis, sic ille futuri mali. Itaq<sub>3</sub> nonnulli ægritudinis,  
partem quandā metum esse dicebant. alij autem ME-  
TUM PRAEMOLESTIAM appellant, quod est quasi  
dux consequentis molestiæ. quibus igitur rationibus in-  
stantia feruntur, ijsdem contemnuntur sequentia. nā  
videndum est in virisq<sub>3</sub>, ne quid humile, summissum,  
molle, effœminatū, fractum, abiectūq<sub>3</sub> faciam<sup>9</sup>. Sed  
quanquam de ipsius metus inconstantia, imbecillita-  
te, leuitate dicendū est: tamen multū prodest ea, quæ  
metuuntur, ipsa contemnere. itaq<sub>3</sub> siue casu accidit, si  
ue consilio, per commodè factum est. quod eū de rebus,  
quæ maximè metuuntur, de morte & dolore, primo &  
proximo die disputatū est. quæ si probata sunt, metus  
magna ex parte liberati sumus. Ac de maiorū opinio-  
ne hactenus. Videamus nunc de bonorum, id est, de lati-*

tia et de cupiditate. Mihi quidem in tota oratione ea  
 qua pertinet ad animi perturbationem, vna res vide-  
 tur causam continere, omneis eas esse in nostra potestā-  
 te, omneis iudicio susceptas, omneis voluntarias. Hic  
 igitur error est eripiendus, hac detrahenda opinio: at-  
 que ut in malis opinatis tolerabiliora, sic in bonis seda-  
 tiora sunt efficienda ea, qua magna & latabilia dicū-  
 tur. atq; hoc quidem commune malorum & bonorū:  
 ut si iam difficile sit persuadere, nihil earum rerum,  
 qua perturbent animum, aut in malis aut in bonis esse  
 habendum, tamē alia ad alium motum curatio sit ad-  
 hibenda: aliaq; ratione maleuolus, alia amator: alia  
 rursus anxius, alia timidus corrigendus. atq; erat fa-  
 cile sequentem eam rationem, qua maximē probatur  
 de bonis & malis, negare vnquam latitia affici posse  
 insipientem, quod nihil vnquam haberet boni. sed lo-  
 quimur nunc more communi. sint sanē ista bona, qua  
 putantur, honores, diuitiae, voluptates, ceteraq;: ta-  
 men in eis ipsis potiundis exultans gestiensq; latitia  
 turpis est, ut: si ridere concessum sit, vituperetur ta-  
 men cachinnatio. eodem enim vitio est effusio animi  
 in latitia, quo in dolore contractio: eademq; leuitate  
 cupiditas est in appetendo, qua latitia in fruendo: &  
 ut nimis afflictī molestia, sic nimis elati latitia, iure iu-  
 dicantur leues. & cum inuidere aegritudinis sit, malis  
 autem alienis voluptatem capere, latitia: vtrunq; in-  
 manitate & feritate quadam proponenda castigari  
 solet. atq; ut diffidere decet, timere non decet: sic gau-  
 dere decet, latari non decet: quoniam docēdi causa à  
 gaudio

QVÆSTION. LIB. IIII.

gaudio letitiam distinguimus. Illud iam suprà diximus, fieri contractionem animi rectè nunquam posse, elationem posse. aliter enim Nauianus ille gaudet Hector,

Latus sum

Laudari me pater abs te laudato viro,  
aliter ille apud Trabeam Charea,

Lena delinita argento, nutum obseruabit meum,  
Quid velim, quid studeam. adueniens digito impellam ianuam,

Fores patebunt. de improviso Chrysis vbi mea.  
spexerit,

Alacris obuiam mihi veniet, complexum exoptās  
meum:

Mihi se dedit.

quàm hac pulchra putet, ipse iam dicet:

Fortunam ipsam anteibo fortunis meis.

Hec letitia quam turpis sit, satis est diligenter attendentem penitus videre. Et vt turpes sunt, qui efferrunt se letitia, tum, cùm fruuntur venereis voluptatibus: sic flagitiosi, qui eas inflammato animo concupiscunt. totus verdè iste, qui vulgo appellatur amor (nec Hercule inuenio, quo nomine alio possit appellari) tanta leuitatis est, vt nihil videam, quod putem conferendum, quem Cæcilius,

dcum qui non summum putet,

Aut stultum, aut rerū esse imperitum existimet:

Cui in manu sit, quem esse dementem velit,

Quem sapere, quem sanari, quem morbum in iūci,

M. T. C. T V S C V L.

Quem contra amari, quem arcesſiri, quē expeti:  
Opræclaram emendatricem vitæ poeticam, quæ amo-  
rem flagitij & leuitatis auctorem in conſilio deorum  
collocandum putet. de comœdia loquor: qua ſi hæc fla-  
gitia non probaremus, nulla eſſet omnino. Quid autem  
ex Tragœdia princeps ille Argonautarum?

Tumæ amoris magis, quàm honoris ſeruasti gra-  
tia,

Quid ergo? hic amor Medæ quanta miſeriarum in-  
cendia excitauit? atque ea tamen apud alium poetã  
patri dicere audet, ſe coniugem habuiſſe:

Illum, amor quem dederat, qui plus pollet, potior-  
quē eſt patre.

Sed poetæ ludere ſinamus, quorum fabulis in hoc fla-  
gitio verſari ipſum videmus Iouem. ad magiſtros vir-  
tutis philoſophos veniamus: qui amorem negant ſtu-  
pri eſſe, & in eo litigant cum Epicuro, non multum  
vt opinio mea fert, mentiente. quis eſt enim amor i-  
ſte amicitia? cur neque deformem adoleſcentem quiſ-  
quam amat, neque formoſum ſenem? mihi quidem  
hæc in Græcorum gymnaſijs nata conſuetudo vide-  
tur: in quibus iſti liberi, & conceſſi ſunt amores. bene  
igitur Ennius,

Flagitij principium eſt, nudare inter ciues  
corpora.

Qui vt ſint, ſicut fieri poſſe video, pudici: ſolliciti  
tamen & anxij ſunt, eo quē magis, quod ſe ipſi conti-  
nent & coercent, atque vt muliebreis amores omit-  
tam, quibus maiorem licentiã natura conceſſit: quis  
aut de

aut de Ganymedis raptu dubitat, quid poeta velint,  
aut non intelligit, quid apud Euripidem & loquatur  
& cupiat Laus? quid denique homines doctissimi, &  
summi poeta de seipsis & carminibus edunt, & canti-  
bus? fortis vir in sua Rep. cognitus, quæ de iuuenum a-  
more scripsit Alcaeus? nam Anacreontis quidē tota poe-  
sis est amatoria. maximò verò omnium flagrasse amo-  
re Reginum Ibicum apparet ex scriptis. atq; horum  
omnium libidinosos esse amores videmus. Philosophi  
sæpius exorti, & auctore quidem nostro Platone, quem  
non iniuria Dicaarchus accusat, qui amoris auctorita-  
tem tribueremus, Stoici verò & sapientem amaturum  
esse dicunt: & amorem ipsum, conatum amicitiae fa-  
ciundæ ex pulchritudinis specie definiunt: qui si quis est  
in rerum natura, sine solitudine, sine desiderio, sine  
cura, sine suspirio: sit sanè. vacat enim omni libidine:  
hæc autem de libidine oratio est. sin autem est aliquis  
amor, ut est certè, qui nihil absit, aut non multum ab  
insania, qualis in Leucadia est:

Siquidem sit quisquam Deus, cui ego sim cura: at  
id erat deis omnibus curandum, quemadmodum hic  
frueretur voluptate amatoria:

Heu me infelicem.

nihil verius. probe & ille,

Sanusne es, qui temere lamentare?

sic insanus suis etiam videtur. at quas Tragœdias ef-  
fecit?

Te Apollo sancte fer opem, te quæ omnipotens Ne-  
ptune inuoco,

*Vosque ad eò venti.*

*mundum totum se ad amorem suum subleuandum cō-  
uersurum putat. Venerem vnā excludit, vt inquam;*

*Nam quid ego te appellem Venus?*

*eam præ libidine negat curare quicquam: quasi verò  
ipse non propter libidinem tanta flagitia & faciat et  
dicat: Sic igitur affecto hæc adhibenda curatio est, vt  
ei illud, quod cupiat, ostendatur quàm leue, quàm con-  
temnendum, quàm nihil sit omninò, quàm facile vel  
aliundè, vel alio modo perfici, vel omninò negligi pos-  
sit. adducendus est etiam nonnunquam ad alia stu-  
dia, sollicitudines, curas, negotia. loci denique muta-  
tione, tanquam agroti non conualescentis, sæpè curan-  
dus est. etiam nouo quodam amore, veterem amorē,  
tanquam clauo clauum, eijciendum putant. maximè  
autem admonendus, quantus sit furor amoris. omni-  
bus enim ex animi perturbationibus est profectò nul-  
la vehementior: vt, si iam ipsa illa accusare nolis, su-  
pra dico & corruptelas & adulteria: incesta deni-  
que, quorum omnium accusabilis est turpitudine: sed vt  
hæc omittamus, perturbatio ipsa mentis in amore fœ-  
da per se est. nam vt illa præteream, quæ sunt furoris:  
hæc ipsa per sese, quam habent leuitatem, quæ viden-  
tur esse mediocria?*

*Iniuria,*

*Suspersiones, inimicitia, inducie,*

*Bellum, pax rursus incerta hæc si tu postules*

*Ratione certa facere: nihilo plus agas,*

*Quàm si des operam, vt cum ratione insanias.*

*Hæc incōstantia mutabilitasq; mentis, quem non ipsa  
prauitate*

QVÆSTION. LIB. IIII.

prauitate deterreat? Est enim illud, quod in omni  
perturbatione dicitur, demonstrandum, nullam esse  
nisi opinabilem: nisi iudicio susceptā, nisi voluntariā.  
etenim si naturalis amor esset, & amarent omnes, et  
amarentur, & semper amarent, & idē amarent: ne-  
que alium pudor, alium cogitatio, alium satietas de-  
terreret. Ira verò quandiu perturbat animū, dubita-  
tionem insania non habet: cuius impulsu existit etiam  
inter fratres tale iurgium:

Quis homo te exuperauit vnquam gentium impu-  
dentia?

Quis autem malitia te?

nostri quæ sequuntur, alternius enim versibus intorquē-  
tur inter fratres grauissima contumelia: vt facile ap-  
pareat Atrei filios esse, eius, qui meditatur panam in  
fratrem nouam.

Maior mihi moles, maius miscendum malum,

Qui illius acerbam cor contundā & comprimam

Quæ igitur hæ erūt moles? audi Thyestem ipsum,

Impius hortatur me frater, vt meos malis miser

Mandem natos.

eorum viscera apponit. quid est enim, quo non pro-  
grediatur ira? eodem quo furor. itaque iratos pro-  
priè dicimus exisse de potestate, id est de consilio, de  
ratione, de mente. horum enim potestas in totum a-  
nimum esse debet. his autem sunt subtrahendi, in quos  
impetum conantur facere dum se ipsi colligant (quid  
est autem se ipsum colligere, nisi dissipatas animi  
partes rursum in suum locum cogere?) aut rogan-



di sunt, orandique, ut, si quam habent vlciſcendi vim, differant in tempus aliud, dum deferueſcat ira. deferueſcere autem certè ſignificat ardorem animi inuita ratione excitatum. ex quo illud laudatur Archyta: qui cū villico factus eſſet iratior, Quote modo, inquit, accepiſſem, niſi iratus eſſem? Vbi ſunt ergo iſti, qui iracundiam vtilem dicunt? poteſt vtilis eſſe inſania? At naturalis eſt. An quicquam eſſe poteſt ſecundum naturam, quod ſit repugnante ratione? quomodo autem ſi naturalis eſſet ira, aut alius alio magis iracundus eſſet: aut finem haberet prius, quam eſſet vl: a vlciſcendi libido: aut quenquam paniteret, quod feciſſet per iram: vt Alexandrum regem videmus, qui cum interemiſſet Clytum familiarem ſuum, vix à ſe manus abſtinuit, tam a vis fuit panitendi. Quibus cognitis, quis eſt qui dubitet, quin hic quoque motus animi ſit totus opinabilis ac voluntarius? quis enim dubitauit, quin agrotationes animi qualis eſt auaritia, gloria cupiditas, ex eo quod magni aſtimetur ea res ex qua animus agrotat, oriatur vnde intelligi debet: perturbationem quoque omnem eſſe in opinione, & ſi FIDENTIA, id eſt, firma animi conſiſſio, ſcientia quadam eſt, & opinio grauis non temere aſſentiens: METVS quoque eſt diffidentia expectati & impendētis mali & ſi SPES eſt expectatio boni, mali expectationem eſſe neceſſe eſt metum. vt igitur metus, ſic reliquæ perturbationes ſunt in malo: ergo vt conſtantia ſcientiæ, ſic perturbatio erroris eſt. qui autem natura dicuntur iracundi, aut mi-

ſcri-

QVAESTION. LIB. IIII.

sericordes, aut inuidi, aut tale quid, ij sunt ita consti-  
tuti, quasi mala valetudine animi, sanabiles tamen:  
vt de Socrate dicitur. cum multa in conuentu vitia  
collegisset in eum Zopyrus, qui se naturam cuiusque  
ex forma perspicere profitebatur, derisus est à cate-  
ris; qui illa in Socrate vitia non agnoscerent: ab ipso  
autem Socrate subleuatus est, cum illa sibi vitia inef-  
se, sed ratione à se deiecta diceret. Ergo vt optima  
quisque valetudine affectus, potest videri alius alio na-  
tura ad aliquem morbum procliuior: sic animus alius  
ad alia vitia propensior: qui autem non natura, sed  
culpa vitiosi esse dicuntur, eorum vitia constant ex  
falsis opinionibus rerum bonarum ac malarum, vt  
sit alius ad alios motus perturbationesque proclui-  
or, inueteratio autem, vt in corporibus agrius depel-  
litur, sic in animis quoque perturbatio: citiusque re-  
pentinus oculorum tumor sanatur, quam diuturna  
lippitudo depellitur. Sed cognita iam causa pertur-  
bationum, quæ omnes oriuntur ex iudicijs opinio-  
num, & voluntatibus, sit iam huius disputationis mo-  
dus, scire autem nos oportet, cognitis, quoad possint  
ab homine cognosci, bonorum & malorum finibus,  
nihil à philosophia posse aut maius, aut vtilius optari  
quam hæc, quæ à nobis hoc quatruiduo disputata sunt.  
morte enim contenta, & dolore ad patiendum le-  
uato, adiunximus sedationem agritudinis, qua nul-  
lum homini maius malum est. Etsi enim omnis a-  
nimi perturbatio grauis est, nec multum differt ab  
amentia: tamen ceteros, cum sint in aliqua pertur-  
batio-

batione, aut metus, aut letitia, aut cupiditatis, com-  
 motos modo & perturbatos dicere solemus: at eos,  
 qui se agritudini dederunt, miseros, afflictos, æ-  
 rummosos, calamitosos. Itaque non fortuito factum  
 videtur, sed à te oratione propositum. vt separatim  
 de agritudine, & de ceteris perturbationibus dispu-  
 taremus. in ea est enim fons miseriarum & caput.  
 sed & agritudinis, & reliquorum animi morborum v-  
 na sanatio est, omneis opinabileis esse & voluntarios  
 eaque re suscipi, quod ita rectum esse videatur. Hunc  
 errorem quasi radicem omnium malorum stirpitus  
 philosophia se extracturam pollicetur. Demus ergo  
 nos huic excolendos, patiamurque nos sanari. his  
 enim malis insidentibus, non modo beati, sed ne sani  
 quidem esse possumus. aut igitur negemus quicquam  
 ratione confici, cum contra nihil sine ratione rectè  
 fieri possit: aut; cum philosophia ex rationum colla-  
 tione constet, ab ea, si & boni & beati volu-  
 mus esse. omnia adiumenta, & auxi-  
 lia petamus bene beateque  
 viuendi.



# M. T. C. TVSCV- LANARVM QVAESTIO.

NVM AD M. BRVTVM LI-

ber Quintus, Virtutem ad beatè  
viuendum se ipsa esse  
contentam.



*V*irtus hic dies, Brute, finem faci-  
et Tusculanarum disputationum:  
quo die est à nobis ea de te, quam  
tu ex omnibus maximè probas di-  
sputatam: placere enim tibi admo-  
dum sensi. & ex eo libro, quem ad

me accuratissimè scripsisti, & ex multis sermonibus  
tuis, virtutem ad beatè viuendum se ipsa esse conten-  
tam. quod & si difficile est probatu, propter tam va-  
ria & tam multa tormenta fortune: tale tamen  
est, vt elaborandum sit quo facilius probetur: nihil  
est enim omnium quæ in philosophia tractantur, quod  
grauius, magnificentiusquè dicatur. nam cum ea cau-  
sa impulerit eos, qui primi se ad philosophia studium  
contulerunt, vt omnibus rebus posthabitis, totos se in  
optimo vitæ statu exquirendo collocarent: profectò  
spe beatè viuendi tantam in eo studio curam, ope-  
ramquè posuerunt: quod si ab ijs inuita & perfecta  
virtus est, & si praesidijs ad beatè viuendum in vir-  
tute satis est: quis est, qui nō praeclarè & ab illis positā  
& à nobis susceptam operam philosophandi arbitre-  
tur?

tur? sin autem virtus subiecta sub varios incertos quæ casus famula fortunæ est : nec tantarum virium est, vt seipsa tueatur : vereor ne non tam virtutis fiducia nitendū nobis ad spem beatæ viuendi, quam vota facienda videantur. Equidem eos casus, in quibus me fortuna vehementer exercuit ; mecum ipse considerans, huic incipio sententiæ diffidere, interdum etiam humani generis imbecillitatem fragilitatemque extimescere. vereor enim ne natura cu corpora nobis infirma dedisset : ijsq; & morbos insanabiles, & doloreis intolerabileis adiūxisset, animos quoq; dederit & corporū dolorib. congruentibus, & separatim suis angoribus & molestiis implicatos sed in hoc me ipse castigo, quod ex aliorum & ex nostra fortasse mollitia, nō ex ipsa virtute, de virtutis robore existimo. illa enim, si modo est vlla virtus (quam dubitationem auunculus tuus, Brute, suscipit) omnia, quæ cadere in hominē possunt, subter se habet, eaque dispiciens casus contemnit humanos : culpaque omni carens, præter se ipsam nihil censet ad se pertinere. Nos autem omnia aduersa tum venientia metu augentes, tum mœrore præsentia, rerum naturam, quam errorem nostrum damnare malumus. Sed & huius culpæ, & ceterorū vitiorum, peccatorumq; nostrorū omnis à philosophia petenda correctio est. cuius in sinum, cū à primis temporibus ætatis nostra voluntas studiumq; nos compulisset, his grauissimis casibus in eundem portum, ex quo eramus egressi, magna iactati tempestate, confugimus. O vita philosophia dux, o virtutis inda-

gatrix,

QVAESTION. LIB. V.

gatrix, expultrixque vitiorum: quid non modo nos, sed omnino vita hominum sine te esse potuisset? tu vrbeis peperisti, tu dissipatos homines in societatem vita conuocasti: tu eos inter se primo domicilijs, deinde coniugijs, tum literarum & vocum communione iunxisti: tu inuentrix legum, tu magistra morum & disciplina fuisti: ad te confugimus, à te opem petimus: tibi nos, vt antea magna ex parte, sic nunc penitus totosque, tradimus. Est autem vnus dies bene & ex praeceptis tuis actus, pane toti immortalitati anteponendus. cuius igitur potius opibus vt amari, quam tuis, quae & vita tranquillitatem largita nobis es, & terrorem mortis sustulisti? At philosophia quidem tantum abest, vt perinde, ac de hominum est vita merita laudetur, vt à plerisque neglecta, à multis etiam vituperetur. vituperare quisquam vita parentem, & hoc patricidio se inquinare audet? & tam impiè ingratus esse, vt eam accuset, quam vereri deberet, etiam si minus percipere potuisset? sed, vt opinor, hic error, & hæc indoctorum animis offusa caligo est, quod tam longè retro respicere non possunt, nec eos, a quibus vita hominum instructa primo sit, fuisse philosophos arbitrantur. quam rem antiquissimam cum videamus, nomen tamen esse consitemur recens, nam sapientiam quidem ipsam quis negare potest, non modo re esse antiquam, verum etiam nomine? quæ cum diuinarum humanarumque rerum, tum initiorum causarumque, tum cuiusque rei cognitione hoc pulcherrimum nomen apud antiquos assequebatur.

Itaque

Itaque & illos septem, qui à Græcis σοφοί, sapientes à nostris & habebantur & nominabantur, & multis ante sæculis Lycurgum, cuius temporibus Homerus etiam fuisse ante hanc urbem conditam, traditur, etiam Hæroicis ætatibus Vlysses & Nestorem accepimus, & fuisse, & habitos esse sapientis. nec verò Atlas sustinere cælum, nec Prometheus affixus Caucasus, nec stellatus Cephæus cum vxore, genero, filia traderetur, nisi cælesti diuina cognitio nomen eorū ad errorem fabulæ traduxisset. à quibus ducti deinceps omnes, qui in rerum contemplatione studia ponebant, sapientes & habebantur, & nominabantur: idque eorum nomen vsque ad Pythagorā manauit ætatem: quem, vt scribit auditor Platonis Ponticus Heraclides, vir doctus in primis, Phliuntē ferūt venisse, eumq; cum Leonte principe Phliasiorum doctē & copiosē disseruisse quadam: cuius ingenium & eloquentiam cum admiratus esset Leon, quasiuissē ex eo qua maximē arte consideret: at illum artem quidē se scire nullam, sed esse philosophum: admiratū Leontē nouitatem nominis quasiuissē, quinam esset philosophi & quid inter eos, & reliquos interesset: Pythagorā autem respondiſſe, Similem sibi videri vitam hominū & mercatum eum, qui haberetur maximo ludorum apparatu, totius Græciæ celebritate. nam vt illis alijs corporibus exercitatis gloriam & nobilitatem coronare peterent, alijs emendi, aut vendendi quasiu & lucro ducerentur. esset autem quoddam genus eorum, idque vel maximē ingenuum, qui nec plausum, nec

lucrum



QVÆST. LIB. V.

lucrum quærerent, sed visendi causa venirent, studio  
 seq̃ue perspicerent quid ageretur, & quomodo: item  
 nos quasi in mercatus quandam celebritatem ex vr-  
 be aliqua, sic in hanc vitam ex alia vita & natura  
 profectos, alios gloriæ seruire, alios pecuniæ, raros  
 esse quosdam, qui ceteris omnibus pro nihilo habitis,  
 rerum naturã studiosè intuerentur: hos se appellare  
 sapientiæ studiosos. id est enim philosophos: & vt illic  
 liberalissimum esset spectare, nihil sibi acquiren-  
 tem: sic in vita longè omnibus studijs contemplatio-  
 nem rerum, cognitudinemq̃ue præstare: nec verò Py-  
 thagoras nōminis solum inuentor sed rerum etiam ip-  
 sarum amplificator fuit. qui cum post hunc Phlasiũ  
 sermonem in Italiam venisset, exornauit eam Græ-  
 ciam, qua magna dicta est, & priuatim, & publicè  
 præstantissimis & institutis & artibus, cuius de dis-  
 ciplina aliud tempus fuerit fortasse dicendi. sed ab  
 antiqua philosophia vsque ad Socratem, qui Arche-  
 laum Anaxagoræ discipulum audierat, numeri mo-  
 tusq̃ue tractabãtur, & vnde omnia orirẽtur, quoque  
 recedẽrent: studiosèq̃ue ab his siderum magnitudines  
 interualla, cursus inquirebantur, & cuncta caelestia,  
 Socrates autẽ primus philosophiam deuocauit è cæ-  
 lo, & in urbibus collocauit, & in domos etiam intro-  
 duxit, & coegit de vita & moribus rebusq̃ue bonis  
 & malis quærere, cuius multiplex ratio disputandi,  
 rerumq̃ue varietas, & ingenij magnitudo, Platonis  
 memoria & litteris consecrata, plura genera effecit  
 dissentientium philosophorum: è quibus nos id potissi-

mum consecrati sumus, quo Socratem vsum arbitramur: ut nostram ipsi sententiam tegeremus, errore alios leuaremus, & in omni disputatione, quid esset simillimum veri quæreremus. quem morem cum Carneades acutissime copiosissimeque tenuisset, fecimus & alias sapere, & nuper in Tusculano, ut ad eam consuetudinem, disputaremus: & quatriddi quidem sermonem superioribus ad te perscriptum libris misimus: quinto autem die cum eodem in loco consedissemus, sic est propositum, de quo disputaremus. Non mihi videtur ad beatè viuendum satis posse virtus. At Hercule Bruto meo videtur: cuius ego iudicium, pace tua dixerim, longè antepono tuo. Non dubito. nec id nunc agitur, tu illum quantum aues: sed hoc, quod mihi dixi videri quale, sit de quo à te disputari volo. Nempe negas ad beatè viuendum satis posse virtutem. Prorsus nego. Quid? ad rectè, honestè laudabiliter, postremo ad benè viuendū satis ne est praesidij in virtute? Certè satis. Potes igitur, aut qui malè viuatur, non eū miserum dicere: aut quē benè fateare, eū negare beatè viuere? Quid ni possim? nā etiam in tormentis rectè, honestè, laudabiliter, & ob eam rem benè viui potest, dummodo intelligas, quid nunc dicā benè: dico enim constanter, grauius, sapienter, fortiter hac etiam in equuleum conijciuntur, quo vita non aspirat beata. Quid igitur? solāne beata vita, quāso, relinquitur extra ostium, limenque carceris, cum constantia grauitas, fortitudo, sapientia, reliquaque virtutes rapiantur ad tortorem, nullumque recusent,

nec

QVÆSTION. LIB. V.

nec supplicium, nec dolorem? Tu, si quid es facturus, noua aliqua conquiras oportet. ista me minimè mouent, non solum quia peruulgata sunt, sed multo magis, quia tanquã leuia quadam vina, nihil valèt in aqua, sic Stoicorũ ista magis gustata, quã potata delectant. velut iste chorus virtutũ in equuleum impositus, imagines constituit ante oculos cum amplissima dignitate, vt ad eus cursim perrectura, nec eas beata vita à se desertas passura videatur: cũ autem animũ ab ista pictura, imaginibusquẽ virtutum ad rem, veritatemquẽ traduxeris, hoc nudum relinquitur, possitne quis beatus esse quam diu torqueatur. Quamobrem hoc non queramus: virtutes autem noli vereri ne expostulent, & querantur se à beata vita esse relictas. si enim nulla virtus prudentia vacat, prudentia ipsa hoc videt, non omneis bonos esse etiam beatos: multaquẽ de M. Atilio Q. Capione M. Aquilio recordatur: beatamquẽ vitam, nisi imaginibus potius vti, quam rebus ipsis placet, conantem ire in equuleum, retinet ipsa prudentia, negatquẽ ei cum dolore & cruciatu quicquam esse commune. Facile patior te isto modo agere: & si iniquum est prescribere mihi te, quemadmodum à me disputari velis. sed quero, vtrum aliquid actum superioribus diebus, an nihil arbitremur? Actum verò, & aliquantum quidem. Atqui si ita est, profligata iam hac, & penè ad exitum adducta quaestio est. Quo tandem modo? Quia motus turbulenti iactationesquẽ, animorum incitata, & impetu inconsiderato elata, ratio-

nem omnem repellentes, vita beata nullam partem relinquunt. quis enim potest mortem aut dolorem metuens, quorum alterū saepe adest, alterum semper impendit, esse nō miseri? quid si idem (quod plerunq; fit) paupertatē, ignominiam, infamiā timet: si debilitatē, & acritatem, si deniq; quod non singulis hominib; sed potentibus populis saepe contingit, seruitutē? potest ea timens esse quisquam beatus? quid, qui non modo ea futura timet, verum etiā fert, sustinetq; praesentia? addē eodem exilia, luctus, orbitates: qui rebus his fractus, aegritudine eliditur, potest tandem esse non miserrimus? Quid vero? illum quem libidinibus inflāmatum & furem videmus, omnia rabidē appetentem, cum inexplebili cupiditate, quoque affluentiū voluptates vndique hauriat, eo grauius ardentiusq; sitientem, nonne rectē miserrimum dixeris? Quid? elatus ille leuitate, inaniq; latitia & exultans & temere gestiens, nonne tanto miserior, quanto sibi videtur beator? Ergo vt hi miseri, sic cōtra illi beati, quos nulli metus terrent, nulla aegritudines exedunt, nulla libidines incitant, nulla fuciles latitiae exultantes languidis liquefaciunt voluptatibus. Vt maris igitur tranquillitas intelligitur, nulla ne minima quidem aura fluctus commouente: sic animi quietus & placatus status cernitur, cum perturbatio nulla est, qua moueri queat. Quod si est, qui vim fortunae, qui omnia humana quaecunque accidere possunt, tolerabilia ducat, ex quo nec timor eum, nec angor attingat, deniq; si nihil concupiscat, nulla esse-

effeatur animi inani voluptate: quid est, cur is non beatus sit? & si hac virtute efficiuntur, quid est, cur virtus ipsa per se non efficiat beatos? Atqui alterū nō dici potest, quin i, qui nihil metuant, nihil angātur, nihil cōcupiscant, nulla impotēti latitia effeantur, beati sint. itaq; id tibi concedo. alterum autem iā integrum non est: superioribus enim disputationibus effectum est, vacare omni animi perturbatione sapientē. Nimirum igitur confecta res est. videtur enim ad exitum venisse quæstio. Propemodum id quidem. Verū tamen mathematicorum iste mos est, non philosophorum. nā geometra, cum aliquid docere volunt, si quid ad eā rem pertinet eorū, quæ ante docuerunt, id summunt pro concesso & probato: illud modo explicant, de quo ante nihil scriptum est. philosophi quamcunque rem habent in manibus, in eam, quæ conueniunt, congerunt omnia, & si alio loco disputata sunt; quod ni ita esset: cur Stoicus, si esset quæsitum, satisne ad beatē viuendum virtus posset, multa diceret? cui satis esset respondere, se ante docuisse nihil bonum esse, nisi quod honestum esset: hoc probato consequens esse, beatam vitam virtute esse contentam: & quomodo hoc sit consequens illi, sic illud huic: vt, si beata vita virtute contenta sit, nisi honestum quod sit, nihil aliud sit bonum. sed tamen non agunt sic. nam & de honesto & de summo bono separatim libri sunt: & cum ex eo efficiatur, satis magnam in virtute ad beatē viuendum esse vim: nihilo minus hoc aiunt separatim. proprijs enim & suis argumentis & admonitionibus tra-

Etanda quaque res est, tanta praesertim. caue enim putes ullam in philosophia vocem emissam clariorem, vllumue esse philosophia promissum vberius, aut maius: nam quid praefiteretur, o dii boni? perfecturam se, qui legibus suis parauisset, ut esset contra fortunam semper armatus, ut omnia praesidia haberet in se bene beateque viuendi, ut esset semper denique beatus. Sed videro quid efficiat, tantisper hoc ipsum magni aestimo, quod pollicetur. nam Xerxes quidem refertus omnibus muneribus donisque fortuna, non aequitatu, non pedestribus copiis, non nauium multitudine, non infinito pondere auri contentus, praeuium proposuit, qui inuenisset nouam voluptatem: qua ipse inuenta non fuit contentus: neque enim vnquam finem inueniet libido, nos vellemus praeuium elicere possemus, qui nobis aliquid attulisset, quo hoc firmitus crederemus. Velle id quidem: sed habeo paullulum quod requiram. ego enim assentior, eorum, quae posuisti, alterum alteri consequens esse, ut quemadmodum, si quod honestum sit id solum sit bonum, sequatur, beatum vitam virtute confici: sic, si vita beata in virtute sit, nihil esse nisi virtutem bonum. Sed Brutus tuus auctore Aristotele & Antiocho, non sentit hoc. putat enim, etiam si sit bonum aliquid praeter virtutem. Quid igitur? contra Brutumne me dicturum putas? Tu verò, ut videtur, nam praefinire non est meum. Quid cuique igitur consentaneum sit, alio loco. nam ista mihi & cum Antiocho saepe, & cum Aristotele nuper, cum Athenis imperator apud eum diuersarer, dissensio fuit  
mibi

*mibi enim non videbatur quisquam beatus esse posse, cum in malis esset. in malis autem sapientem esse posse, si essent vlla corporis aut fortuna mala. Dicebantur hæc, quæ scripsit etiam Antiochus locis pluribus, virtutem ipsam per se beatam vitam efficere posse, neque tamen beatissimam: deinde ex maiore parte plerasque res nominari, etiam si qua pars abesset: vt vireis, vt valetudinē, vt diuitias, vt honorem, vt gloriam: quæ genere, non numero cernerentur: item beatam vitam, etiam si ex aliqua parte claudicaret, tamen ex multo maiore parte obtinere nomen suū. Hæc nunc enucleare non ita necesse est: quanquam non constantissimè dici mihi videntur: nam & qui beatus est, non intelligo quid requirat, vt sit beatior (si est enim quod desit, ne beatus quidem est) & quod ex maiori parte vnamquamque rem appellari spectariquē dicunt, est vbi id isto modo valeat. cum verò tria genera malorum esse dicant, qui duorum generum malis omnibus vrgeatur, vt omnia aduersa sint in fortuna, omnibus oppressum corpus & confectum doloribus, huic paullulumne ad beatam vitam deesse dicemus, non modo ad beatissimam? Hoc illud est, quod Theophrastus sustinere non potuit. nam cum statuisset verbera, tormenta, cruciatus, patriæ euerisiones, exilia, orbitates, magnam vim habere ad malè, miserequē viuendum: non est ausus elatè & amplè loqui, cum humiliter demissequē sentiret. quā benè non queritur: constanter quidem certè. Itaque mihi placere non solet consequentia reprehende-*



re, cum prima concefferis. Hic autem, elegantissimus omnium philosophorū & eruditissimus, non magnopere reprehenditur, cum tria genera dicit bonorum, vexatur autem ab omnibus, primum in eo libro, quem scripsit de Vita beata, in quo multa disputat, quamobrem is, qui torqueatur, qui crucietur, beatus esse non possit. in eo etiam putatur dicere, in rotam beatam vitam non ascendere. nusquam id quidem dicit omnino sed quæ dicit idē valent. Possū igitur, cui concefferim in malis esse dolores corporis, in malis fortuna naufragia, huic suscensere dicēti, nō omneis bonos esse beatos, cum in omneis bonos ea, quæ ille in malis numerat cadere possint? Vexatur idem Theophrastus, & libris & scholis omnium philosophorum, quod in Callisthene suo laudavit illam sententiam,

Vitam regit fortuna, non sapientia.

Negant ab ullo philosopho quicquam dictum esse languidius, rectē id quidem: sed nihil intelligo dici potuisse constantius, si enim tot sunt in corpore bona, tot extra corpus in casu atque fortuna: nonne consentaneum est, plus fortunam, quæ dominari rerum sit & externarum, & ad corpus pertinentium, quam consilium valere? An malumus Epicurum imitari? qui multa præclara sæpē dicit, quā enim sibi constanter conuenienter quæ dicat, non laborat. Laudat tenuem victum, philosophi id quidem, sed si Socrates, aut Antisthenes diceret, non is qui finem bonorum voluptatem esse dixerit. Negat quenquam iucundē posse vivere, nisi idem, honestē, sapienter, iustēque viuat.

nihil

QVAESTION. LIB. V.

nihil grauius, nihil philosophia dignius, nisi idem hoc ipsum, honestè, sapienter, iustè ad voluptatem referret. Quid melius, quam fortunam exiguam interuenire sapienti? sed hoc is ne dicit, qui, cum dolorem non modò maximū malum, sed solū malum etiam dixerit, toto corpore opprimi possit doloribus acerrimis, tū cum maximè contra fortunam gloriatur? quod idem melioribus etiā verbis Metrodorus, Occupaui, inquit, te, fortuna, atq; cepi, omneisq; aditus tuos interclusi, vt ad me adspirare non posses. Praclarè, si Aristo Chius, aut si Stoicus Zeno diceret, qui, nisi quod turpe esset, nihil malum duceret. tu verò Metrodore, qui omne bonum in visceribus medullisq; condideris, & defineris summum bonum firma corporis affectione, explorat aq; spe contineri, fortunæ aditus interclusisti? quomodo? isto enim bono iam explorari potes. At qui hic capiuntur imperiti: & propter huiusmodi sententias, istorum hominum est multitudo. Acutè disputantis illud est, non quid quisq; dicat, sed quid cuiq; dicendū sit, videre, velut in ea ipsa sententia, quam in hac disputatione suscepimus, omneis bonos semper beatos volumus esse. quos dicam bonos perspicuum est. omnibus enim virtutibus instructos & ornatos, tam sapienter, tum viros bonos dicimus. Videamus qui dicendi sint beati: equidem hos existimo, qui sint in bonis, nullo adiuncto malo. nec vlla alia huic verbo, cūm beatū dicimus, subiecta notio est, nisi, secretis malis omnibus cumulata bonorum complexio. hanc assequi virtus, si quicquam prater ipsam boni est, non potest. aderit e-

nim malorum , si mala illa dicimus , turba quadam ,  
 paupertas , ignobilitas , humilitas . solitudo , amissio suo-  
 rum . graues dolores corporis , perdita valetudo , debili-  
 tas , cæcitas , interitus patria , exilium , seruitus deniq;  
 in his , tot & tantis , ad quæ etiam plura possunt acce-  
 dere , potest esse sapiens . nam hæc casus importat , qui  
 in sapientem potest incurrere . at si ea mala sunt , quis  
 potest præstare , sapientem semper beatum fore , cum  
 vel in omnibus his vno tempore esse possit ? Non igitur  
 facile concedo , neque Bruto meo , neque communibus  
 magistris , neque veteribus illis , Aristoteli , Speusippo ,  
 Xenocrati , Polemoni , vt , cùm ea , quæ suprâ enumera-  
 ui , in malis numerent , ydem dicant semper beatum es-  
 se sapientem . quos si titulus hic delectat insignis &  
 pulcher , Pythagora , Socrate , & Platone dignissimus ,  
 inducant animum illa , quorum splendore capiuntur ,  
 vireis , valetudinem , pulchritudinem , diuitias , hono-  
 res , opes contemnere , eaq;  
 quæ his contraria sint , pro  
 nihilo ducere . tum poterunt clarissima voce profiteri ,  
 se neq; fortuna impetu , neq; multitudinis opinione , ne-  
 que dolore , neq; paupertate terreri , omniaq; sibi in se-  
 se esse posita , neq; esse quicquam extra suam potesta-  
 tem , quod ducant in bonis . neq; hunc & hæc loqui , quæ  
 sunt magni cuiusdam & alti viri : & eadem , quæ vul-  
 gus in malis & bonis numerare concedi vlllo modo po-  
 test , quæ gloria commotus Epicurus exoritur . cui et-  
 iam , si dijs placet , videtur semper sapiens beatus . hic  
 dignitate huius sententia capitur : sed nūquam id di-  
 ceret . si ipse audiret . quid est enim quod minus conue-  
 niat ,

QVAESTION. LIB. V.

niat, quàm ut is, qui vel summum, vel solum malum  
dolorem esse dicat, idem senseat. Quàm hoc suaue est,  
tum, cum dolore crucietur, dicturum esse sapientem?  
Non igitur ex singulis vocibus philosophi spectandi  
sunt, sed ex perpetuitate atq; constantia. Adducis me  
ut tibi assentiar: sed tua quoq; vide ne desideretur cō  
stantia. Quoniam modo? Quia legi tuum nuper quar  
tum de Fimbus in eo mihi videbare contra Catonem  
differens, hoc velle ostendere, quod mihi quidem proba  
tur, inter Zenonem & Peripateticos nihil prater ver  
borum nouitatem interesse. quod si ita est, quid est cau  
sa, quin, si Zenonis rationi consentaneum sit satis ma  
gnam vim in virtute esse ad beatè viuendū, liceat idē  
Peripateticis dicere, rem opinor spectari oportere, non  
verba. Tu quidem tabellis obsignatis agis mecum, &  
testificaris quid dixerim aliquando, aut scripserim.  
Cum alyis isto modo, qui legibus impositis disputant,  
nos in diem viuimus: quodcunq; nostros animos pro  
babilitate percussit, id dicimus. itaque soli sumus li  
beri. veruntamen quoniam de constantia pauld an  
tè diximus, non ego hoc loco id querendum puto, ve  
rum ne sit, quod Zenoni placuerit, quodq; eius au  
ditori Aristoni bonum esse solum, quod honestum es  
set, sed, si ita esset, tum ut hoc totum beatè viuere in  
vna virtute poneret. Quare demus hoc sanè Bruto,  
ut sit beatus semper sapiens, quam sibi conueniat, ip  
se viderit. gloria quidem huius sententiæ quis est illo  
viro dignior? nos tamen teneamus, ut sit idem beatif  
simus: et si Zeno Citiaus, aduena quidam & ignobilis  
verborum

verborum opifex insinuasse se in antiquam philosophiam videtur. huius sententia grauitas à Platoni auctoritate repetatur: apud quem saepe hac oratio usurpata est, ut nihil præter, virtutem diceretur bonum. velut in Gorgia Socrates, cum esset ex eo quaesitum, Archelaum Perdicæ filium, qui tum fortunatissimus haberetur, nonne beatum putaret: Haud scio, inquit: nunquam enim cum eo locutus sum. Ain tu? an aliter id scire non potes? Nullo modo. Tu igitur ne de Persarum quidem rege magno potes dicere, beatus ne sit? An ego possum, cum ignorem, quam sit doctus, quam vir bonus? Quid? tu in eo sitam vitam beatam putas? Ita prorsus existimo, bonos beatos, improbos miseros. Miser ergo Archelaus? Certè, si iniustus. Videt urning omnem hic beatam vitam in vna virtute ponere? Quid verò in Epitaphio? quomodo idem? Nam cui viro, inquit, ex seipso apta sunt omnia, quæ ad beatè viuendum conferunt, nec suspensa aliorum aut bono casu, aut contrariopendere ex alterius euentis, & errare coguntur: huic optimè viuendi ratio comparata est. Hic est ille moderatus, hic fortis, hic sapiens, hic & nascentibus & cadentibus cum reliquis commodis, tunc maximè liberis, parebit & obediet præcepto illi veteri:

*Neq<sub>3</sub> enim letabitur vnquã, neq<sub>3</sub> mœrebit nimis,  
Quod semper in seipso omnem spem reponet sui.*

Ex hoc igitur Platonis, quasi quodam sancto, augustoq<sub>3</sub> fonte nostra omnis manabit oratio. Vndè igitur rectius ordiri possumus, quam à communi patente natura?

QVAESTION. LIB. V.

tura? quæ, quicquid genuit, non modò animal, sed etiam quod ita esset ortum è terra, vt stirpibus suis niteretur, in suo quodq; genere perfectum esse voluit. Ita quæ & arbores & vites & ea, quæ sunt humiliora, ne quæ se tollere à terra altius possunt, alia semper virèt, alia hyeme nudata, vernò tempore tepesacta frondescunt: neq; est vllum, quod non ita vigeat interiore quodam motu, & suis quoq; seminibus inclusis, vt aut flores, aut fruges fundat, aut bacas, omniaq; in omnibus, quantum in ipsis sit, nulla vi impediēte perfectæ sint. facilius verò etiam in bestijs, quod his sensus à natura est datus, vis ipsius naturæ perspicui potest: namq; alias bestias nanteis aquarum incolas esse voluit: alias volucres cælo frui libero: serpenteis quasdā: quasdā esse gradiēteis: earum ipsarū partim soliūagas, partim cōgregatas: immaneis alias, quasdam autē cicures, nonnullas abditas terraq; tectas. atq; earum quæque suum tenens munus, cum in disparis animantis vitam transire non possit, manet in lege naturæ. & vt bestijs aliud aliq; præcipui à natura datum est, quod suū quæque retinet, nec discedit ab eo: sic homini multò quiddam præstantius. et si præstantia debent ea dici, quæ habent aliquam comparationem, humanus autem animus decerptus ex mente diuina, cum alio nullo, nisi cū ipso Deo, si hoc fas est dictu, comparari potest. Hic igitur, si est excultus, & si eius acies ita curata est, vt ne cæsetur erroribus: sit perfectæ mens, id est, absoluta ratio: quæ est idem, quod virtus. Et si id omne beatum est cui nihil deest, & quod in suo genere exple-

*tepon*

tum

tum atq; cumulatū est, idq; virtutis est propriū: cer-  
 tē omnes virtutis compotes beati sunt. & hoc quidem  
 mihi cum Bruto conuenit, item cū Aristotele, Xeno-  
 crate, Speusippo, Polemone. Sed mihi videntur etiam  
 beatissimi. quid enim deest ad beatē viuendum ei, qui  
 confidit suis bonis? aut, qui diffidit, beatus esse qui po-  
 test? at diffidat necesse est, qui bona diuidit tripertito.  
 qui enim poterit aut corporis firmitati, aut fortuna  
 stabilitati considerare? at qui nisi stabili & fixo perma-  
 nente bono, beatus esse nemo potest. quid igitur eiusmo-  
 di istorum est? vt mihi illud Laconis dictum in hos cade-  
 re videatur: qui glorianti cuidam mercatori, quod  
 multas naues in omnem oram maritimam dimisisset.  
 Non sanē optabilis ista quidem est, inquit, RVDEN-  
 TIBVS apta fortuna. an dubiū est quin nihil sit haben-  
 dum in eo genere, quod vita beata complectitur, si id  
 possit amitti? nihil enim inueterascere, nihil extingui,  
 nihil cadere debet eorū, in quibus vita beata consistit.  
 nā qui timebit ne quid ex his deperdat, beatus esse non  
 poterit. volumus enim eum, qui beatus sit, tutum esse,  
 inexpugnabilem, septum, atq; munitum, nō vt paruo  
 metu praeclusus sit. sed vt nullo. Vt enim innocens is di-  
 citur, non qui leuiter nocet, sed qui nihil nocet: sic sine  
 metu is habendus est, non qui parum metuit, sed qui o-  
 mnino metu vacat. quæ est enim alia fortitudo, nisi a-  
 nimi affectio cū in adeundo periculo, tum in labore  
 ac dolore patiēdo, procul ab omni metu? atq; hæc cer-  
 tē non ita se haberent, nisi omne bonum vna honesta-  
 te confisteret, qui autem illam maximē optatam &  
 expeti-



# QVÆSTION. LIB. V.

expetit am securitatem (securitatem autem nunc appello vacuitatem aegritudinis, in qua vita beata posita est) habere quisquam potest, cui aut adsit aut adesse possit multitudo malorum? quis autem poterit esse celsus & erectus, & ea, quæ homini accidere possunt, omnia parua ducens, qualem sapientem esse volumus, nisi omnia sibi in se posita esse censebit? an Lacedæmonij Philippo nimitanti per litteras se omnia, quæ conarentur prohibitorum, quasi fuerunt num se esset etiam mori prohibitorum: vir is, quem quarimus, non multò facilius tali animo reperietur, quàm ciuitas vniuersa? Quid ad hanc fortitudinem, de qua loquimur, temperantia adiuncta, quæ sit moderatrix omnium commotionum? quid potest ad beatè viuendum deesse ei, quæ fortitudo ab aegritudine, & à metu vindicet, temperantia cum à libidine auocet, tum insolenti alacritate gestire non sinat? Hæc efficere virtutem ostenderem, nisi superioribus diebus essent explicata. Atqui cum perturbationes animi miseram, sedationes autem vitam efficiant beatam: duplex quæ ratio perturbationis sit, quod aegritudo & metus in malis opinionibus in bonorum autem errore letitia gestiens, libido quæ versentur: cum hæc omnia cum consilio & oratione pugnent: his tu tam grauibus concitationibus quæ, tam quæ ipsis inter se dissentiētibus atque distractis, quæ vacuum, solutum, liberum videris, hunc dubitabis beatum dicere? Atqui sapiens semper ita affectus est. semper igitur sapiens beatus est. atque etiam omne bonum letabile est: quod autē letabile, id prædicandū & præ se feren-

*se ferendum: quod tale autem, id etiam gloriosum: si  
 verò gloriosum, certè laudabile: quod autem laudabi-  
 le, profectò etiam honestum: quod bonum igitur, id ho-  
 nestum. At, quæ isti bona numerant, ne ipsi quidem ho-  
 nestæ dicunt. solum igitur bonum, quod honestum. Ex  
 quo efficitur, honestate vna vitam contineri beatam.  
 non sunt igitur ea bona dicenda, nec habenda, quibus  
 abundantem licet esse miserrimum. An dubitas, quin  
 præstas valetudine, viribus, forma, acerrimis, integer-  
 rimisq; sensibus, adde etiam si libet pernicitatem, &  
 velocitatem: da diuitias, h mores, imperia, opes, glori-  
 am: si fuerit is, qui hac habet iniustus, intemperans, ti-  
 midus, hebeti ingenio atq; nullo, dubitabisne eum mi-  
 serum dicere? qualia igitur ista bona sunt, quæ qui ha-  
 beat, miserrimus esse possit? Videamus, ne, vt aceruus  
 ex sui generis granis, sic beata vita ex sui similib. par-  
 tibus effici debeat. quod si ita est: ex bonis, quæ sola ho-  
 nestæ sunt, efficiendum est beatum. ea mixta ex dissi-  
 milibus si erunt, honestum ex his effici nihil poterit. quo  
 detractò, quid poterit beatum intelligi? Etenim quic-  
 quid est quod bonum sit, id expetendum est, quod au-  
 tem expetendum, id certè appetendum: quod verò ap-  
 probaris, id gratum, acceptumq; habendum: ergo et-  
 iam dignitas ei tribuenda est. quod si ita est, laudabile  
 sit necesse est. bonū igitur omne laudabile. Ex quo effi-  
 citur, vt, quòd sit honestum, id sit solum bonum. quod  
 ni ita tenebimus, multa erunt, quæ nobis bona dicenda  
 sint. Omitto diuitias: quas cum quibus, quamuis indi-  
 gnus, habere possit, in bonis nō numero, quod enim est  
 bonum,*

QVAESTION. LIB. V.

bonum, id non quivis habere potest. Omisso nobilitate, famamque, popularem, stultorum improborumque consensu excitatam hac, qua sunt minima, tamen bona dicantur, necesse est: candiduli dentes, venusti oculi, color suavis. Et ea, quae Euryclia laudat, Vlysi pedes abluens, lenitudo orationis, mollitudo corporis. ea si bona ducemus, quid erit in philosophi gravitate, quam in vulgi opinione stultorumque turba, quod dicatur aut gravius, aut grandius? At enim eadem Stoici precipua vel producta dicunt, quae bona isti. Dicunt illi quidem, sed his vitam beatam compleri negant. hi autem sine ijs esse nullam putant: aut si sit beata, beatissimam certe negant. nos autem volumus beatissimam: idque nobis Socratica illa conclusione confirmatur. sic enim princeps ille philosophiae differebat: Qualis cuiusque animus affectus esset, talem esse hominem: qualis autem ipse homo esset, talem eius esse orationem: orationi autem facta similia, factis vitam, affectus autem animi in bono viro laudabilis: Et vita igitur laudabilis boni viri: honesta ergo, quoniam laudabilis. ex quibus bonorum beatam vitam esse concluditur. Etenim, pro deorum atque hominum fidem, parumne cognitum est superioribus nostris disputationibus, an delectationis et otii consumendi causa locuti sumus, sapientem ab omni contentione animi, quam perturbationem voco, semper vacare? semper in animo eius esse placidissimam pacem? Vir igitur temperatus, constans, sine metu, sine agritudine, sine alacritate vlla, sine libidine, nonne beatus? At semper sapiens talis: semper igitur bea-

N

tus. iam

tus. Iam verò qui potest vir bonus nō ad id, quod laudabile sit, omnia referre. q̄ agit, quaq̄ sentit? refert autē omnia ad beatē viuendū. beata igitur vita laudabilis. nec quicq̄ sine virtute laudabile. beata igitur vita virtute conficitur. Atq̄ hoc etiam sic cōcluditur: Nec in misera vita quicquā est predicabile. aut gloriādum, nec in ea, quæ nec misera sit, nec beata. & est in aliqua vita predicabile aliquid, & gloriādum, ac præseferendum: vt Epaminondas,

Consily, nostris laus est attōsa Laconum:

vt Africanus,

A sole exoriente, supra Maotis paludes,

Nemo est, qui factis me æquiparare queat.

Quod si est sola beata vita glorianda & predicanda, & præseferenda est. nihil enim aliud, quod predicandum, & præseferendū sit. quibus positis intelligis quid sequatur. & quidem nisi ea vita beata est, quæ est eadem honesta: sit aliud necesse est melius vita beata. quod enim erit honestum, certē fatebuntur esse melius. ita erit beata vita melius aliquid: quo quid potest dici peruersius? Quid? cū fatentur satis magnā vim esse in vitis ad miseram vitam, nōne fatendum est, eandem vim in virtute esse ad beatam vitam? contrariorum enim contraria sunt consequentia. Quo loco quero, quam vim habeat libra illa Critolai: qui cum in alteram lancem animi bona imponat, in alteram corporis, & externa: tantum propendere illam boni lancem putet, vt terram & maria deprimat. Quid igitur aut hunc prohibet, aut etiam Xenocratē illū grauis-

## QVAESTION. LIB. V.

grauissimum philosophorum, exaggerantem tantopere virtutem, & extenuantem cetera, & abijcientem, in virtute non beatam modo vitam, sed etiam beatissimam ponere? Quod quidem nisi sit, virtutum interitus consequetur. nam in quem cadit agritudo, in eundem metum cadere necesse est. est enim metus futura agritudinis sollicita expectatio in quem autem metus in eundem formido, timiditas, pavor, ignavia, ergo ut idem vincatur interdum necesse est, nec putet ad se praeceptum illud Atrei pertinere.

Proinde ita parent se in vita, ut vinci nesciant.

Hic autem vincetur, ut dixi: nec modò vincetur, sed etiam seruiet, at nos virtutem semper liberam volumus, semper inuictam. quæ nisi sunt, sublata virtus est. Atqui si in virtute satius est præsidij ad benè viuendum, satis est etiam ad beatè. satis est enim certè in virtute, ut fortiter viuamus: si ut fortiter, etiam ut magno animo, & quidem ut nulla re vnquam terreamur, semper quæ simus inuicti: sequitur, ut nihil poeniteat, nihil desit, nihil obstet, ergo omnia profluenter, absolutè, prosperè. igitur beatè. satis autem ad fortiter viuendum virtus potest. satis ergo etiam ad beatè. Etenim ut stultitia, etsi adepta est quod concupiuit, nunquam se tamen satis consecutam putat: sic sapientia semper eo contenta est, quod adest, neque eam vnquam sui poenitet. Similem ne putas. C. Lælij vnum consulatum fuisse, & eum quidem cum repulsa (etsi, cum sapiens & bonus vir, qualis ille fuit, suffragijs præteritur, populus à bono consule potius,

M. T. C. T V S C V L.

quàm ille à vano populo repulsam fert ) sed tamen v-  
trum malles te, si potestas esset, simul, vti Laliū con-  
sulem, an, vt Cumam, quater? non dubito, tu quid re-  
sponsurus sis itaque video cui committam, non quem-  
uis hoc idem interrogarem. responderer enim alius  
fortasse, se non modò quattuor consulatus vni antepo-  
nere, sed vnum diem Cinna multorum & clarorum  
totis atatibus. Lalius si digito quem attigisset, pœ-  
nas dedisset: at Cinna collega sui consulis, Cn. Octa-  
uij prædici caput iussit, P. Craßi, L. Casaris nobilissi-  
morum hominum, quorum virtus fuerat domi mili-  
tiæque cognita: M. Antonij omnium eloquentissimi,  
quos ego audierim: C. Casaris, in quo mihi videtur fu-  
isse specimen humanitatis, salis, suauitatis, leporis. Be-  
atus ne igitur, qui hos interfecit? minime. mihi con-  
trà non solum ed videtur miser, quod ea fecit: sed et-  
iam quod ita se gessit, vt ea facere ei liceret: et si pec-  
care nemini licet, sed sermonis errore labimur. id enim  
licere dicimus, quod cuiq; conceditur. Vtrum tandem  
beatior C. Marius tum, cùm Cimbrica victoria glo-  
riam cum collega Catulo communicauit penè altero  
Laliò ( nam hunc illi duco simillimum ) an cùm ciuili  
bello victor, iratus necessarijs Catuli deprecantibus  
non semel respondit, sed sæpe, moriatur? In quo beatior  
ille, qui huic nefaria voci paruit, quàm is, qui tam sce-  
leratè imperauit: nam cùm ACCIPERE QUAM FA-  
CERE PRAESTAT INIURIAM: tum morti iam  
ipsi aduentanti paullulum procedere obuiam, quod fe-  
cit Catulus, quàm, quod Marius, talis viri interitu sex  
suos

suos obruere consulatus, & contaminare extremum tempus ætatis. Duo de quadraginta annos tyrannus Syracusanorum fuit Dionysius, cum V. & XX. natus annos dominatum occupasset: quæ pulchritudine urbem, quibus autem opibus præditam, seruitute oppressam tenuit cuius ætatem? atq; de hoc homine à bonis auditoribus sic scriptum accepimus. summam fuisse eius in victu temperantiam, eumq; in rebus gerendis, virum acrem & industrium, eundem tamen maleficum natura, & iniustum. ex quo omnibus benè veritatem inuentibus videri necesse est miserrimum. ea enim ipsa quæ concupierat, ne tum quidem, cum omnia se posse censebat, cōsequebatur. qui cum esset bonis parētibus, atq; honesto loco natus (et si id quidem aliis alio modo tradit) abundaret quæ & equalium familiaritatibus & consuetudine propinquorum, haberet etiam amore Græciæ quosdam adolescenteis amore coniunctos, credebatur eorum nemini: sed ijs, quos ex familijs locupletium seruos delegerat, quibus nomē seruitutis ipse detraxerat & quibusdam conuenis & ferè barbaris corporis custodiam committebat. Ita propter iniustam dominatus cupiditatem, in carcerem quodam modo ipse se incluserat. quinetiam, ne tonsori collum committeret tondere filias suas docuit, ita sordido, ancillari- quæ artificio regię virgines vt tonstriculæ tondebant barbam & capillum patris: & tamen ab ijs ipsis, cum iam essent adultæ, ferrum remouit: instituitq; vt candidibus iuglandium putaminibus barbam sibi & capillum adurerent, cumquæ duas vxores haberet, Ari-



stomachen ciuem suam, Doridem autem Locrensem:  
 sic noctu ad eas venit itabat, vt omnia specularetur, &  
 perscrutaretur anie & cum fossam latam cubicula-  
 ri lecto circumdedit, eiusq; fossæ transitum ponticu-  
 lo ligneo coniunxisset: eum ipsum, cum fores cubicu-  
 li clauserat, detorquebat. idemq; cum in comuni-  
 bus, suggestis consistere non auderet, concionari ex tur-  
 ri alta solebat. atque is cum pila ludere vellet (studio-  
 se enim id facitabat) tunicamq; poneret, adolescens  
 tulo, quem amabat, tradidisse gladium dicitur. hic,  
 cum quidam familiaris iocans dixisset. Huic quidem  
 certe vitam tuam committis, arrisissetq; adolescens,  
 vtrunque iussit interfici: alterum, quia viam demon-  
 strauisset interimendi sui: alterum, quia id dictum risu  
 approbauisset. atque eo facto sic doluit, vt nihil graui-  
 us tulerit in vita: quem enim vehementer amarat, oc-  
 ciderat. Sic distrabuntur in contrarias partes impo-  
 tentium cupiditates. cum huic obsecutus sis, illi est  
 repugnandum. quanquam hic quidem tyrannus ipse  
 indicauit, quam esset beatus. nam cum quidam ex e-  
 ius assentatoribus Damocles commemoraret in sermo-  
 ne copias eius, opes, maiestatem dominatus, rerum ab-  
 undantiam, magnificentiam adium regiarum, nega-  
 retq; vnquam beatiorum quenquam fuisse. Visne i-  
 gitur, inquit, ô Damocle, quoniam hac te vita dele-  
 ctat, ipse eandem degustare, & fortunam experiri  
 meam? cum se ille cupere dixisset: collocari iussit homi-  
 nem in aureo lecto, strato pulcherrimo-textili stragu-  
 lo, magnificis operibus picto: abacosq; complureis or-  
 nauit

QVAESTION. LIB. V.

navit argento, auroque celato. tum ad mensam eximia forma pueros delectos iussit consistere, eosque ad nutum illius intuentis diligenter ministrare, aderant unguenta, corona: incendebantur odores: mensa conquisitissimis epulis extruebantur. fortunatus sibi Damocles videbatur in hoc medio apparatu, fulgentem gladium è lacunari seta equina appensum demitti iussit ut impenderet illius beati ceruicibus. Itaque nec pulchros illos administratores aspiciebat, nec plenum artis argentum, nec manum porrigebat in mensam: iam ipsa defluebant corona: denique exorauit tyrannum, ut abire liceret, quod iam beatus nollet esse. Satiusne videtur declarasse Dionysius nihil esse ei beatum, cui semper aliquis terror impendeat? Atque ei ne integrum quidem erat, ut ad iustitiam remigraret, cini- busque libertatem & iura redderet, ijs enim se adolescens improuida atate irretierat erratis, eaq; commiserat, ut saluus esse non posset, si sanus esse coepisset.

Quantoperè verò amicitias desideraret, quarum infidelitatem extimescebat, declarauit in Pythagoreis duobus illis: quorum, cum alterum vadem mortis accepisset, alter, ut vadem suum liberaret, praestò fuisset ad horam morti destinatam: Vtinam ego, inquit, tertius vobis amicus ascriberer. Quàm huic erat miserum carere consuetudine amicorum, societate victus, sermone omnino familiari, homini praesertim docto à puero, & artibus ingenuis erudito? musicorum verò perstudiosum fuisse accepimus, poetam etiam tragicum: quàm horum nihil ad rem. in hoc ecim genere

nescio quo pacto magis quàm in alijs, suum cuiq; pulchrum est. adhuc neminem cognoui poetam ( & mihi fuit cum Aquinio amicitia ) qui sibi non optimus videretur. sic se res habet: te tua, me delectant mea. Sed ut ad Dionysium redeamus, omni cultu & victu humano carebat: viuebat cum fugitiuis, cum facinorosis, cum barbaris: neminem, qui aut libertate dignus esset, aut vellet omnino liber esse, sibi amicum arbitrabatur. Non ergo iam cum huius vita, qua tetrius, miserius, detestabilius excogitare nihil possum, Platonis, aut Archytæ vitam comparabo, doctorum hominum, & planè sapientium. ex eadem vrbe humilem homunculũ à puluere & radio excitabo, qui multis annis post fuit, Archimelem. cuius ego quæstor ignoratum ab Syracusanis, cum esse omnino negarent, septum vndiq; & vestitum vepribus & dumetis indagavi sepulcrum. tenebam enim quosdã senariolos, quos in eius monumento esse inscriptos acceperam: qui declarabant, in summo sepulchro spheram esse positam cum cylindro. Ego autem, cum omnia collustrassem oculis ( est enim ad portas Acraganas magna frequentia sepulchrorum ) animaduerti columellam non multum è dumis eminentem: in qua ierat spheræ figura, & cylindri. atque ego statim Syracusanis ( erant autem principes mecum ) dixi, me illud ipsum arbitrari esse, quod quærerem. immissi cum falcibus multi purgarunt & aperuerunt locum. quò cum patefactus esset aditus, ad aduersam basim accessimus, apparebat epigramma ex esis posteriorib; partibus versiculorũ, dimidiatis ferè. Ita nobilissi-

QVAESTION. LIB. V.

nobilissima Gracia ciuitas, quondam verò etiam doctissima, sui ciuis vnius acutissimè menumētū ignorasset, nisi ab homine Arpinate didicisset. Sed redeat vnde aberrauit oratio. Quis est, n. omnium, qui modo cum musis, id est cum humanitate & cum doctrina habeat aliquod cōmercium, qui se non hunc mathematicū malit, quam illum tyrannū? si vitæ modum actionēq; querimus: alterius mens rationibus agendis exquirendisq; alebatur, cum oblectatione solertia, qui est vnus suauissimus pastus animorum: alterius cade & iniurijs, cum & diurno & nocturno metu. Age confer Democritum, & Pythagoram, Anaxagoram: quæ regna, quas opes studijs eorum & delectationibus antepones? etenim quæ pars optima est in homine, in ea situm esse necesse est illud quod queris, omnium optimum. quid est autem in homine sagaci ac bona mente melius? eius bono fruendum est igitur, si beati esse volumus boni autem metis est virtus. ergo hac beatā vitam contineri necesse est. Hinc omnia quæ pulchra, honesta, præclara sunt vt supra dixi, sed dicendum illud idem paullo vberius videtur, plena gaudiorum sunt. ex perpetuis autem plenusq; gaudijs cum perspicuum sit vitam beatam existere, sequitur vt ea existat ex honestate, sed ne verbis solum attingamus ea quæ volumus ostendere, proponenda quædam quasi mouentia sunt quæ nos magis ad cognitionem intelligentiamq; conuertant. Sumatur enim nobis quidam præstans vir optimis artibus, isq; animo parumper et cogitatione fingatur: primum ingenio eximio sit ne-

cesse est, tardis enim mentibus virtus non facile com-  
 mittitur. deinde ad inuestigandam veritatem studio  
 incitato, ex quo triplex ille animi factus existit: vnus  
 in cognitione rerum positus, & in explicatione natu-  
 ra: alter in descriptione expetendarum fugienda-  
 rum rerum: tertius in iudicando quid cuique rei  
 sit consequens, quid repugnans: in quo inest omnis  
 tum subtilitas differendi, tum veritas iudicandi.  
 Quo tandem igitur gaudio affici necesse est sapientis  
 animum, cū his habitantē pernoctantemq; cernis? cum  
 totius mundi motus conuersionesq; perspexerit, sde-  
 raq; viderit innumerabilia calo inhaerentia, cum eius  
 ipsius motu congruere certis infixa sedibus? septē alia  
 suos quaque tenere cursus, multum inter se aut alti-  
 tudine, aut humilitate distantia: quorum vagi mo-  
 tus, rata tamen & certa sui cursus spatia desiniant?  
 Horum nimirum aspectus impulit illos veteres, et ad-  
 mouit, vt plura quærent. inde nata est indagatio  
 initiorum, & tanquam seminum, vnde essent omnia  
 orta, gen. rata, concreta: quaque cuiusq; generis vel  
 inanimi, vel animati, vel muti, vel loquentis origo:  
 quæ vita, quis interitus, quæq; ex alio in aliud vicissi-  
 tudo atq; mutatio: vnde terra, & quibus librata pō-  
 deribus: quibus cauernis maria sustineat: in quā om-  
 nia delata gravitate medium mundi locum semper  
 expetant: qui est idem infimus in rotundo. Hæc tra-  
 ctanti animo, & nocteis & dies cogitanti, existit illa  
 à Deo Delphi præcepta cognitio, vt ipsa se mētē vitæ  
 exutam cognoscat, coniunctamq; cum diuina mente  
 esse

Q V A E S T I O N . L I B . V .

esse sentiat, ex quo insatiabili gaudio cōpleatur. ipsa enim cogitatio de vi & natura deorū studiū incendit illius aternitatis imitanda. neq; se in breuitate vitæ collocatā putat, cum rerū causas alias ex alijs aptas & necessitate nexas videt. quibus ab aeterno tempore fluentibus in aeternū, ratio tamen mēs q; moderatur. Hac ille intuens atq; suspiciens, vel potius omneis partibus horæ q; circumspiciens, quanta rursus animi tranquillitate humana & ceteriora considerat? hinc illa cognitio virtutis existit: efflorescunt genera, partesque virtutum: inuenitur, quid sit quod natura spectet extremum in bonis, quod in malis vltimū, quo referenda sint officia, quæ degendæ atatis ratio deligenda. Quibus & talibus rebus exquisitis, hoc vel maxime efficiuntur, quod hac disputatione agimus, ut virtus ad beatè viuendum sit seipsa contenta. Sequitur tertia, quæ per omneis parteis sapientia manat & funditur, quæ rem definit, genera dispertit, sequentia adiungit, perfectæ concludit, vera & falsa diiudicat, differendi ratio & scientia: ex qua cum summa utilitas existit ad res ponderandas, tum maxime ingenua delectatio & digna sapientia. sed hac otij. Transeat idem iste sapiens ad rempub. tuendam quid eo possit esse præstantius, cum prudentia utilitatem ciuium cernat. iustitia nihil in suam domum inde deriuat, reliquis utatur tot tamq; varijs virtutibus, adiunge fructum amicitiarum, in quo à doctis positum est cum consilium omnis vitæ consentiens & penè conspirans, tum summa iucunditas è quotidi-

ano cultu atq; victu. quid hæc tandem vita desiderat  
 quo sit beatior? cui refert tot tantisq; gaudijs fortu-  
 na ipsa recedat necesse est. quod si gaudere talibus bo-  
 nis animi, id est, virtutibus, beatum est, omnesq; sapi-  
 entes ijs gaudijs perfruuntur, omneis eos confiteri bea-  
 tos esse necesse est. Etiamne in cruciatu atq; tormen-  
 tis? An tu me in viola putas, aut in rosa dicere? an Epi-  
 curo, qui tantummodo induit personam philosophi, &  
 sibi ipse hoc nomen inscripsit, dicere licebit (quod qui-  
 dem, vt habet se res, me tamē applaudente dicit) nul-  
 lum sapienti esse tempus & si vratur, torqueatur, sece-  
 tur, quin possit exclamare. Quam pro nihilo puto?  
 cum præsertim omne malū dolore definiat, bonum vo-  
 luptate: hæc nos ira honesta turpia irrideat, dicat quæ  
 nos in vocibus occupatos inaneis sonos fundere, neque  
 quicquam ad nos pertinere, nisi quod aut leue aut as-  
 perum in corpore sentiat: Huic ergo, vt dixi, non  
 multū differenti à iudicio ferarū, obliuisci licebit sui;  
 & tum fortunam contemnere, cum sit omne & bonū  
 eius & malum in potestate fortuna: tum dicere se  
 beatum in summo cruciatu atq; tormentis, cum con-  
 stituerit non modo summum malum esse dolorem, sed  
 etiam solum. nec verò illa sibi remedia compararit ad  
 tolerandum dolorem, firmitatem animi, turpitudinis  
 verecundiam, exercitationem, consuetudinemq; pa-  
 tiendi, præcepta fortitudinis, duriciem virilem: sed  
 vna se ditat recordatione acquiescere præteritarum  
 voluptatū: vt quis æstuans, cum vini caloris non fa-  
 cile patiat, recordari velit se aliquando in Arpina-



QVÆSTION. LIB. V.

ti nostro gelidis fluminibus circumfusum fuisse, non enim video quo modo sedare possint mala præsentia præteritæ voluptates: sed cum is, dicat semper beatū esse sapientem, cui dicere hoc, si sibi constare vellet, nō liceret: quidnā faciendum est ijs, qui nihil expetendum nihil in bonis ducendum, quod honestate careat, existimant? Me quidem auctore etiam Peripatetici, veteresq; Academici balbutire desinant aliquando, aperteq; & clara voce audeant dicere, beatā vitam in Phalaridis taurum descensuram, sint enim tria genera bonorum, ut iam à laqueis Stoicorum, quibus vsum me pluribus quam soleo, intelligo, recedamus: sint sanè illa genera bonorum, dum corporis & externa iaceant humi, & tantummodo, quia sumenda sunt, appellantur bona: alia autem diuina illa longè lateq; se pandant, cœlumq; contingant. ea qui adeptus sit cur eum beatum modo, & non beatissimum etiam dixerim? dolorem vero sapiens extimescet? is enim huic maximè sententia repugnat: nam contra mortem nostram atque nostrorum, contraq; ægritudinem, & reliquas animi perturbationes, satis esse videmur superiorum dierum disputationibus armati & parati. Dolor videtur esse acerrimus virtutis aduersarius, is ardenteis facibus intentat: is fortitudinem, magnitudinem animi, patientiam se debilitaturum minatur. Huic igitur succumbit virtus? huic beata sapientis & cōstantis viri vita cedit? Quā turpe, o dī boni. Pueri Spartiæ non ingemiscunt verberum dolore laniati: adolescentium greges La-  
ceda-

cedamone vidimus ipsi incredibili cōtentione certantes pugnis, calcibus, vnguibus, morſu deniq̃, vt exanimarētur prius, quam ſe victos faterētur. Quæ barbaria India vaſtior, aut agreſtior? in ea tamen gente primum y, qui ſapientes habentur, nudi etatem agūt & Caucaſi niueis hiemalem q̃ vim perferunt ſine dolore: cumq̃ue ad flammam ſe applicuerint, ſine gemitu aduruntur. mulieres verd in India cum eſt cuiusq̃ earum vir mortuus, in certamen iudiciumq̃ veniunt, quā plurimā ille dilexerit, plures enim ſingulis ſolēt eſſe nuptæ. quæ eſt victrix, ea lata proſequentibus ſuis vna cum viro in rogam impenitur: illa victa mœſta diſcedit. Nunquā naturā mos vinceret. eſt enim ea ſemper inuicta ſed nos vmbriſ, delicijs, otio, languore deſidia animum infecimus, opinionibus, maloq̃ more delinitum molliuimus. Aegyptiorum morem quis ignorat? quorū imbutæ mentes prauis erroribus, quā uis carniſcinam prius ſubierint, quam ibin, aut aſpidem, aut ſelem, aut canem, aut crocodilum violent: quorum etiam ſi imprudentes quippiam fecerint, penam nullam recuſent de hominibus loquor. Quid beſtia? nō frigus, non ſinem, non montiuagos a: que ſilueſtreis curſus, luſtrationeſq̃ue, patiūtur? non pro ſuo partu ita propugnant, vt vulnera excipiant? nullos impetus, nullos ictus reformident? Omitto quæ perſerant, quæq̃ patiantur ambitioſi honoris cauſa, laudis ſtudioſi, gloriæ gratia: amore incenſi cupiditatis. Plena vita exemplorum eſt: ſed adhibeat oratio modum, & redeat illuc vnde deſlexit. Dabit, dabit inquam, ſe in

in tormēta vitæ beatæ: nec iustitiam, temperantiā, in primisq; fortitudinem, magnitudinem animi patientiam prosecuta, cum tortoris os viderit, consistet virtutibusq; omnibus sine ullo animi terrore ad cruciatū profectus, resistet extra fores (vt ante dixi) limenq; carceris. quid enim ea fædius, quid deformius sola relicta, comitatu pulcherrimo segregata? quod tamē fieri nullo pacto potest: nec. n. virtutes sine beatæ vitæ coherere possunt, nec illa sine virtutibus. itaque eam tergiuersari non sinent, secumq; rapiunt ad quēcūq; ipsæ dolorem cruciatumq; ducemur: sapiētis est enim propriū, nihil cuius pœnitere possit, facere: nihil inuitum: splendide, constanter, grauit̃er, honestè omnia: nihil ita exspectare, quasi certò futurum: nihil, cūm acciderit, admirari, vt inopinatū ac nouū accidisse videatur: omnia ad suum arbitrium referre, suis stare iudicijs. quo quid sit beatius, mihi certe in mentem venire nō potest. Stoicorum quidē facilis conclusio est quæ cum finem bonorum esse senserint, cōgruere naturæ, cumq; ea cōuenienter viuere: cūm id sit incapiēte situm non officio solūm, verum etiam potestate: sequatur necesse est, vt, cuius in potestate summum bonum, in eiusdē vitæ beatæ sit. Ita sit semper vitæ beatæ sapientis. Habes, quæ fortissimè de beatæ vitæ dici putem, & quomodo nunc est, nisi quod tu melius attuleris, etiam verissimè.

Melius quidem afferre nihil possum: sed à te impetrare libenter velim, nisi molestum, quoniam te nulla vincula impediunt vllius certæ disciplina, liuāsque

*quæ ex omnibus quodcunque te maximè specie veri-*  
*tatis mouet: quod paullo ante Peripateticos, veterè*  
*quæ Academiã hortari videbare, vt sine retractatiõe*  
*liberè dicere auderent, sapientis esse semper beatissi-*  
*mos, id velim audire. quemadmodum his pures con-*  
*sentaneum esse id dicere, multa enim à te contra istã*  
*sententiam dicta sunt, & Stoicorum ratione conclu-*  
*sa. Vt amur igitur libertate, qua nobis solis in philoso-*  
*phia licet vti, quorũ orationibilib ipsa iudicat sed ha-*  
*betur in omneis parteis, vt ab alyis possit ipsa per sese*  
*nullius auctoritate adiuncta iudicari: & quoniam*  
*videris hoc velle, vt quacunque dissentientium philo-*  
*sopherum sententia de finibus sit, tamen virtus satis*  
*habeat ad vitam beatam presidij: quod quidem Car-*  
*neadem disputare solitũ accepimus: sed id vt contra*  
*Stoicos quos studiosissimè semper refellebat, & con-*  
*tra quorum disciplinam ingenium eius exarserat:*  
*nos autem illud, cum pace agemus. Si enim Stoici*  
*fincis bonorum rectè posuerunt, confectares est. ne-*  
*cesse est semper beatum esse sapientem. Sed quara-*  
*mus vnamquãquæ reliquorum sententiam, si fieri po-*  
*test, vt hoc praeclarum quasi decretum beatè vitæ pos-*  
*sit omnium sententijs & disciplinis conuenire. Sunt*  
*autem hæc de finibus, vt, opinor, retenta defensaquæ*  
*sententia: primum simplices quatuor: nihil bonum,*  
*nisi honestum, vt Stoici: nihil bonum, nisi volup-*  
*tatem, vt Epicurus: nihil bonum, nisi vacuitatem*  
*doloris, vt Hieronymus: nihil bonum, nisi naturæ pri-*  
*mis bonis aut omnibus, aut maximis frui, vt Carneades*

QVAESTION. LIB. V.

des contra Stoicos differebat. Hac igitur, simplicia illa mixta, tria genera bonorum, maxima animi, secunda corporis, externa tertia, ut Peripatetici, nec multo veteres Academici secus. Voluntatem cum honestate Clitomachus, & Callipho copulauit. indolentiam autem honestati Peripateticus Diodorus adiunxit. Haec sint sententiae quae stabilitatis aliquid habeant. nam Aristonis, Pyrrhonis, Herili, nonnullorumque aliorum euauerunt. Hi quid possint obtinere, videamus, ommissis Stoicis: quorum satis uideor defendisse sententiam. & Peripateticorum quidem explicata causa est, praeter Theophrastum, & si qui illum secuti, imbecillius horrent dolorem, & reformidant. reliquis quidem licet facere quod ferè faciunt, ut grauitatem, dignitatemque virtutis exaggerent. quam cum ad coelum extulerint, quod facere eloquentes homines copiosè solent: reliqua ex collatione facile est contere re atque cõtemnere. nec enim licet ijs, qui laudem cum dolore petendam esse dicunt, negare eos esse beatos, qui illam adepti sunt. quanquam enim sint in quibusdam malis: tamè hoc nomen beati longè & latè patet nam ut quæstiosa mercatura, fructuosa aratio dicitur, non si altera semper omni damno, altera omnis tempestatibus calamitate semper vacet, sed si multo maiore ex parte extet in utraque felicitas: sic uita non solum si undique referta bonis est, sed simulto maiore & grauiore ex parte bona propendent, beata rectè dici potest: Sequetur igitur horum ratio. e vel ad supplicium beata uita uirtutem, cumque ea descendet in tur-  
O
rum,

M. T. C. TVSCVLANA.

rum, Aristotele, Xenoerate, Speusippo, Polemone, au-  
 Etoribus: nec eam minimis blandimentis corrupta de-  
 feret eadem Calliphonis erit Diodoriqué sententia:  
 quorum uterque honestatem sic complectitur, ut om-  
 nia, quæ sine ea sint, longè & retro ponenda cense-  
 at. Reliqui habere se videntur angustius, enatant  
 tamen Epicurus, Hieronimus, & si qui sunt, qui  
 disertum illum Carneadem curent defendere. nemo  
 est enim, quin eorum bonorum animum putet esse  
 iudicem, cumquæ condocet faciat, ut ea, quæ bona,  
 malaue videantur, possit contemnere. nam quæ tibi  
 Epicuri videtur, eadem erit Hieronymi & Carnea-  
 dis causa, & Hercule omnium reliquorum. quis e-  
 rim parum est contra mortem, aut dolorem para-  
 tus? Ordiamur ab eo, si placet, quem mollem, quem  
 voluptarium dicimus. Quid? is tibi mortemne vi-  
 detur an dolorem timere, qui eum diem quo mori-  
 tur, beatum appellat: maximisquæ doloribus affe-  
 ctus, eos ipsos inuentorum suorum memoria & recor-  
 datione confutat? nec hoc sic agit, ut ex tēpore quæ  
 si effutire videatur: de morte enim ita sentit, ut, dis-  
 soluto animante, sensum extinctum putet: quo au-  
 tem sensu careat, nihil ad nos id iudicet pertinere. i-  
 tem de dolore certa habet: quæ sequantur: quorum  
 magnitudinem breuitate consolatur, longinquitate  
 leuitate. Quid tandem? isti grandiloqui con-  
 tra hæc duo, quæ maximè angunt, melius se habere  
 quam Epicurus? an ad cetera, quæ mala putantur, non  
 & Epicurus, & reliqui philosophi satis parati viden-  
 tur?

tur? quis non paupertatem extimescit? neque tamen non quisquam philosophorum. Hic verò ipse quā paruo est contentus? nemo de tenui victu plura dixit. et enim quæres pecunia cupiditatem afferunt, ut amoris ut ambitioni, ut quotidianis sumptibus copice suppetant: cum procul ab ijs omnibus rebus absit, cur pecuniam magnoperè desideret. vel potius curet omnino? an Scythes Anacharsis potuit pro nihilo pecuniam ducere, nostrates Philosophi facere non poterunt? Illius epistola fertur his verbis: Anacharsis Hannoni salutem. Mibi amictus est Scythicum tegmen: calceamentum, solorum callum: cubile, terra pulmentum, famæ: lacte, caseo carne vescor: quare ut ad quietum me licet uenias, munera autem ista, quibus deliciaris, vel ciuibus tuis, vel dijs immortalibus dona. Omnes ferè philosophi omnium disciplinarum, nisi quos recta ratione natura vitiosa detorsisset, hoc eodem animo esse potuerunt. Socrates in pompa cum magna vis auri argentiq; ferreretur: Quam multa non desidero, inquit. Xenocrates, cum legati ab Alexandro quinquaginta ei talenta attulissent: quæ erat pecunia temporibus illis, Athenis præsertim, maxima: adduxit legatos ad cœnam in Academiam. ijs apposuit tantum, quod satis esset, nullo apparatu. Cum postridie rogarent eum, cui numerari iuberet: Quid? vos besterna, inquit, cœnula, non intellexistis, me pecunia non egere? quos cum tristiores vidisset, triginta minas accepit, ne aspernari regis liberalitatem videretur. At verè Diogenes liberius, ut Cynicus, Alexan-



dro roganti, vt diceret, si quid sibi opus esset : Nunquidem pallulum, inquit, à sole absis. offecerat videlicet apricanti. Et hic quidē disputare solebat, quanto regem Persarum vita fortunaque superaret: sibi nihil deesse, illi nihil satis vnquam fore: se eius voluptates non desiderare, quibus nunquam satiari ille posset, suas eum consequi nullo modo posse. Vides, credo, vt Epicurus cupiditatum genera diuiserit, non nimis fortasse subtiliter, vtiliter tamen: partim esse naturales & necessarias: partim naturales, & non necessarias: partim neutrum: necessarias satiari posse pænè nihilo: diuitias enim naturæ parabileis esse: secundum autem genus cupiditatum nec ad potiendū difficile censet, nec vero ad carendum. tertias, quod essent planè inanes, neque necessitatem modo, sed ne naturam quidem attingerent, funditus eiciendas putauit. Hoc loco multa ab Epicureis disputantur, eaque voluptates singillatim extenuantur: quarum genera non contemnunt, quarunt tamen copiam. nam & obscenas voluptates, de quibus multa ab illis habetur, oratio facileis, communis, in medio sitas esse dicunt: easque si natura requirat, non genere, aut loco, aut ordine, sed forma, etate figura metiendas putant ab ijsq; abstinere minimè esse difficile si aut valetudo aut officium, aut fama postulet omninoque genus hoc voluptatum optabile esse si non obsit, prodesse nunquam, totumq; hoc de voluptate sic ille præcepit, vt voluptatem ipsam per se, quia voluptas sit, semper optandam expetendamque putet: eademque

ratione dolorem ob id ipsum, quia dolor sit, semper esse fugiendum: itaque hac vsurum compensatione sapientem, ut voluptatem fugiat, si ea maiorem dolorem effectura sit: & dolorem suscipiat, maiorem efficientem voluptatem: omniaque iucunda, quanquam sensu corporis iudicentur ad animum referri tamen. quocirca corpus gauderet tam diu, dum presentem sentiret voluptatem: animum & presentem percipere pariter cum corpore, & prospicere venientem, nec prateritam praterfluere sinere: ita perpetuas & contextas voluptates in sapiente fore semper, cum expectatione speratarum, perceptarum memoria iungeretur. Atque ijs similia ad victum etiam transferuntur, extenuanturque magnificentia, & sumptus epularum, quod paruo cultu natura contenta sit etenim quis hoc non videt, desiderijs ista condiri omnia? Darius in fuga, cum aquam turbidam, & cadaueribus inquinatam bibisset, negavit vnquam se bibisse iucundius. nunquam videlicet sitiens biberat: nec esuriens Ptolemaeus ederat: cui cum peregrinanti comitibus non consecutis, cibarius in casa panis datus esset, nihil visum est illo pane iucundius. Socratem ferunt, cum vsque ad vesperum contentius ambularet, quasitumque esset ex eo, quare id faceret: respondisse, se quo melius cœnaret, obsonare ambulando famem. Quid? victum Lacedæmoniorum in Phiditijs nonne videmus? ubi cum tyrannus cœnauisset Dionysius, negavit se iure illo nigro, quod cœne caput erat delectatum. tum is qui illa coxe-

rat, Minimè mirum, inquit condimenta enim defuerunt. Quatandem, inquit ille? labor in venatu, sudor cursus ab Eurota, fames, sitis, his enim rebus Lacedæmoniorum epulæ condiuntur. Atq; hoc non ex hominū more solī, sed etiam ex bestijs intelligi potest; quæ, ut quicquid obiectum est, quod modo à natura nō sit alienū, eo contentæ non quarunt amplius. Ciuitates quodam vniuersæ, more doctæ, parsimonia delectantur, ut de Lacedæmonijs paullo ante diximus. Persarum à Xenophonte victus exponitur: quos negat ad panem adhibere quicquam, præter nasturtiū. quanquā si quadā etiam suauiora natura desideret, quā multa ex terra arboribusque gignuntur, cum copia facili, tum suauitate præstantia? adde siccitatem, quæ consequitur hanc continentiam in victu, adde integritatem valetudinis. confertur suadenteis, ructantibus, refertos epulis, tanquam opimos boues, tum intelliges, qui voluptatem maximè sequantur, eos minimè consequi: iucunditatemque victus esse in desiderio non in satietate. Timotheum, clarum hominem Athenis, & principem ciuitatis ferunt, cū cœnauisset apud Platonem, eoque conuiuiο admodum delectatus esset, vidisset quæ eum post ridie, dixisse. Vestra quidem cœna non solum in præsentī, sed etiam postero die iucundæ sunt. Quid, quod ne mente quidem rectè vis possumus multo cibo, & potione cōpleti? est præclara epistola Platonis ad Dionis propinquos, in qua scriptum est hīs fere verbis: Quo cū venissem, vita illa beata, quæ ferebatur, plena Italicarū Syracusanarumq;

men-

mensarum, nullo modo mihi placuit, bis in die saturu fieri, nec vnquam pernoctare solū, cetera q̄, qua comitantur huic vitæ in qua sapiens nemo efficitur vnquā, moderatus vero multo minus, Quæ enim natura tam mirabiliter temperari potest? Quomodo igitur iucunda vita potest esse, à qua absit prudentia absit moderatio? Ex quo Sardanapali opulentissimi Syriae regis error agnoscitur, qui incidi iussit in busto.

Hac habeo quæ edi, quæq̄ ex saturata libido

Hausit: at illa iacent multa & præclara relictâ. Quid aliud, inquit Aristoteles, in bouis, non in regni sepulchro inscriberes? hac habere se mortuum dicit, quæ ne viuus quidem diutius habebat, quam fruebatur. Cur igitur diuitia desiderantur aut vbi paupertas beatos esse non finit? in signis credo, tabulis, ludis. Si quis est, qui his delectetur, nonne melius tenues homines siuantur, quam illi, qui his abundant? est enim earum omnium rerum in nostra vrbe summa in publico copia. quæ qui priuatim habent, nec tam multa, & raro vident, cum in sua rura venerint. quos tamen pungit aliquid, cum illa vnde habeant, recordantur: Dies me deficiet, si velim paupertatis causam defendere: aperta enim res est, & quotidie nos ipsa natura admonet, quam paucis, quam paruis rebus egeat, quā vilibus. Num igitur ignobilitas, aut humilitas, aut etiam popularis offensio sapientem beatum esse prohibebit? Vide ne plus commendatio in vulgus, & hac, quæ expetitur, gloria, molestia habeat, quam voluptatis Leuiculus sanè noster Demosthenes, qui illo susurro

delectari se dicebat, aquam ferentis muliercula, ut  
 mos in Gracia est, infusus atque alteri, Hic est ille De  
 mosthenes, quid hoc leuius? at quantus orator? sed a-  
 pud alios loqui videlicet didicerat, non multum ipse  
 secum. Intelligendum est igitur nec gloriam popula-  
 rem ipsam per se expetendam, nec ignobilitatem ex-  
 timiscendam. Veni, Athenas, inquit, Democritus,  
 neque me quisquam hic agnouit. Constantem homi-  
 nem, & grauem, qui gloriatur à gloria se auisse. An  
 tibicines, ijque qui fidibus vtuntur, suo non multitu-  
 dinis arbitrio cantus numerosque moderantur: vit  
 sapiens multo arte maiore praeclitus, non quid verissi-  
 mum sit, sed quid velit vulgus, exquiret? an quicquā  
 stultius, quam quos singulos, sicut operarios barbaros  
 que contemnas, eos aliquid putare esse vniuersos? Ille  
 verò nostras ambitiones leuitatesque contemnet, ho-  
 noresque populi, etiam vltro delatos, repudiabit: nos  
 autem eos nescimus, antequam poenitere coepit, con-  
 temnere. Est apud Heraclitum physicum de princi-  
 pe Ephesiorum Hermodoro, vniuersos ait Ephesos  
 esse morte multandos, quod, cum ciuitate expelle-  
 rent Hermodorum, ita locuti sunt. Nemo de nobis re-  
 nus excellat, sed si quis extiterit, alio in loca & apud  
 alios sit. An hoc non ita fit omni in populo? nonne om-  
 nem exsuperantiam virtutis oderunt? Quid? Ari-  
 stides (malo enim Graecorum quam nostra proferre)  
 nonne ob eam causam expulsus est patria, quod pra-  
 ter modum iustus esset? quantis igitur molestis va-  
 cant, qui nihil omnino cum populo contrahunt? quid  
 est

QVÆSTION. LIB. V.

est enim dulcius otio litterato? ijs dico litteris, quibus infinitatem rerum atque naturæ, & in hoc ipso mundo cælum, terras, maria cognoscimus. Contempto igitur honore, contempta etiam pecunia, quid relinquitur, quod extimescendum sit? Exilium, credo, quod in maximis malis ducitur id si propter alienam, & offensam populi voluntatem malum est. quàm sit ea contemnenda, paulld antè dictum est. sin abesse à patria miserum est, plena miserorum prouincia sunt: ex quibus admodum pauci in patriam reuertuntur. At multantur bonis exsules. Quid tum? parum ne multa de toleranda paupertate dicuntur? Iam verò exilium, si rerum naturam, non ignominiam nominis quærimus, quantum demum à perpetua peregrinatione differt? in qua ætates suas philosophi nobilissimi consumpserunt, Xenocrates, Crantor, Arcesilas, Lacedes, Aristoteles, Theophrastus, Zeno, Cleanthes, Chrysippus, Antipater, Carneades, Panætius, Clitomachus, Philo, Antiochus, Posidonius: innumerabiles alij: qui semel egressi, nunquam domum reuertère. At enim non erit sine ignominia. Ignominia afficere poterit sapientem? de sapiente enim est hac omnis oratio, cui iure id accidere non possit. nam iure exulantem consolari non oportet. postremò ad omnes casus facilissima ratio est eorum, qui ad voluptatem ea referunt, quæ sequuntur in vita, vt, quocunque hac loco suppedirent, ibi beatè queant viuere. Itaque ad omnem rationem Teucris vox accommodari potest: Patria est vbicunque est benè. Socrates quidem cum rogaretur,

cuiatem se esse diceret, Mundanum, inquit. totius enim mundi se incolam & ciuem arbitrabatur. Quid? T. Albutius nonne animo aequissimo Athenis exul philosophabatur? cui tamen illud ipsum non accidisset, si in Republ. quiescens, Epicuri legibus paruisset. quæ enim beator Epicurus, quod in patria vivebat, quam Metrodorus, quod Athenis? an Plato Xenocratem vincebat, aut Polemo Arcesilam, quo esset beator? quanti verò ista ciuitas æstimanda est, ex qua boni sapientes quæ pelluntur? Demaratus quidem Tarquinij regis nostri pater tyrannum Cypsellum quod ferre non poterat, fugit Tarquinos Corintho, & ibi suas fortunas constituit: ac liberos procreauit. num stultè anteposuit exulij libertatem domestica seruituti? Iam verò motus animi, sollicitudines, agritudine: quæ obliuione leniuntur, traductis animus ad voluptatem.

Non sine caussa igitur Epicurus ausus est dicere, semper in pluribus bonis esse sapientem, quia semper sit in voluptatibus, ex quo effici putat ille quod querimus, vt sapiens semper beatus sit. Etiãque, si sensibus carebit oculorum, si aurium? Etiam. nam ista ipsa contemnit. primùm enim horribilis ista cæcitas, quibus tandem caret voluptatibus? cùm quidam etiam disputent cæteras voluptates in ipsis habitare sensibus: quæ autem aspectu percipiuntur, ea non versari in oculorum vlla iucunditate, vt ea, quæ gustemus, olfaciamus, tractemus, audiamus in ea ipsa vbi sentimus parte versantur: in oculis tale nihil fit. Animus accipit quæ videmus. animo autem multis modis va-



QVAESTION. LIB. V.

dis varijsquē delectari licet, etiam si non adhibea-  
tur aspectus. Loquor autem de docto homine & eru-  
dito, cui viuere est cogitare. sapientis enim cogitatio  
non fermè ad inuestigandum adhibet oculos aduo-  
catos. etenim si nobis non adimit vitam beatam, cur  
dies nocti simileis adimat: nam illud Antipatri Cyre-  
naici est quidem paullò obscœnius, sed non absurda  
sententia est: cuius cœcitatē cum muliercula lamen-  
tarentur: Quid agitis, inquit? an vobis nulla videtur  
voluptas esse nocturna? Appium quidem veterem il-  
lum, qui cœcus annos multos fuit, & ex magistrati-  
bus, & ex rebus gestis intelligimus in illo suo casu nec  
priuato, nec publico munerī defuisse. C. autem Drusi  
domum compleri consultoribus solitam accepimus:  
cū, quorum res esset, sua ipsi non videbant, cœcum  
adhibebant ducem. Puerus nobis Cn. Aufidius Prato-  
rius & in Senatu sententiam dicebat, nec amicis de-  
liberantibus deerat, & Græcam scribebat historiam,  
& viuebat in litteris. Diodorus Stoicus cœcus mul-  
tos annos nostra domi vixit. is verò quod credibile  
vix esset, cū in philosophia multò etiam magis assi-  
duè quàm antea versaretur, & cum fidibus Pythago-  
reorum more vteretur, cumquē ei libri noctes & dies  
legerentur, quibus in studijs oculis non egebat: tamen  
quod sine oculis fieri posse vix videtur, Geometra mu-  
nus tuebatur, verbis præcipiens discētibz, vnde, quo,  
quamq; lineam scriberet. Aslepiadem ferunt, non ig-  
nobilem medicum & philosophum, cū quidā quære-  
ret, qd ei cœcitas attulisset, respondisse, vno vt puero  
esset

esset comitator. ut enim vel summa paupertas tolerabilis sit, si liceat, quod quibusdam Gracis, quotidie: sic cæcitas ferri facile possit, si non desint subsidia valetudinum Democritus luminibus amissis alba scilicet & atra discernere non poterat; at vero bona, mala: aqua, iniqua: honesta, turpia: utilia, inutilia: magna, parua poterat. & sine varietate colorum licebat vivere beatè: sine notione rerum non licebat. atque hic vir impediri animi etiam aciem aspectu oculorum arbitrabatur: & cum alijs sæpe, quod esset ante pedes non viderent, ille in infinitatem omnem peregrinabatur, ut nulla in extremitate consisteret. Traditum est etiã, Homerum cæcum fuisse, at eius picturam, non poesim videmus. quæ regio, quæ ora, qui locus Graciæ, quæ species forma, quæ pugna, quæ acies, quod remigium, qui motus hominum, qui ferarum non ita ab eo expectus est, ut, quæ ipse non viderit, nos ut videremus, effecerit? Quid ergo aut Homero ad delectationem animi ac voluptatem, aut cuiquem docto defuisse vnquam arbitramur? aut, ni ita se res haberet, Anaxagoras, aut hic ipse Democritus agros & patrimonia sua reliquissent huic discendi quærendiq; diuina delectationi toto se animo dedidissent? Itaq; augurem Tiresiam, quæ sapientem fingunt poeta, nunquam inducunt deplorantem cæcitatem suam: at verò Polyphemum Homerus cum immanem ferunq; sinxisset, cum ariete etiã colloquentem facit, eiusq; laudantem fortunas, quod; quæ vellet, ingredi posset, & quæ vellet, attingeret. Rectè hic quidem nihil enim erat ipse Cyclops, quam aries ille,

ille, prudentior. In surditate verò quid nam est malum  
 erat surdaster M. Crassus: sed aliud molestius, quod  
 malè audiebat, etiamsi, ut mihi videbatur, iniuria. E-  
 picurei nostri Gracè fari nesciunt, nec Græci latine. er-  
 go hi in illorum sermone surdi. omnesq; item nos in ijs  
 linguis, quas non intelligimus, quæ sunt innumerabi-  
 les, surdi profectò sumus. At vocem Citharædi non au-  
 diunt, ne stridorem quidem serratum, cum acuitur:  
 aut grūnitum, cum iugulatur sus. nec cum quiescere  
 volunt, fremitum murmurantis maris, & si cantus eos  
 fortè delectant, primum cogitare debent, antequam  
 hi sint inuenti, multos beatè vixisse sapientes: deinde  
 inultò maiore percipi posse legendis his, quam audien-  
 dis, voluptatem. tum, ut paulò antè cecos ad aurium  
 traducebamus voluptatem, sic licet surdos ad oculorū.  
 etenim qui secum loqui poterit, sermonem alterius  
 non requireret. Congerantur in vnum omnia: ut idem  
 oculis & auribus captus sit: prematur etiam dolorib.  
 acerrimis corporis: qui primum per se ipsi plerunque  
 conficiunt hominem: dein si fortè longinquitate pro-  
 ducti, vehementius tamen torquent, quàm ut causa  
 sit, cur ferantur: quid est tandem, dñi boni, quod labo-  
 remus? portus enim præstò est, quoniam mors ibidem  
 est, æternum nihil sentienti receptaculum. Theodorus  
 Lyfimacho mortem minitanti: Magnum verò, inquit,  
 effecisti, si Cantharidis vim consequutus es. Paullus  
 Persæ deprecanti, ne in triumpho duceretur, in tua id,  
 inquit, potestate est. Multa primo die, cum de ipsa  
 morte quæreremus, non pauca etiam poslero, cum age-  
 retur

retur de dolore, sunt dicta de morte: qua qui recorde-  
tur, haud sanè periculum est, ne non mortem aut optā-  
dam, aut certè non timendam putet. mihi quidem in  
vita, seruanda videtur illa lex, qua in Gracorum con-  
uiujs obtinetur: Aut Bibat, inquit, aut Abeat: & re-  
ctè aut enim fruatur aliquis pariter cum alijs volu-  
ptate potandi: an, ne sobrius in vinolentiam vino-  
lentorum incidat, antè discedat. Sic iniuriæ fortuna  
quas ferè nequeas, defugiendo relinquant. Hac eadē,  
qua Epicurus, totidem verbis dicit & Hieronymus:  
Quod si y philosophi, quorum ea sententia est, vt vir-  
tus per se ipsa nihil valeat, omne, quod honestum nos  
& laudabile esse dicimus, id illi cassum quiddam &  
inanis vocis sono decoratum esse dicunt, & tamen sem-  
per beatum esse censent sapientem, quid tandem à So-  
crate & Platone perfectiſq; philosophis faciendū pu-  
tes? Quorum alij tantam præstantiam in bonis animi  
esse dicunt, vt ab his corporis & externa obsurentur.  
alij autem hac ne bona quidem ducunt: in animo repo-  
nunt omnia. quorum controuersiam solebat tanquam  
honorarius arbiter iudicare Carneades. Nam cum,  
quacung; bona Peripateticis, eadem Stoicis commo-  
da viderentur: neq; tamen Peripatetici plus tribue-  
rent diuitijs, bona valetudini, ceterisq; rebus generis  
eiusdem, quam Stoici, cum ea, re, non verbis pondera-  
rentur, causam esse disidendi negabat. Quare hunc  
locum ceterarum disciplinarum philosophi, quemad-  
modum obtinere possint, ipsi viderint, mihi tamen gra-  
tum est, quod de sapientium perpetua benè viuendi fa-  
cultate

QVAESTION. LIB. V.

*cultate dignum quiddam Philosophorum voce profi-  
teantur. Sed quoniam manè est eundum, has quinque  
dierum disputationes memoria comprehendamus. E-  
quidem me etiam conscripturum arbitror: vbi enim  
melius uti possumus hoc, cuiusmodi est, otio? ad Bru-  
tumq, nostrum hos libros alteros quinque mittemus:  
à quo nō modò impulsus sumus ad philosophicas scriptio-  
nes, verum etiam laceßiti: in quo quantum ceteris  
profuturi simus, non facile dixerimus: nostris qui-  
dem acerbissimis doloribus, varijsq, &  
vndique circumfufis molestijs alia  
nulla potuit inueniri  
leuatio.*

F I N I S.













